



C. LIBR. UNIVERSITATIS
VIENNAE IMP. ET
CENS. VIENENSIS

18782

Kattkamp

Mag. St. Dr.

P


80
1248.



18782

~~Price. £3.7s.~~

1887. C. 19.



Doubl

ALEXANDRI
MAXIMILIANI
FREDRO
DOUBLÉE
PARZ.
MONITA
POLITICO-MORALIA,
HONORIBUS
ILLUSTRISSIMI DOMINI
FRANCISCI
FERDINANDI
S. R. I. Comitis à
SCHRATTENBACH,

D U M

In Alma, ac celeberrima Uni-
versitate Græcensi suprema AA. LL.

& Philosophiæ laureâ ornaretur

P R O M O T O R E

R. P. IGNATIO KAMPMILLER,

è Societate Jesu AA. LL. & Philosophiæ
Doctore, ejusdémque Professore
emerito,

A NEO-DOCTORIBUS COLLEGIS
Dedicata.

Anno M. DCC. XXVII. Mense Augusto Die VI.

GRÆCIJ, Literis Hæredum Widmanstadij.

LIBRARY
UNIVERSITATIS



18782.1

A. Volpi:

ILLUSTRISSIME
Excellens, ac Dodissime
DOMINE DOMINE
NEO-DOCTOR.

Dum Illustrissimo Nomi*n* Tu*o*
novos Philosophia triumphos
apparat, Nos iterum, quibus
Te Duce, & Comite laureatos esse licet,
in honoris Tui theatrum succedimus.
Nos venimus supremam gratulari Ma-
gisterij lauream, quæ primo Tibi loco de-
creta est, (neque enim Te sic ornari fa-
vor est, sed debitum) nostri duntaxat in
Te animi tributum pendimus, quale
præclara Tua virtus, & quam à teneris
combibisti, insignis eruditio, efflagitant.
En itaque Monita politico-moralia Ale-
xandri Maximiliani Fredro, Illustris
Castellani Leopoliensis munus, vel
ideo honoribus Tuis illustrandis oppor-
tunum, quia concinnatum ab eo, qui
magnum olim, quale & Tu hodie efful-
ges, Gracensis Philosophiæ lumen, qui-
que subinde inter Polonia Regni Magna-
tes

tes relatus, ea pro Republica præclare ges-
sit, qualia & Tu aliquando geres. Ne-
que ex vano istud de Te auguramur, Il-
lustrissimus quippe, ac per vetustus san-
guis Tuus, mens scientiarum capacissi-
ma, indoles ad summa quæque nata,
maxima de Te sperare omnia nos jubent.
Sed non est, quod meritis hæc Tuis elo-
gium texamus, majora sunt illa, & no-
tiora, quædici à nobis possit. Istud
interim indulge, ut dum magistrali lau-
ro Verticem Tuum Aristoteles hodie cir-
cumdat, nos folia isthac, qualecunque in
Te animi pignus, Illustrissimis Tuis ma-
nibus inseramus. Erit, ut vel inde in-
telligant posteri, quantum Nomen Tuum
in nostrum animis, quantum in spe pa-
triaæ fuerit, ad cuius pulcherrimas spes
dum excrescere Te omnes gratulamur,
perennem unda felicitatem advovemus

Honoribus Tuis

Addictissimi
NEO - DOCTORES
Philosophi.



MONITA POLITICO-MORALIA,

Secunda

Quomodo vivendum cum paucis,
cum populo, salva Virtute, Gratia,
& Authoritate.

PARS PRIMA POLITICO-MORALIUM.

I.

DEUM publicè, & cum apparatu cole,
ut tibi factio, aliisque proficias exem-
plum, virtuosi nomen, non ex vano
paraturus, eoque potens.

2. Sabrius sis, ut eveniant tibi res sanæ, &
sobriæ.

3. Omnia seriò fac, & cum gravitate, nun-
quam obiter; immo lentè fac, nec prope-
ranter. *Currendo, non rependo, fit lapsus.*
DEUS cùm magnificum opus mundi aggre-
deretur, & momento in unico, pro summa
potestate potuisset creare perfectum totum,
prout patuit, immò fecit: sed cùm humano
modo factum orbi repräsentat, sex velut dies

A

in

insumpsit operi, ut monstraret mortalibus, magna, nisi sensim, posse fieri correcta, perfectaque; vel quia magis magnificatur opus, cui non obiter immoramus faciendo. Vis rem benè habere? Lente fac, & sèpè corrigere ipsa experiere, reperturum te vesperi, quod corrigas, quod manè actum, aut habitum ex perfecto credidisti.

4. Sis publicè munificus sine jactantia, & prodigalitate; perdere multi sciunt, donare nesciunt.

5. Non impera, non pete, nisi quæ obtine-re speras. Qui impossibilia petit, non vult habere, & simul vult offendere. Idque per alios petes, nec satagenter. Non objice statim autoritatem; sèpe quæ nimis petimus nobis neganda præcavemus.

6. Non promitte, nisi quæ præstare potes; ne levitatis arguaris.

7. Non dic, nisi quæ vera, & sine invidia audientium.

8. Frustra minas intendis, si timeri non credis: potius præoccupa contemptum minarum, dissimulatione.

9. Meminisse magis oportet, quam irasci, aut dolere. Infra tuum animum esse doce, quæ acciderunt, ac potius per risum habe.

10. Nec te lauda, nec vitupera; ab hoc contemptus, ab illo invidia paratur.

11. Non mirare, non canta, non lude, ut leviusculus.

12. Non s̄epius quare, potius scientiam,
quām nescitiam simula.

13. Quæ tibi difficilia, aut ignota objiciuntur, tacendo excipe. *Stultus quoque si vacuerit, sapiens reputabitur.* (Proverb. Salomon.)

14. Non crebrum, lentum, non affetatum, & propè ænigmaticum sit alloquium; sed tamen librata nimis & eluctantia verba, fastidium, immē suspitionem, pariunt audentibus, & cathedram sapiunt. Solutior nonnihil sermo, magis familiaris est, velut de Petronio Tacitus: *Cujus dicta, factaque, quantò solutiora, & quandam sui negligētiā p̄ se ferentia, tantò gratiū in speciem simplicitatis accipiebantur.* Circa familiare vitæ commercium cū amicis, in condimentum convictūs, probaverim; in publicis tamen actibus, gravitas sermonis p̄statur.

15. Si vitium loquacitatis pervincere studes; statue non quid prudenter loquaris, sed quām diu per intervalla tacendum (licet opportunè dicenda videantur) & vinces. Alias opportuna dicere cūm studes, ad importuna erumpes. Recte ille ait: *Loqui me aliquando p̄nituit, tacuisse nunquam.* In nonnullis tamen loquitur bonus candor & zelus, in nonnullis inquietus genius, & dicacitas, dum in quascunque aures inciderint, ut confessorem intimorum judicēmque sine discrimine personarum sibi statuunt; unde produntur & irridentur.

16. Nonnulli dum esse sinceri nimis volunt, inculti sunt, proditores verius sui, quam in amicitia aperti: cum dicenda, & tacenda pariter effutiunt per levitatem.

17. Quisquis blando vultu dicentes audit, iisque comiter respondet, pariter agit, ac si humanos animos, in potestate sua, reserans affectibus, dum vult, habeat. Quæ virtus inter potiores (civium) parandis hominum & Provincialium animis, censi debet. Si vero secus rugosam fronte, obiterque dicentem audias, respondeasve; licet illi gratiam postea facturus: quid juvat, et si obtineat, qui cupit? cum à nolente & moroso prosectorum habet animo, non ut datum, sed velut extortum, ac potius projectum: ut pluris sit, blanda negationem reculisse, quam morosè obtinuisse concessum. Exinde usurpatur vulgo dictum: *Ei si non obtineat, habet tamen velut acceptum, qui se amicè audiri videt.* Tum illud: *Æger animus, dum ad satietatem enarraverit, quod vult, aequiparatur obrento.* Vidit orbis, nunc & olim viros Principes, alias magnis animi dotibus praeditos, sine hujus virtutis condimento, parum valuisse in vulgus, aut, quod pejus, in odium publicum incidisse. Exinde recte de Toletano Albæ Duce quidam observatum reliquit; ut propter suum triste & fastuosum, neque ideo civile aut sociabile, ingenium, ne ab iis quidem amaretur, quibus beneficerat.

18. Vestitus proprius magnificentiam sit, & authoritatem, quam quæstam ostentationem, aut luxum.

19. Gestus gravis, non melancholicus, aut effusè hilaris.

20. Absentiâ sæpe authoritatem tueâre. Continuus aspectus, minus verendos homines assidua satietate facit.

21. Verissimum axioma: *In ignotis magis dilatari animum.* Exinde sæpe æstimamus magis longinqua, quam proximiora; audienda, quam audita; videnda, quam visa; habenda, quam habita; pollicita, quam data aut accepta; scienda quam scita; & futura, quam præsentia. *Sic Majestati major è longinquæ reverentia, & omne ignotum pro magnifico.* *Sic Authorum ignotorum opera magnifica habentur; viso authore vilescent, magis que post funera inclarescent facta, & virtus nostra, & nomen.* *Sic major de absentiis personis opinio;* nam satagentius ab ignoto queritur, aut imaginatur: *Quis ille?* quam ut dicatur semel in præsentia: *Hie est.* Nec gradus amplius datur, quod vadat animus; cum visum & scitum, plenè sub oculis habetur. *Sic (per varia eundo) pericula castorum magis terrent longinquos domi,* quam milites pro vallo stantes, & vulnerum spectatores. *Sic nova subsidia medio in prælio ex ignoto in hostem immissa,* licet pauca, sed quia sub specie ignotarum insidiarum veniunt,

plus terrent hostem, quam acies numerosa,
 oculis subjecta. Sic puerorum minoren-
 nium aliquando delectamur plus aetate, quam
 forsitan estimaremus ex integro stantes; nam
 integrum quod est, oculis totum subjicit, &
 limitat, aut circumscribit, mentem, nec ul-
 tra procedit animus, atque imaginatio, non
 latius extenditur, quam sensus: de ruinatis &
 in integro non visis, plus imaginamur, exten-
 dendo mentem per diversa, quam forsan erat
 in rei veritate. Sic absentium ambigu ser-
 mones sunt magis laesivi, dum sub latiorem
 interpretationem cadunt: in praesentia effati
 condonantur levitati verborum, seu ingenui-
 tati dicti, tum circumstantiis personarum,
 temporis, rerum, loci, jocorum, discursuum,
 occasionis, quae saepe minuant offensam, dum
 in praesentia, prout in se sunt, capiuntur, ne-
 que delatorum malignitate torquentur; si
 praesertim illi exaggerando studiosè iram suc-
 cendere amant, cui rem deferunt. Sic vana
 licet spes ex licentia ditescendi, & exspectatio
 futurorum, tum incertorum pollicitatio, plu-
 res quandoque asseclas habet, quam certum
 bonum, quam merces & stipendia; ut veris-
 simè à quodam sit observatum, & à me alibi
 dictum: *Gratius esse hominis animo ascendere*
in parvis, quam persistere in magno, & per
partes, quam per totum; tum illud: Questa
in pretio vulgaria habitaque contemnuntur.
In pluribus opinione laboratur.

22. Non dictum, factumque repete, quod major insit ex raritate verbo reique authoritas.

23. Cum Gravibus ambula: leviculorum conversatione delectaberis quidem, sed tandem deturpaberis.

24. Non aestimatos, juvenes, minorennes, temulentos item, verbo; multo magis conservatione vitabis.

25. Quae cum dedecore in praesentia dicuntur, aut sunt, modeste reprehende, aut abi, subtracturus ab ea indignitate oculos & aurem: multo minus ipse fac, ne velis placeare assensu, quod est proprie levitatem.

26. Negotia (quoad tuò poteris) per alios tenta, fac, impera, vide, cura. Leviorem jacturam rei credas, quam authoritatis: immò admonebis corrigendos, non ipse, sed per alium; sic vitabis praesentem exacerbationem, nec facies periculum tuæ praesentiæ, quæ nisi opinionem, quoisque sit non vulgaris, ex raritate habet, gravioribus tantum negotiis reservanda, ut semper penes te restet, quod in majus, dum vis, rem urgere possis. Non astum exinde, ut nonnulli Commentariorum iniquè interpretantur, sed potissimum perspicacitatem Tiberij (ap. Tacitum Annal. 1.) observare licet, qui exercitum in Germaniis tumultuantem tantum per filios adiri voluit, Majestate salvâ, cui major è longinquò reverentia, simul adolescentibus excusatum, quedam

ad Patrem rejicere ; Resistentibus Germanico aut Druso , posse à se mitigari , vel infringi . Quod aliud (Nota verba) subsidium , si præsentem Imperatorem sprevisseni t

27. Nunquam effunde totam simul familiaritatem , & amorem ; vel effusurus , lente fac & pedetentim . Potius intendatur animicia , quam intensa sit . Habenda petitur , habita ut vulgata relinquitur , & facietate vilescit . Erravit ille , de quo annotatum : Milites suos commilitones , novo blandoque more appellans , dum affectat charior fieri , autoritatem principis emolliaverat . Sub initjis præsertim cavebitur effusiore officio , aut favore , tum gratiā ne aliquem prosequaris ; sed facies intra moderationis terminos : dum enim intensi actus lascantur , quæ agenda tractu temporis sequuntur , vix iisdem principiis respondere possunt ; pro injuria verò reputatur , diminui , tum auferri , in cuius possessionem semel involavit animus .

28. Hinc sequitur , ut non solum affectus Amoris (aut secus Iræ) sed prudentiam ipsam per modica , nec affectatè ostentemus , dum æstimari volumus ; nam pro vana ingenij ostentatione dum per familiares discursus effundunt se totos aliqui , nimis commemorandis rebus , loquaces & affectati , quasi nihil in postremum pro subsidio novæ objectionis relinquentes , dum opinionem prudentiæ , & exinde autoritatem sibi parare cupiunt , potius eam

eam perdunt : similes forensibus licitatoribus , cùm levioris momenti res & crepundia ad nundinas ferunt , per obvia fora institorias tabernas ponunt ; alias non quærendi , nisi emptores quærerent ipsi , & essent in obvio . Jam verò , pretiosarum mercium venditores , ditiore lucro negotiantur , eo ipso æstimationem mercibus posituri ; dum sínè ostentatione , satis habent sciri de mercibus , & quæruntur , ut vendant , non quærunt affectatè emptores . Quidquid igitur æstimatū haberi volumus , in affectu nostro bono (aut secus contrario) seu in ratione agendi , lente , tum per modicas partes exerceamus ; ne plenè satiemus , semper aliquid in potestate nostrâ in posterum reservaturi , quo in majus (dum pro tempore volumus) à nobis res intendatur . Totum spiritum suum profert stultus , at sapiens reservat aliquid in posterum . (Proverb . Salom .) & Eccl . In ore satuorum cor illorum , & in corde sapientum , os illorum .

29. Non vitupera amicum , non lauda , non reprehende , nisi in magnis , idque raro , moderate , & in secessu ; vel (si tutè poteris) per alium , factum tamen , non personam ventilaturus .

30. Consilium , nisi quod rectum sciveris , idque tantum requisitus porrige . Verum dator consilij , naturam accipientis (seu cui consultur) induat , prout secundum possibilitatem , media , capacitatē , aptus est ille facien-

do: secus frustra ferè consulas, dum juxta te modo, non alterum, aut saltem non ex utroque agendum vocas.

31. Non intercede, aut pete pro alio, nisi re perpensā, an justa sit, & obtentu possibilis; ne periculum authoritatis subeas. Si non obtineas, potius intercedere cavebis.

32. Non litiga verbo, sed potius subride, etiam si contrarium aliquis loquatur. Non velis videri nimis sapiens: magni viri autoritas, non in disputando, sed agendo consistit.

33. Tacere qui scit, scite esse prudens. Taciturnitas est magnæ prudentiæ Mater. *Qui animo ignavus, procax ore:* quibus os ferreuni inest, cor sèpè plumbeum habent. Verum nonnullis, taciturnitatis, & agendi secretum ex prudentia, aliis est ex metu, ut cùm ex diffidentia sui, verentur, ne per inanimadvententiam aliquid prodant, totum silent, opportunaque transmittunt: similes Zeuxis imaginibus, qui ad ostentationem artis, imaginum pingebat vela, ut subintelligeretur velatum aliquid, dum nihil erat; sic illi obtendunt rebus inania arcana, nunquam direcè, sed nisi circuitivè agentes; vel quia mentiunt, vel quia inertiam impotentiāmque agendi prodere verentur. Fossam saltu trjecturi, impetum saltus, cursu intendunt; etiam animus agentis, zelo quandoque intendatur oportet, & apertior sit, pro confidencia sui, & pro ingenuitate, præstaturus ardua.

dua. Qui diffidit, metuit. Mollia, secrētāque, cauta quidem sunt, sed quædam nūc fervidiūs tractentur, haud obtinentur, immō irritantur in pejus; cùm dolus, malignitas vel etiam metus, occultis secretisque, immō circuitivis, subesse creditur: prout verè circuitiva ingenia, plus astutiae, quām prudentiae vel cautionis habent.

34. Quæ imperfectè calles, non fac co-ram; immō perfecta fac, quæ non vulgaria, & raro.

35. Magnaloquere, & à levi discursu stu-diosè deflecte.

36. Facta secretus tene; facienda multò magis.

37. Vitia, quæ vitare non potes, latebris dica: omnia, quæ scis reprehendi, fac in pri-vato, & semotis saltem arbitris, turpis sis. Non ea tamen est infirmitas naturæ humanæ, quin vitare vitium non possis, dum velis; frustra naturam culpaturus, ipse culpandus. Vitare igitur turpia debes, quò magis altiori honoris subsistis gradu. Minoribus magis quodammodo turpes esse licet; in majores, hone-stosque omnium oculi convertuntur, & suc-cendent: uti faciliūs maculam noveris in pu-riore cristallo, quām in olla.

38. Rectius plerumque impertinentia de-mendo in nostris moribus, in affectibus, & ra-tione agendi, quām addendo opportuna, pa-ratur æstimatio, & habetur authoritas; Velut

hortulani, plus addunt horto decoris & amœnitatis, amputando sentes, evellendo urticas, purgando vias, disponendo plantas per ordines, quām substernendo simū in fœcunditatē, quām copiosè serendo. Excessu magis vitiorum homines laboramus, quām virtutum imperfectione. Prius quid non facere mali, quām quid facere boni, præceptis decalogi etiam docemur.

39. Raucus aut balbus, rariū loquaris; unde illusionis materies.

40. Causas dictorum factorumque non redde, sed potius intelligantur.

41. Sperent à te homines, ac simul vereantur; & què severus, atque clemens videris.

42. Nec præsume, nec te minoris æstima, angulis & latebris ingerendo. Ingere te, sed modestè tamen, primoribus. Nemo contemnitur, nisi qui prius seipsum contempsit. Quomodo credis alios te æstimatores, nisi te ipsum æstimas, & in leviuscula abjicis, tibi magis proximus, quām aliis tibi? Rectè quidam ait: Non est hoc superbire Majestatem Regni, & potestatem, autoritatemque publicam sibi concessam, conservare velle inviolatam: imo hoc est sapere. Verū spicacitate utendum, ne superbiam morositatemque cum autoritate confundamus, & quod est incivilitatis, parandæ authoritati adhibeatur: ne alias prounica æstimatione tui,

im-

immodestius aut scrupulosius laborando , mil-
le inimicos tibi superbus pares ; & eveniat ,
quod rebelli Angelo , dum supernis bonis
honoreque non contentus , vult insuper esse
similis Altissimo , totum quod habuit perdidit .
Cavebis igitur morosam gravitatem . Hæc in
privatis . In publicis vero actibus *Consultum*
fuerit , ut qui debitos tibi honores denegat ,
(præsertim si conscius sis necessariæ tibi gra-
vitatis) etiam vi , & astu quodam eos oportet
præripere aliis , quæna de re verbis contendere .
Qui dubitat , meritò ipse sibi diffidit : qui
dissimulat , tacite fatetur suam indignitatem ,
& modestia postea pro ridiculo habetur ; sed qui
de facto , animo forti & constanti , tum bona
cum gravitate (tamen sine intempestivo af-
fectu) primus præ aliis occupat , quæ sibi de-
bentur , nec offeruntur tamen facili deinde ne-
gotio eas servat , & retinet in posterum . Ut
quondam Germanorum legatis contigit ; qui
cum ingressi theatrum Pompeji , legatos na-
tionum , senatores inter , sedere cernerent ,
inter eosdem senatores sessum se audacter
præripuerunt , subjungentes : *Nulos moria-
lium , armis pro Romanis , aut fide , ante Ger-
manos esse* ; quod comiter à senatu exceptum ,
ut ea legatorum civilis æmulatio postea cede-
ret in argumentum , & possessionem loci .

43. Novarum rerum , aut inauditarum ,
immò novorum rumorum , à domo , immò ab

externo, certam notitiam quære ; quod parit admirationem scitæ curiositatis.

44. Modica castigatio exacerbat nonnunquam magis, quam corrigit ; ut tutiùs sit, quandoque non punire, si severius corripere nolis. Non sine causa Salomon arguit intempestivam clementiam, dum vocat *Misericordias* aliquorum *crudeles*. Bonis vero nocet, quisquis pepercit malis ; sed hoc pro statu rei, & temporis. Scias tamen, quia pena prohibet flagitium, laus vero & præmia provocant virtutem, & ascendunt animos.

45. Nunquam totum simul effunde, & proinde exarma rigorem, sed, velut majorem, in tempus dissimula (lentiùs corripiendo) quasi majus telum penes te restet, in terrorem exerendum, dum velis.

46. Delinquentem aliquem, cuius correctio ad te pertinet, non te puniturum ait, antequam puniendum manu teneas ; immo propius nescientem sis, ne præmonitus caveat, contraria per desperationem veniae munimenta quæsiturus, aut magnorum intercessiones provocando, quibus sine offensa recusare non possis ; aut capitalis hostis præmetu evadat, ad hostem transiaturus.

47. Ea pollicere, quibus præstando sufficias, ne posteà difficile aut grave sit præstare, in maiorem offensam sperantis : potius non pollicere, sed fac, quod facturus sis.

48. Prudenter quidam honorationem sui tacitè inculcavit, cùm subornato quodam lixâ, comptéque in eam scenam vestito, palam dejici jussit pileum, decentiam morum, & superioris observantiam exprobrando. Item Mareschallus ille Regius, adornatum lixam, scipione pulsavit, quòd Palatiuni Regis importunè ingressus fuisset, non vocatus; quo inculcavit verecundiam importunis intrusoribus, & quæ possint fieri in eam formam.

49. Metuendorum nomen acquirere, utile aliquando: sed modo licito querendum, per aliquam ostentationem virium & potentiaz, ut potius vereantur homines tuam autoritatem & potentiam, non timeant; ne in odium incurras.

50. Quæ populus affectat, tibi vero displacent, idem sentire te prius simula, & interdum lauda; post, facta quasi recollectione, deflecte, sed sine rigore: nam qui directè multitudini se opponit, frangitur aut vincitur ipse, quam vincit; vel ut subtiliter quidam: *Qui realis solummodo est, & nihil præstat, sed irritat tantum; hic excessiva virtute opus habet, tum potentiam & autoritatem, quā vincat omnem invidiam.* In quo satius prudentes nautas imitari præstabit, qui adversis ventis non directam opponunt proram, velut contra vim reluctatur, nec adversam relinquunt puppem, velut fugientes & ex inertia cessuri; sed per latera inclinando navem, hanc illacve

sinuan-

sinuando vela & cursum, elidunt tempestatem, & simul affequentur portum, quem volunt, ac proinde illudunt ventis: sic populi impetum, non aliter eludas, aut in rectum (prout in rem opus) reducas, quam per molliora; nec tamen molliter acturus, vel affe-ctate, (quod æquè periculosum) sed graviter.

51. Immò dicentibus modicè assentiaris, licet aliter post hæc sensurus, lentè in tuam sententiam quémque pertrahendo.

52. Quæ in publicum necessaria, primo verò aspectu ingrata populo proponere vis, cura per alium proponi, & affectum primum populi in eum effundi; tum posteà modesta cum ratione sequere ipse, idemque pete, sed sine affectu, quasi minus curaturus, etiamsi non fiant: naturale enim, ut magis negentur velut magis estimata, quæ maximè petuntur; quæ minus curantur, ut vilia, faciliùs ex neglecto habeantur.

53. Illi plurimùm potentia consilij valent, multaque præstant in suas partes, qui cùm sint potentia & autoritate graves, per alios, non per se rem tentant & consulunt; velut nescij, & taciturni, sed ex insperato metuendi.

54. Cura, ut humanus, & civilis habearis.

55. Si quis beneficium vel operam aliquam à te petat, & si scias plerisque in eo dari difficultates, non objice illas; ne recusare opem videaris, & te parum benevolum pente-
ti præstes: potius in ipsius negotijs cursu

tas difficultates, qui petit, deprehendat ipse, & suæ petitionis arguatur; offerentur enim cum tempore occasiones, quæ promissum infidum reddant; tu verò promptæ humanitatis titulum non amittes.

56. Prima constans cum autoritate repulsa, adimit plerisque importunam in posterrum audaciam.

57. Obtento morbo, multa per absentiā, aut parantur, aut vitantur.

58. Patrocinando alienis illatis, plura in publico consilio obtaintentur, quām per se rem directē tentando, licet aliquem multa ratio cum autoritate sequatur. Quidquid ideo optas fieri, alium authorem inferendæ rei ex composito substitues; tum alter amicorum, atque tu ipse, patronum te pro autoritate præstabis: qui verò proprium illatum fortius urgent, præsumptionis notantur, veluti consilij sui, quod ipsi adferunt, amatores, neglectores alieni, quod est propè invidiam. Jam verò secus, ut ab alio illata, tutius urgere poteris, liberiū suadendo. Bonos tamen autoritate viros, proponendæ rei quæres; ne contemptu authoris, bene licet illata, in contemnptum trahantur, nec tu postea patrocinando, rem stabilire possis.

59. Quod alibi in observationibus bellicis dictum: Utendum recenti terrore in hostes, hic item per familiaritatem verbi dici potest, recentem terrorem etiam apud suosmet Cives mul-

*anulūm posse; ut à p̄textu impositi recentis
metus (si dextrè instando licetque utaris)
pecuniarum collationes, tum operas in corri-
gēndis pervetustis munitionibus, bonas item
leges, faciliūs minorēque invidia apud popu-
lum obtineas, quæ aliās per altercationes,
turbas, odia, immō vix quidem assequāre, si
absit metus.*

60. Absentiā tui, meliorem suscita & tuea-
re amicitiam; immō & authoritatem. Lite-
ras tamen non intermitte & nuntios: pollice-
re tui præsentiam, trahe interim, & pone mo-
ras. Luna Solis amica, decus & lumen quod
habet, illi debet: quò remotior tamen, ple-
niū perfectiūsque lucet, proximiūs admota,
decrescit; vel si planè concurrant, Luna pe-
nitut amittat lucem, aut Sol necesse abeat in
ecclipsim. Sic verè amicorum magnorūm-
que virorum mutui congressus, aut cœbrius
negotiorum commercium, majore jactura
amicitiæ, tum authoritatis hunc, quām ut no-
vum aliquod argumentum in majus stabilien-
dæ paretur. Sæpè unus in altero non reperit
in præsentia, quod sibi absens pollicebatur.
Unde verè dictum; *Minuit præsentia fa-
mam.* Sæpius *absentia prodest.* Miraris? ap-
legi, vidi, probavi.

61. Modica munuscula offeres amico, non
simul, sed rariūs, ac potiūs minora prius, dein
majora, maxima nimis serò: partim ut diu-
tiūs dando sufficias; partim ut semper restet,
quod

quod majus speret à te amicus, nec relinquat.
quam suo damno, Usu probatum axiomaz
Gratiūs esse hominis animo, ascendere in par-
vis, quam persistere in magno.

62. Maximum rigorem prius intende in
speciem, temperaturus postea ad famam cle-
mentiae.

63. Experienciā probatum, magis appetī
eorum amicitiam, plūsque ab hominibus esti-
mari, qui neglectius eam servant, modò
amant, modò offendunt, offendendo & aman-
do non assidui (non tamen leves) modò po-
tentia terrent, modò comitate trahunt. Ne-
que causam reperio, quam ab oppositorum ra-
tione, quod magis elucescat, & sapidior red-
atur amicitia, quasi tunc magis optanda, dum
amittitur: secus evenit, ut eorum amicitia
minus estimetur, qui de paranda aut retinen-
da studiosè & appetenter nimis laborant; ut
aliquando necessarium sit, nonnihil suboffen-
dere, tum modicè negligere amicum, quo
magis retinere vis (quam ut perpetuò adhæ-
reas) sed non diu aversa fronte & vultu, ne
posthabearis.

64. Sæpè quod preces non possunt, minæ
aptè accommodatæ, operantur.

65. Non moliaris, nisi quæ præstare potes;
ne prodas impotentiam.

66. Si aliquid adversi tibi accidat, dic po-
tiūs, sponte te accepisse, quam ut supplantari
nolens videaris, veluti invalidus, & obviæ im-
pe-

petitioni expositus : potius fortunam tibi obediare doce .

67. Alienanti se amico à te , aut clienti sine causa , sponte media offer reconciliandi ; potius bonis quibusque modis , eum in amicitia retenturus (medius tamen inter gravitatem) quām ut acerbitatē pro acerbitate reddas , quæ magis abstrahit , quām retinet in amicitia amicum , nisi aliás potenter pervinas .

68. Minæ vigilantiam adversarij acuunt ad cavendum , imam̄ præveniendum : ut si taciturnus es , plura præstabis ; non tamen ut noceas , verū ut caveas tibi , quod est penes virtutem .

69. Potius capiat per modica , aut sensim speret amicus , quām ut totum simul habeat . Non enim obligant , quæ data , licet maxima ; sed quæ dabuntur , licet modica . Animus hominis , imitatur oculorum situm , quos cùm anteriori parti corporis ingessit natura , non ea , quæ post se sunt , sed quæ ante posita , vident : sic ille pensat , non accepta , sed accipienda .

70. Redditurus mutuum beneficium pro beneficio moram adjice ; ne dare videaris in recompensam dati , sed velut in obligationem futuri .

71. Exprobranti offendam amico , non seriò excusa : excusatio propè metum est , & loci inferioris signum ; responde potius , neque

que illius esse exprobrare, neque tuum exca-
fare.

72. Religiosos in pretio habe, quatenus
tuarum partium sint: devincties verò illos be-
neficiis, & comitate.

73. Immò Concionatores ad te trahe, qui
bona narrent, & populo, quod vis utile in
publicum, persuadeant; aut quod non vis,
sermone, sed extra invidiam & ullius offen-
sam, publicè diluant.

74. Opinio divitiarum & nummositatis,
parit estimationem: teges igitur tuos defe-
ctus, & arte aliqua honesta (sed procul ab
ostentatione) omnibus impones, ut bene de
te credatur.

75. Propositurus aliquid difficile populo,
causas honestas propositionis, per privatos
rumores priùs disseminabis.

76. Quantum in amicos dono datus de-
stinalisti, præstat cum iis aliquando honestè
comestando consumere, cui diutiùs sufficies;
quod verò diutiùs durat, magis in oculos in-
currit & obligat. Adde; quia unica comes-
tatio potest plures simul obligare: unicum
donum hominem unicum obligat, immò alio-
rum (accipere præsumptum) invidiam
provocat.

77. Mirum dictu, quantum lautior men-
sa, & liberalior convictus pariat amicorum,
hóque per artes politicas, inter concives
cre-

crescendi studium (cui adest) ut velut in
 alias vittutes incuriosi, hanc præcipue viri Po-
 litici, in quovis venerentur & ament, aut sine
 illius condimento cæteras obitèr transeant,
 immò vitia nonnulla hoc obrecta fuso, *dum*
mollius accipiuntur, sponte dissimulent. Sic
 igitur intra magnanimitatem erogare, lucrum
 facere est ; immò nonnunquam conducibi-
 liùs, ultrà parsimoniae terminos in eo proce-
 dere, ad usque confinia effusionis, modò ne si
 factum, intra affectatam prodigalitatem, cum
 decoctione bonorum extrema : velut multos
 apud nos vidimus, sic errevisse, floruisse, & in-
 tra civium favores præstisile multa, ut op-
 iam amicorum & fortunæ, colligerent mes-
 sem, cùm haud parcè **Civium** animis, semina-
 rent sua. Certissimum enim magnitudinis si-
 gnum est, maximèque incurrit in oculos vul-
 gi, tum in affectus, posse pascere mul-
 tot, eoque multis bene velle. Nec mirum,
 si Christum, vulgi sequens turba, in Regem
 creandum rapere voluit, (*Joan. 6. cap.*) cùm
 tot hominum millia, ex sua divina penu, non
 pavisset modò promptè ad saturitatem ; sed
 fragmentorum copia magnitudinem convivij
 & Domini pascentis divitias loqueretur. Sed
 intra dicti reverentiam sacra maneant, profa-
 na liberiùs nobis loqui licet. Non ab alia
 occasione primitivi poloni, Piaustum olim è
 plebeia domo, ad purpuram evocaverant,
 quām cùm divinum quiddam illa ætas inesse

viro crederet, cui pro modico agello, quem colebat, ad stuporem usque Comitorum (neque enim sine speciali miraculo, teste Historiā factum) tantum alimentorum, ad usque superfluitatem, humaniter excipiendis advenis sufficeret, ut plus erogando plus semper illi restaret, & simul magnitudinem cultoris animi in eo viro cū metirentur, qui sic esse cuperet cunctis amicus & hospitalis.

78. Astutis, arte simili aliorum astus eludere, mos est; ideoque secum in amicitia facilè convenient, dum retaliare sciunt: reactiores nesciunt, nisi plerūmque deserendo convictum, & rem cum illis planè vitando, donec in meliores amicos incurvant. Vulpī cum vulpe, urso uni cū altero, aspidi cum aspide, haud mirum si convenient; cervis equisve, nisi cum mitioribus, aut sibi similibus vivere securum est.

79. Dum sunt nonnulli fucatæ faciei, liberalioris convictū, præsertim si habeant aliqas species virtutibus similes, ipsi subdoli, & modis illecebratum potentes, vel quorum vultus est opportunè mendax, tum in speciem probitatis sermo, & facilis, haud spernendus capiendis hominibus hamus) facilè eo condimento trahunt plerisque in sui laudem, tum in amicitiam. Non tamen altioris mentis homines; verū illos ex simplicioribus, qui velut minutiores aves, facili capiuntur visco.

Re-

Recti vero & prudentes viri, non illa exterio-
ra morum, & fallaciarum inania, sed intimum
introspectiunt pectus, & nisi solidiorem virtu-
tem, tum amicitiam pensant. Quanquam
convictus liberalioris amoenitas, si penes re-
ctam virtutem, & prudentiam alicui pectori
insedit, miros effectus parandis amoribus ho-
minum facit, totumque in animos potest.

80. Videntur esse nonnulli amicabiles, re-
cti, prudentes, dextrique agendo, & planè
cum virtute, magis, quam sunt; immò non-
nulli non videntur esse, cum verè sint. Nisi
tempus & occasio aperit virum: ut prima ju-
dicia de hominibus sèpe nos fallant, velut de
ingenio nationum subtiliter quidam: Hispa-
nos factis & moribus magis videri intolerabi-
les, quam verè sunt. Gallos magis esse forte,
quam videntur. Sed inest causa, circa ho-
rum amoenitatem, illorumque tristitiam (vel
gravitatem actionis & morum) prout hujus,
aut illius sumus & qui pensatores. Nisi igitur
falli vis, sustine, svadeam calculum, seu dam-
naturus, seu probaturus, & à tempore, tum
actione judicium exspecta. NERO flagitiis
& sceleribus velamenta quasivit. GALBA
major privato visus, dum privatus fuit, &
omnium consensu capax imperij, nisi imperasse-
set. (Tacitus sparsim:) VESPASIANUS
solus omnium ante se Principum in melius mu-
tatus est. OTHO contra spem omnium, non
deliciis neque desidia torpescere; dilatae volu-

ptates, dissimulata luxuria, & cuncta ad decorum imperij composita; eoque plus formidinis afferebant false virtutes, & vicia redditura. Mucianus: luxuriā, industriā, comitatē, arrogantiā, malis bonisque artibus mixtus: nimiae voluptates, cum vacaret; quoties expedierat, magna virtutes: palam laudares, secreta male audiebant: apud proximos, apud collegas, variis illecebris potens. In Vitellio multa grata sanè & popularia, si à virtutibus profici- scerentur; & argutè idem de Pompejo: Pompejus occultior, non melior. Hæc alij; sed addam ex meo, & ab experientiā. Plerique sunt boni, donec, qui corrumpat, non adest: immò inest semper aliquibus malefaciendi animus, sed deest occasio; boni sunt, dum malos esse non licet, aut præpediuntur. Re-ctè Sallustius de quodam: Ore probo, animo inverecundo. Et Vellejus: M. Lepidus for- mā, quam mente, melior.

81. Mirari debui dictum; verūm satisfa-
ctum mihi ab experientia, quod argutia Ita-
lica nuper proverbio circumtulit: Requiri ad
gradum prosperioris fortunæ, ut insit alicui
nonnibile ex Faruo & Intruso. Nam hoc mo-
do citò involatur in notitiam, & confidentiam
intimiorem Aulae, tum Vulgi. Non prome-
tentur hi quidem virtute, sed arte suffirantur
gratiam, ad modum, naturāmque omnium, &
seculi facilius se componentes. In impe-
nentia se ingerunt non vocati; ludicra, seria,

pari importunitate tentant : & quandoque succedit, ut pro tempore non displiceantur. Non offendunt alios, nec etiam à certioribus ipsi offenduntur : verū̄ intra jocum, & amicitiae libertatem facile habent, & condonant totum. Alloquio faciles, respondendo per mixturam levium mendaciorum, amœni, promptè indomesticantur, non multo apparatu recipiuntur. Neque sunt Morosi in ceremoniis, & formulis, haud quæsumus sui cultum requirentes ; dumque non facile succensent personis, & rebus, obviis parabilibusque per omnia contenti, censura eorum non timetur ex imposta confidentia, & ex eo amantur. * Adde, si forte super hæc sint audaculi, multum honoris, & præmiorum sibi arrogant, & obtinent per importunitatem (dum facile obloquia subdolis succedunt ex impudentia) & occasionibus instanter non defuntrit intrusi. Directa verò virtus agit totum cum modestia, intra verecundiam, & dum importuna cavet, opportuna quandoque intermittit. Sed hoc non ex virtute vitium, verū̄ seculi, & eorum est, inter quos vivitur, dum rectam non promptè noscunt, nec acceptant. Tamen illa solidior est agenda, tandemque post tempus cognita, plus estimatur. Illi priores, s̄epius (uti leviusculi) ludibrio ha-

* Genus duplex intrusorum ; Servile, vel Audacolorum : prioris generis sunt alii, his sibi utique meliores.

habentur, & in serijs minus ponderis habent ; mensarum nisi sodales , iudicrorum alumni , non nostri , sed fortunæ tantum amici : prout certè cum hac mutantur , nōsque decipiunt , ad manus nostras , non ad nos respicientes , facile ad alios transituri , unde plus utilitatis speratur.

82. Aliud est esse innocentem : aliud habere praxim evadendi . Aliud est scire impo- nere : aliud justam habere causam . Aliud est esse fortem , prudentem , vel bonum : aliud vi- deri .

83. Divinæ potestatis , & prudentiæ , non hominis , opus : æquilibrium rerum tenere , causas combinare adversas , tum ex contrariis elicere bonum . Frustra ingenium hominis laboret , aut perspicacia contendat ad certam regulam se componere , & publici statūs , vel privatæ actionis , ea in parte formare sibi maximas : nisi confundi velit , seipsum , seriūs citiusve , periculo involutura : immò illud est meticulosi , tam versuti , quām perspicacis animi signum . Exinde verè dictum : Media via nec amicos parat , nec inimicos tollit . Qui oppositarum partium , hujus , illiusque simul amicitiam querit , aut utriusque simul offensas (per obliqua) vitat , poterit aliquanto tempo- re scenæ servire ; detectâ deinde larvâ , ut fal- lax hypocrita , & versipellis deceptor ab utro- que odio habebitur . Sic intuitu emergentis boni , qui oppositas sibi personarum aut po-

pulorum potentias, dein amicitias, & offensas, æqua lance conservare studet, ne inter se committantur; tum, ne una noceat alteri, aut secus, ne sit infra alteram, ad æquilibrium moderaméneque causatum: nequaquam sufficiet diu, quin altera invaleat partem oppositam, & simul fautorum consilij oppressura. Sic vereri aliquem suboffendere, non tam
men, quæ sunt parandæ amicitiæ, penitus facere, sed potius per obliqua tacitè irritare; aut secus tentare in rem suam assequi, quod est alterius partis cum dispendio & offensa, simul que se amicum profiteri vele; odium verius conciliat, quam intentum parat; nisi aut rem habendam planè, aut fortius pro æquitate urgendo gratiam partis posthabeas, alijs neutrū assequeris. Sic diffidere alicui, & simul intuitu speciosæ cujusdam amicitiæ, tum securitatis non sibi sat's cavendo prvidere; immò amicitiæ titulum affectatè quæstere, ac deinceps dissimulanter agere: nec amicitiam habebis, nec res tuas statues in seculo. Sic publico bono tuendo, & simul privatis cominodis auecupandis adlaboraturus, alterum non obtinebis planè, publicum vero bonum certò certius subvertes. Sic Veritati, tum virtuti, aut auræ populari; Legi, tum justitiæ, aut populo; Principi, aut vulgo; debitæ actioni, aut parte ex altera parandæ opinioni nequaquam sufficies, nisi totus in alteram, tamen æquiorem partem, agendo

incumbas, sequiorem studiosè oppugnaturus;
 aut, si res suaferit (rebus modò tuis, alià ratio-
 ne diligentissimè ut provisum sit) posthabitatu-
 rus saltem: vulgo dum places, rem agendam
 pessundas; dum secus ad rem probè agen-
 dam te componis, vulgi censuram mereberis.
 Unde vetus, præsertim in bellicis, monitum
 tulit: *Malo ieiapiens hostis metuat, quām stu-
 ti cives laudent.* Sic (nisi aliàs tantà poten-
 tiā vales, ut parte utrāque posthabitā, negati-
 vè te erga utrásque habere possis, per quieta
 media securus) tibi neutralitas foederum non
 proderit; verùm alteri parti *deliberatissimè*
 adhærendum erit. Sic Artibus statūs totum
 se dare, & conscientiæ legem non transgre-
 di; DEO placere, & simul ad illecebras mun-
 di se velle componere; nec hujus, nec illius
 legis æquus assertor futurus, scripturæ potiùs
 censuram mereberis: *Neque frigidus, neque
 calidus es, incipiam te evemere ex ore meo.*
 Non quòd præstet, aut merè bonum, aut debe-
 re esse merè malum (velut obliquæ Politiaæ
 Doctor Marchiavellus docet) verùm, quòd
 gravior malitia ab affectata intra virtutem, &
 nequitiam neutralitate; tuim mistis boni si-
 mul & mali actibus oriatur; immò affecta-
 tor sub pallio virtutis nequitia subsit, &
 aliorum vexatio, quām si utique simpliciter
 malus sis: Ut per omnia rectioris prudentiæ
 sit, & conscientiæ; ab utrísque partibus ver-
 sandis, se totum separare, aut in unicam,

equo rem tamen, se totum transferre, & agendo, instandōe ex norma virtutis tum prudentiæ fortiter incumbere; res verò suas interim consilio, & prudentia stabilire in quieto. Qui aliàs partium, rerūmque oppositarum simul fautor, commoda utrinque venatur; rerum prævaricator potius, & interversor pacis, immò *Sophisto-Politicus*, quām *Catbolieo-Politicus* vocandus est, seipsum astu involuturus, quo exercere studuit alios; veluti multa ejus rei exempla apud *Historicos* habes.

84. Debitum officij, præsertim verò *honoris*, erga pares, adeoque magis erga superiores, studiosè adimplebis, nec transmittes neglectum. Etsi enim aliquando præstari sibi nolint, velut incuriam simulantes, aut verecundè palam recusent, non sit, ut planè habere non optent; immò sic potius promptitudinem tacitò experiuntur, in offensam aliàs tracturi, ni obtineant: aut si exequaris (modò non fiat affectatè, sed pro honoris debito) tantò obligatores in posterum habebis. Capere, exequere. Non improbata dico.

85. In adversis, ne sis nimium mollis verbo, aut animo dejectus; nec secus in speciem generositatis, & infraicti animi jocabundus neglector, transitoriè despiciens, quæ famæ, tum securitati parandæ serviunt, aut momentis invalescunt. Uti enim hoc levitatis, aut supinæ incuriæ, tum parvi judicij, sic il-

illud pusillanimitatis, abjectæ mentis, aut ignaviae signum est; immò, prostituti in probrum animi certum indicium. Potius ages totum, intra perspicaciam, cautus, prudens, & graviter. Qui considerat, providet; qui negligit, saepius rem perdit. Nihil agenti, neuticquam *affa* (ut ajunt) *columba* venit.

86. Senum actio, aut juvenum conatus longè differunt. Juvenes garriunt, aut clamitant; senes agunt: Sonum illi, pondus hirerum captant. Junioribus pro calore ætatis properantia placet, & audax, magnanimumque videtur, quod saepè temerarium; providentia senioribus, & cautio maturior inest: undè saepius sunt cunctatores, rariùs periclitantur, aut eventu falluntur; in occasiones modò ex tacito intenti, velut somnum & inertiam simulantes. Juvenes iracundi, in offensas properi; viri maturiores dissimulatiui, ac saepius pacati, aut si tandem actio requiratur, intra prudentiam, & cum cura fortes. Illi res mirantur, multa vident, aliqua sciunt, nec tamen probè discernunt; hi facta aut facienda æquè penetrant, noscunt, & dignoscunt. Juvenes pro ingenuitate primæ ætatis dolum rebus subesse minimè suspicantur, unde facile deceptionibus expositi pro nimia securitate; maturiores viri, quia plura per adversa saepius decepti, eventuum gnari, pigmenta rerum, & rationum spernunt, superficialia omittunt, verùm larvā detectā, intror-

sus res, ipsaque fundamenta inspiciunt & scruntur: peritos venatores imitantes, vulpes-ne? aut lepus? tum ferox aper, vel certe nobilior cervus impresserit gressum, per ipsa vestigia species ferarum noscitando. Instant igitur, prout res, & occasio suadet, aut secus, passibus suspensis in res vadunt. Non temere adversa casuum reputat, quem fortuna non-nunquam decipit, ait quidam; sed rectius alter: *Mibi fortuna multis rebus ereptis, usum dedit bene suadendi.* Juvenes deinde suaviloquio plerumque laborant, & talia libenter audiunt: in cætera incurij discursibus per inania rerum vagantur, quæstiunculis lascivivunt, & ludunt; nam sèpius ex imperfecta scientia de rebus dubitant, proinde vexant res magis, quam agunt; incipiunt, dein deserunt; senes perseverant constanter, dum à fine res capiunt, nec ideo tentant frustra, minimè ex voto si-nienda, sed deliberatè aggrediuntur: quia verò non hærent in mediis, verum scopum rerum petunt expediti, super objecta breviloquio decernentes, hinc juvenes succensere amant senioribus velut rudi Minerva negotiū agentibus; dum pro suo ingeniolo, & pro curiositate eos metiuntur, pigmentis ipsi rerum & verborum assuefacti. Inest tamen senioribus consummator peritia, licet tentent aliquando simplicia, & proximiora in medelam, sed quia præstare magis credunt quam longè quæsita. Addo brevibus; tuta, aut sc.

ecus periculosa, ante tempus seniores prævi-
 dent, & ex vero indigitant; si præsertim ipsi
 pro paranda peritia non otiosam, verùm per
 negotia exercitam ducunt vitam, graviúmque
 Historicorum lectioni immorantur, quæ sup-
 pleat ætatem. Juvenes super hæc reguntur
 affectibus, ac præsertim respectibus primò
 crescentis fortunæ ducuntur; senes potentius
 suis affectibus, & appetitui dominantur, ideo-
 que commodè alios regunt. Dicam verbo:
 juveni actionem esse amœnam, & quodam
 cum condimento vernalibus diebus similem;
 maturi viri, laboriosæ, sed cum fructu, æsta-
 ti assimilantur; magis enim seruum, gravem,
 ac proinde tristiorum modum actionis ha-
 bent, severiores sunt, verùm in virtute con-
 stantiores: juvenes agendo nolles, & sepiùs
 leves. Hinc viris maturioribus expeditius res
 succedunt, dum non tenentur à negotiis, nec
 hærent, sed tenent illa, & regunt ipsi pro arbitrio.
 Velut peritos Auromatarios, horo-
 logiorum, id est, fabros, si videas, non satis mi-
 teris, crassâ, & fuliginosâ manu, nec certè de-
 licatiore palpatu subtilissimas horologiorum
 rotulas audacter eos versare, per minutas par-
 tes distrahere, dein velut nullâ artificij curâ &
 attentione, promptâ manu in pristinam for-
 matam redigere; quæ omnia ignarus artis, de-
 licatissimo licet contactu, disturbet verius,
 quam ut rectè expediat: aut si forte aliquis,
 crebro intuitu, & arte se percepisse aliquid pu-

tat, ut etiam laborantem arguere non dubitet; dum tamen rem tetigerit ipse, nec prima, nec media scit, multoque minus postrema. Promptius est aliena redarguere, vel sugillare potius, quam sua probè facere. Juvenum consilia modisque agendi vinis recentibus similes, quæ plus dulcoris, plus etiam fæcis habent; palatui grata, stomacho & sanitati nociva; aut licet quoquo modo clarescant, minus tamen ex virtute habent, quam per annos defæcata. Quod sequens dies ju niorem erudit, viri maturiores hodie jam sciunt. Ideoque commode rem clando rectâ cujusdam, in juvenem protervè loquaculum, rebusque obstrepentem, indignatione; post annum fore, si te prudentiorem putas, cur non me itidem cautiorem credis, qui tot annis multisque casibus te supero? Cum omnia honestarum artium juvenes habuerint, rerum experientiam, prout eveniunt, nondum habent, eoque senibus inferiores sunt. Affectata, ludicrâve illis placent; maturis res tantum, & seria.

PARS SECUNDA POLITICO-MORALIUM.

I.

Exprobratus aliquid publicè, privatimve, amico, aut populo, potius terreas, & trahas exprobationem; ut interea obtineas, quod

quod vis. Dissimulata enim timentur; evul-
gata, ut jam transacta, contemnuntur.

2. Retenturus alicujus amicitiam, non sta-
tim, dum injuriam accipis, exprobrabis illam;
ne levi occasione alienes amicum. Omnipotens
tibi diffidet ille, qui te offensum videbit, ut
necessariò averti debeat metu, vel conscienc-
tiā facti, vel consilio, dum te facilem videt in
offensam.

3. Beneficium, aut pensiones, et si plures
in annos alicui protogare in animo habeas,
assignabis tantum annuas; partim, ut si neces-
sitatis suaserit, sine offensâ auferre possis, dum
velis; partim, ut prorogaveris, velut iterato
beneficio accipientem devicias prorogatio-
ne.

4. Ignei homines ingenij, tum leviculos,
licet per alia tibi opportunos, cave, nec tibi
adhærere velis, seu sint amici, seu clientes;
immò dum advertis, festinanter honesto præ-
textu eos procul amovebis. Nisi enim ma-
ture feceris, amoveri postea non poterunt,
nisi magno tui fastidio, ut saepius difficulti ne-
gotio implicari debeas, amovendo. Rem
ipsam in meis casibus expertus scribo.

5. Etiam illa ingenia clientum sunt multi
periculi, & officiunt nobis, quæ sunt propè
importunitatem, audaculè sese intrudendo,
svadendo, petendo, accusando, hos aut illos
laudando, curiosè abdita innando, tum rebus
imponendo; præsertim dum sciunt, & amant

per dicateitatem ingerere suavia: cùm verò suaviter loquuntur, & speciosis quæstiunculis sensim tentant, facile nobis, sine sensu, no-lentibus imponunt, quorum mox nos pœnitentat; ut non aliter eam pestem loquendi, aut hominem vites, quām non audiendo, aut tē planè avertendo, vel, quod præstat, procul re-legando loquacem. Non aliàs magis CHRI-STUS indignè tulit Petrum corripiendo, quām dum in importuna, per speciem confi-dentiæ, curiosè se ingereret: *Hic autem quid?* Tulit enim promptè responsum indi-gnationis, & correctionem: *Quid ad te? tu me sequere, sic eum volo manere, quid ad te? &c.*

6. Cùni unus, aut plures studium aliqua in-re obligant, aut amicitiam offerunt, vel ali-quit præstare faciles, quod in rem sit; utere recenti promittentis affectu, urge intentum non differendo in tempus. Frustraneum ea in parte dilationis, seu, ut vulgus ait, *discre-tionis*, nomen. Certò certius per momen-ta repescere hominum affectus, & remitti po-tius, quām intendi; ut sèpe, vitio mobilitatis humanae, alij in horas simus, posthac dif-ficilius optatum habituri, quod ante spontè oblatum vidimus. Ast promittit ille (*in-quietus*) propensum se fore in tuas partes? Fal-leris; præsentis enim vis est affectus, non fu-turi, qui bono casu, ut brevi abiturus, ob-latus: qualis verò ille futurus postea, ipse qui obligat, ignorat; mutato verò affectu,

mutabitur intentum. Frustraberis igitur, quod obtainere sperasti, nisi extra dilationes assequiri rem coneris. Nonnullis immò benè & amica loqui sàpius consuetudo, aut potius modus affectus; & quò effusiores sunt suaviloquio, eò magis in amicitia fallunt. Cautus ideo sis pensandis veris amicis, & ab ope-
re potius, non à verbis ponderabis, eò citius prætervolaturis, quò promptius extra delibe-
rationem efferuntur, quasi nullas radices ab
intimo amico & affectu petant, duratura; ve-
rùm in superficie modo linguæ cum saliva
abitura, & nata.

7. Non amici solùm affectus, sed etiam contrarij in recenti maximam vim habent. Falluntur exinde, qui spreta prima reconciliacione, submissorem sperant alteram, quæ potius tantò minor futura, quantò magis pro-
crastinabitur. Ut enim omnes res recenti sensu gravius intenduntur; sic qui intulit injuriam, novitate delicti, vel à conscientia recentis fa-
cti, propius pœnitentem est; quàm si evulga-
to pudore, & consumptâ ignominia, depudere didicerit, cùm ipsum vulgus, per familiarita-
tem rumoris, primò rem minus mirari, dein acerbius loqui, postremò dignari factum definit. Sàpè ideo pœnituit multos, non ad-
mississe primam reconciliationem, ut nullam posteà haberent, cùm maximam sperarent.
Præoccupabis verò prudenter, modesta faci-

litate, neque rejicies pœnitentem: similior tamen renuenti; ne pecces facilitate.

8. Rariūs utaris eodem curru, strato, cubiculo, mensa, domo, exercitio. *Nimia familiaritas parit contemptum.* Continuus asperitus minus verendos homines assidua sa-rietate facit.

9. Res adhuc in quæstione: *utrum amari præstat, an metui.* Dicant, quod volunt, alij. Mea sententia, uti DEUM, sic hominē nemo rectè amat, nisi metuat simul, aut saltem nisi revereatur. Non igitur serviliter te demittes, & effundes in officia amici; neque nimius eris affectator aucupandis amoribus alicujus, quod penè contemptum est: sed ages graviter, partim, ut quæras amicitiam, partim, ut tua queratur. Honorabis, sed ut honoreris; iminò aliquando, idque intra gravitatem, & extra affectum, amicum modicè negliges. Tineat negligi, si ipse te negligat, & non amari, nec honorari, nisi ipse studiosè te amet, & honoret. Qui te igitur non reveretur, is nec recto, nec durabili amat amore; dum facit magis pro discretione, & voluntate sua, quam pro merito tuo. Addo, pressius loquendo, quod amari est in aliena potestate, prout nostri actus cum bona gratia, & affectu ab aliis acceptantur, ut verò metuamur, esse in potestate nostra; ut non semper, quando volumus, amemur; semper verò metuamur, dum volumus: præsertim, si

in-

incurritur in homines, qui, cùm ad normam
 virtutis, legisque præscriptum omnia fecerim-
 mus, aut rem non intelligunt, aut pro mali-
 gnitate secus interpretantur. Nam, si in tan-
 ta depravati seculi malitia clementiam recto-
 ris delinquentium insolentia superet, ut ne-
 cessaria correctione in aliquos opus sit; tunc
 Justitiam, sævitiam vocabunt, nōsque pro
 sua malitia, non merito nostro oderint; cùm
 ne Divina quidem, licet proba semper, & opti-
 ma, malitiosi hominum probent. Aliquando
 pluere, grandinare, æstuare, non ad suum be-
 neplacitum, sed ex arbitrio cœli factum, illu-
 benter ferunt; cùm illud in terræ sœcundita-
 tem pro gratia, aliud in pœnam pro justitia
 immittat DEUS, nec unquam argui possit. Ac
 proinde præstat inhærere causæ, quæ à nobis
 dependet, quām quæ ab alterius venit discre-
 tione. Non tanen metus absque amore se-
 curus; immò obest omnino, nisi metus ille
 valeat, qui ab æstimatione nostri provenit
 sponte in animis hominum per actus honestos
 & graves, adhibitâ prudentia & comitate, non
 verò, ut nonnulli falso arbitrantur, à poten-
 tia nocendi. Dicam amplius: metus nisi er-
 ga superiores est, quos aliquacunque re præ-
 valere nobis arbitramur, amor non potest es-
 se nisi erga inferiores, aut saltem erga pares.
 Si verò superiores à nobis amentur, potius Cul-
 sum, aut Reverentiam dicas, quām absolute
 Amorem. Quod verò aliquorum belli Du-
 cum

cum, virorūmque egregiorum excessiva severitas, Manlij, Corbulonis olim, & inter recentiores Ducis Albani, Comitis Fuentij, aliorūmque inter recti exempla sit; impossibile, si hæc sola trūx, austerāque, sine aliarum humiorum virtutum condimento inesset, tantum authoritatis in suos paratum fuisse, ut necesse penè excessivam severitatem excellentes quoque virtutes pro contestatione magnitudinis exercuerint. Sæpe latet vitium proximitate boni, immò altioris virtutis intervenitu pensatur. Erant in multos severi, sed in benè meritos liberales; labori castrotum imperando immoderati, sed nec sibi ipsis parcentes; fortes simul, & successu in admirationem felices, jussorum exactores austeri, verùm erga promptos & obedientes grati, & pro comitate imperatoria nimium accepti; deindè erga afflictos, egenos, in juratos, victosque prompti, liberales, justi, minimè avari, magnanimi, moderati; licet aliàs contra tumidos, & insolentes insurgendo graves; demum nec bellando flagitiosi, nec vincendo insolentes. Si verò illi non aliud scivissent, quām flagra, secures, cruces, funera loqui; nec apud suos ex autoritate obedientiam, amorēmque, nec in exteris admirationem factorum, virtutis que suæ paravissent; sed velut feræ sylvestres, nisi nocere scientes, terrori fuissent, & odio. Aliqui præterea pro indulgentia naturæ ita sunt formati, ut non in animo tantum quid-

quiddam magnum illis impresserit, sed per exteriora quoque occultam gravitatem in facie, aspectu, alloquio, corporisque formâ disfuderit, quæ sola primo intuitu estimationem pariant, & velut præcursorres sint in animos hominum, & in affectus, parandis amoribus, ac præsertim conciliandæ authoritatî, antequam altior virtus se exerat, & innotescat; prout de Corbulone observatum tulit Historicus: *Corbulo omnium ora in se verterat, corpore ingens, verbis magnificus, & super experientiam, sapientiamque etiam specie inanum validus.*

10. Interdum parùm neglige compellando dicto, scriptöve. Timeat amicus aliquando neglegi, & posse offendî; sed statim familiariter recipe, ne diutiùs neglectus assuefcat sine te. Ut verò aurum purius post ignem, sic motu melior fit amicitia. Vina etiam meliora, quæ penès dulcorem sunt modicæ acria.

11. Dum frustra niteris impedire æmulum, malis eum juvare, & operam ultro offerre; ut potiùs opinionem amicitiae obtineas, quam ut frustra impeditissi illudaris, quo impotentia tua prodatur.

12. Cùm alicui potenti æmulo resistere non potes, potiùs quæres amicitiam (procul tamen à suspicione quærentis) cuius sub titulo facilius rebus obviam ibis, & illi resistes; quoadusque enim inimicus est, contravenire

aper-

aperie studet ; dum verò speciem amici induet, lèdendæ amicitiæ verecundiâ tenebitur, ne tuis intentis contrarius sit : tu verò interim, quod in rem habere voluisti, sensim aliud agendo perficias ; semota tamen omni fraude amicitiæ, & dolo.

13. Omnia capere valenti totum dat , qui parùm negat : potius sponte offer , quæ extra offensam negare non potes ; ut quoquo modo gratiæ tuæ debeantur, quâm ut invitatus dare necessè habeas, nullo expensi in rem tuam commodo.

14. Distrahe potentes à latere æmuli ? immò ejus intimos, domesticos, familiares, consanguineos , parando tibi munificentia , mensâ, comitate : unde tibi omnia æmuli nota.

15. Da bona verba palam, & in absentia.

16. Nestientiam simula rei , quò magis omnia scis.

17. Vide, non videndo, omnia.

18. Nonasperneris convictum æmuli , sed tamen rariùs congregdere.

19. Minora quandoque consilia communicas.

20. Nunquam verbo carpe præsentem ; immò tueâre famam, si opprimatur.

21. Etiam offensus offensam dissimula , & velut non agnosce. *Unicum remedium injuriarum, si non intelligentur.* Qui secus interpretando injuriam extendit, velut scalpendo suuu ulcus, per impatientiam sponte dolorem auget.

22. Nun-

22. Nunquam exprobra suspectam amicitiam.

23. Rariūs congregdere cum æmulis; aut congressurus cum omni apparatu gravitatem indue, & catervā clientum.

24. Vita consanguineos, & clientes æmuli, etiam si fidam operam polliceantur: fac tamen, quasi non vitando.

25. Patiaris adversarium; non agnosce, & velut loco amici habe, omnibus benevolentis signis præoccupando, & insidias muneribus antevertendo.

26. Maximum præsidium rerum humana-
rum ex dissimulatione. Tiberius inter omnes
suas virtutes *Dissimulationem* ad amaverat; tu
etiam quoad potes, stude dissimulationi, si sap-
pis. *Qui nescit dissimulare, nescit regnare.*
Ludovici XI. Regis Galliæ dictum ad filium
Carolum VIII. testamenti loco. *Dissimula-*
igitur! Dissimula!

27. Temerariè ambitiosus turbandis; *stul-*
tus pertinax perdendis rebus accommodatis-
simus. Fuge, quoad potes, talium consilia,
multoque magis convictum; ne impingas in
errores.

28. Peccant, qui nimia lenitate dulces.
Cùm enim effusè dant se populari auræ, aut
omnem infimæ plebis rumorem affectant;
contemnuntur. Virtuosi quidem hi sunt na-
turâ, sed etiam molles; ideoque ad res ge-
rendas parùm valent. Prudens rigor rebus

non

non obstat. Mordent sanguisugæ , dum prou-
sunt. Nec enim aliqua difficultiora obtinebis,
nisi pro tempore aliquod in conveniens, in
urgendum adhibeatur. Idem consilij medi-
cis inest, ut in morbis malignis, & urgentibus
admisceant potionibus de venenatis pharma-
cis , commovendis promptius pellendisque
noxiis humoribus : verum adhibent simul di-
ligentissime excellens correctivum , exquisi-
tam dosim, perfectissimum temperamentum ,
sine qua cura medendo plus nocent. Insta-
bis igitur opportunè, urgente verbo , dex-
tra ostentatione potentiaz , minaciore vultu ;
intra tamen authoritatem : mox ubi terrueris
modicè, rursus in molliora deflectendo, amœ-
niore fronte , faciliore alloquio , tum obvio
convictu, irritamenta amicitiaz ostentabis.

29. In malis mœstiam ; in bonis dissimu-
la effusam lætitiam.

30. Quemque dieim examina, an amicum
paraveris, aut amiseris, & cura, ut pares.

31. Summa authoritas , nisi penè poten-
tiam, & fortunas ; in minoribus pro superbia
habetur. Cavebis igitur morosam gravitatem.

32. Talem apparatus mensæ , vestium, &
reliqui sumptus instrue, qualem semper habe-
re potes. A minori potius incipienda omnia
suaserim, quæ posthæc facturus es majora ; nè
eo majorem incurras in contemptum , quòd
magis laudatus fuisti, si idem esse , quasi lastus
desinas.

33. Non

33. Non demissè servias majori; sed reverenter, & sedulus sis, penè potius, quam perpetuus. Magnorum aliqui recepta amicorum obsequia non ad gratiam, urbanitatemque colentis; sed ad debitum, superbiāque suam referunt, & statim acceptorum obliviscuntur.

34. Eos etiam in amicitiam pertrahe, quā plus apud alios possunt.

35. Non prompti sint tui aditus, non obvia comitas: ea tamen moderatione ferum, nē superbiæ titulum tibi parias.

36. Facilitas amittit autoritatem.

36. Oblatum munus potius lubens, & amissè accipe, quam serviliter gratus. Partim debere te, partim deberi tibi gratiam doce,

38. Jube punire, non specta.

39. Non increpa; sed graviter admone, & torvo aspice oculo. Absit verò, facias contumeliosè; nam exacerbas magis, quam corrigit. Certè medicus asperitate curandi horrorem medicinæ ægro imponit magis, quam inducit sanitatem; ut ægotare, levius non-nunquam accipiatur, quam per acerba sanari. Nemo sanavit vulnus scalpendo; verum ungendo, & molliter obtegendo.

40. Severitas amittit assiduitate autoritatem.

41. Sine strepitu, aut acclamatione, seu exhortatione, puni delinquentem; sapè verò lenius & modestè, quasi invitus facere

videare. Est prostrasse satis, posse prosterne-
re, dum velis.

42. Majorem aliquando poenæ apparatus,
verborum severitas, tum exaggeratio, impo-
nit austoritatem Domino, & infamat punien-
tem; quam ipsa poena. Si igitur pro merito
delicii punias; molliter saltem loquaris, fla-
gitium, non personam osuris.

43. Potius quandoque dicto contrarius sis,
quam semper serviliter assentiaris. Doce ali-
quid tibi displicere, pro libertate sentiendi,
quod est propè generositatem. Sed plerum-
que ab hominibus, à Principibus vero præ-
fertim, ij pro sapientioribus, immò pro me-
lioribus habentur, qui ad eorum sensum, &
voluntatem magis accedunt, ac loquuntur.
Decipi malunt, quam non ad gustum suaderi.

44. Bonum habetur ex integra causa, ma-
lum ex singulis defectibus; ait quidam. Quasi
dictum velit: ad rem bene habendam omnia
impedimenta amoveri debere. Minimus de-
fectus si obstat exsequendo, et si reliqua bona
media videantur; res tamen haberi non po-
terit & intentum.

45. Sæpius cum titulo, quam sine, allo-
quere, quemque pro merito decenter hono-
ratur; nec tamen affectatè, ut similiter te
compellandi, & honorandi insinues necessita-
tem: securus (velut importuna ceremonia-
rum) si negligas; alios idem erga te omitte-
re, tèque contemptum haberi posse doces.

Quæ

Quæ civilitas mutui honoris adeò in animis hominum valet, ut non privatis modò inter se civibus, sed magnis Principibus erga sibi subjectos, non sit per incuriam transmittenda. Nihil enim magis offendit animos, aut verius exacerbat, quām contemptus personarum, si pro merito non honorentur; velut ille ad Principem: *Cur, (inquit,) ego te babeam ut Principem, cūm tu me non habeas ut Senatum.* Neque Julium Cæsarem aliud præcipitavit in necem, accelerando conjurationem, quæ differri, aut sopiri poterat, quām Senatorum, Consulūmque contemptus, quod reliquum offendarum erat. *Accedentibus* (ait Plutarchus in vita Jul.) *ad Cæsarem sedentem pro rostris, Consulibus, Prætoribus, totoque Senatu, Cæsar non assurrexit, tanquam si cum privatis hominibus colloqueretur; quod non Senatum modò, sed populum offendit, Civitatēmque idèo rati, per ignominiam Senatus, libidrio haberet.* Magna igitur cum tristitia discesserunt è curia, quotquot discedendi facultatem habuere: adeoque Cæsar sensit indignationem eam, ut statim domum abiret, reductaque à collo ueste vociferaretur; se paratum esse ad præbendum (si quis necare ipsum vellet) jugulum &c. &c. Forunt verò, cūm assurgere Senatui vellent, eum ab amico, aut verius adulatore quodam suo, Cornelio Balbo prohibitum, monente (vide nequam adulatorem) ut se Cæsarem esse meminisset, séque ut præstantiorem

coli pateretur, &c. Nihil igitur magis offendit in animis movet, quam si honos aut tituli contemptum auferantur personis; immo magis, si pro malignitate dicacitatis adjiciantur scommata, praesertim in ingenuos cives, qui eodem delicatioris sunt animi in offendit, quoniam magis suae virtutis sunt conscientia.

46. Famulitium sit tibi decorum; equus, cibus, & honestamenta domus.

47. Nunquam privatus fias, aut quasi incognitus.

48. Quanquam inter adversa; salvâ virtutis famâ, non vultu demisso, aut supplici, sed ex memoria prioris fortunæ agendum.

49. Aequale Matrimonium est pro auctoritate.

50. Liberorum bona educatio, & bona fama est Parentibus solatium & estimatio.

51. Domesticos clientes veraces potius habe, quam blandiloquos, qui tibi ex fide referant, & præcaveant, si aliquid in populo dete spargitur: ut eas recte facto obviam, seu ipsi diluant, vel excusent. Falluntur, qui illos, nimium placere volentes, in amoribus habent, venundatores potius suæ famæ, quam amicos. Permitte sponte (si sapis) referri tibi modestè omnia extra metum, & offendit; ne ignarus sis obviando, vel præveniendo, immo te ipsum corrigendo. Vera enim expobrat aliquando vulgi obtrectatio, quæ ipsi amore nostri, aut nostrorum, & per incuriam

in nobis, nostrisque non advertimus, domesti-
ci vero coram nobis tacent, aut præmone-
re erubescunt. *Vult volens decipi, qui nisi
blanda sibi narrari cupit.* Deinde domesti-
cos tuos non nimis molliter, sed in actione
occupates habebis, ne innutriantur otio, oc-
casionibus posthac emersuris futuri inutiles,
desidiosi, insolentes, dum pro injuria reputa-
bunt, si ad actionem aliquam vocentur, semel
desueti. Idem innuit perspicacia Salomo-
nis Proverb. cap. XXIX. *Qui delicare à puer-
ritia nutrit servum suum, poste à sentiet eum
contumacem.* Honoratioribus igitur dome-
sticis per honestiora munera; inferioribus
per minora servitiorum uteris.

52. Incessus latus, & gravis: vox sub-
missa, cum opinione Majestatis.

53. Semper vera loquere. *Mendacium
servile peccatum est;* immo naturam furti ha-
bet. Furtum rem aufert alienam: mendaci-
um verbum congruum furatur veritati;
prout commune proverbium Polonum fert:
Mendaces consequenter esse fures. Immo sunt
leves, garruli, infidi, inconstantes, versuti, si-
mulativi, fallaces, venales, injusti; nam ferè
idem ex non rectè agendo vitij suppositum ha-
bent. *Veritas mater virtutum est,* exinde, cùm
omnia rectè faciat, DEUS veritatis vocari vo-
luit; in diabolo, quia obliqua omnia, & con-
traria sunt, Patris mendacij supremum titulo-
rum habet. *Quem igitur rectum virum pre-*

batum cupis, vide, an dicto verax sit; vix enim fieri potest, ut factio obliquus fiat. Veritatem semper probo, & suadeo; verum in aulis Regum ingrata ut plurimum veritas est. Pauci sunt veri amantes Josaphat, sed plures Achab; prout certe, si veniat in aulam verax Michæas, indignationem Regis experietur (*odi eum, quia non prophetat mihi bonum, sed malum.*) III. Regum Cap. XXII.) aut incurendum in colaphum adulatoris Sedeciae. Abesse igitur a consilio praestat, praesertim si odio multo, nullo fructu, veritate laboreatur, vel cum ades, veritas omnino loquenda est. Praestat amittere gratiam, quam conscientiam; immo praestat agere Michæam, quam falsarium Sedecium.

54. Satiis te submelancholicum, aut gravem potius, quam jocosum agnoscant, effusæque hilarem. Comitatem tamen serva; cum illis praesertim, qui ad mutuam humanitatem, non ad suum fastum referunt omnia arroganter.

55. Quod scis per obtrectatores detrahendum tibi, quod tuæ domui, aut in moribus casu obveniat, potius præoccupabis sponte fato. Non detrahent, neque loquentur in exprobationem, quæ fateris; aut in quo te ipsum sponte culpas, aut per jocum habes.

56. Cave, nè unquam conqueraris, et si pro impatientia doloris opportunum credas, Deesse enim tibi aliquid sponte fateris, circa amissione.

amicos, vel circa fortunam, proditor tui ipsius: & ægritudinem animi simul detegis, etiam ignotis; ut qui te omni ex parte felicem credidere, magis inde æstimatorum, jam secus aliquid demptum credent, in levipendium. Omnes ideo hilari vultu excipe, quasi omnia ex optato fluant. Non alia re magis invidos tibi confundes, qui alias tibi adversa optarunt.

57. Non in vestitu superfluo, aut domo exquisitis mobilibus ornata, modò hæc sint necesse circa honestatem, verum in virtute, & morum constantia, viri Politici authoritas consistit.

58. Severitate sis gravis, & blandientibus incorruptus. Adversus minantes invictum habeas animum.

59. Omnibus sis cognitus, & comis. Multos sèpè convictui; raros secreto intimori admitte.

60. Observantiam tui in minimis firma, in præsentia majorum: ut exemplum honesti reliquis inculces.

61. Plura sèpè in nos peccantur, dum complacenus, quām dum contrariamus.

62. Honores, & præmia ipse tribuas, pœnas verò, aut redargutiones, si quæ irrogari justò debeant, irrogari cures ab aliis: ut aliorum invidiâ acerbus sis; tui merito manifestus, & amabilis.

63. In consultatione , dum contrariæ emergunt opiniones , qui medium attulerit , plerumque omnes in suam trahit sententiam ; non quod melior ista , sed quod ad medium , quam ad totalem assensum adduci se plerumque patiantur homines .

64. Cum magnis Viris , & Principibus extraneis notitiam quare ; & communicacionem literarum , aut internuntiorum inferes .

65. Structuræ non vulgares , statuæ , templo magnifica , famam authoritatis retinent , & parant opinionem ; item sapientum monumenta , nomini dicata . Nam quæ majores requirunt impensis , nisi à generosis pectoribus facta veniunt : præsertim cum non sui lucro , sed publici comodi intuitu impenduntur ad famam posteritatis . Sic Zenæs , pictorum præstantissimus , picturas suas excellentes nullo pretio exponebat , civibus eas gratuitè daturus : ut magnitudinem animi testaretur ; immò forsitan , quod arbitraretur operam suam eœ aestimationis ascendisse , ut omne pretium superaret .

66. Propositurus aliquid populo , aut amico , quod in rem mutuam sit ; potius quæres modos , ut petaris ; non petas .

67. Consulebat ille non leviter suæ autoritati , qui inter colloquendum stabat aperto capite : ne sedendi , aut tegendi capitib[us] minoribus foret necessitas .

68. Hi-

68. Histrionum, & levium ludorum non sis spectator. Tamen nonnulli honeste popularitatis loco ducunt, habere intra domestorum numerum joculatores, & histriones lepidos. Ait Marius apud Salustium: Sordidum me, & incultis moribus ajunt, quia parum scite convivium exorno, neque histrionem ullum, neque pluris pretij coquum, quam villicum habeo: nam ex Parente meo accepi; munditas mulieribus, viris laborem convenire; arma, non supellestilem decori esse.

69. Voce oppressos defende potius, quam opprimas: & patronum miserorum publice age.

70. Loquaces, & leviusculos, tum vino-lentos, noli laceſſere verbo.

71. Legatos extraneos honorifice domi-tus excipe, quod famam nominis spargant; & ab iis cura salutari.

72. Postula magis, quam supplex roga; quia facilius res sic habentur, ac potius per alios, nec unquam oblitus tui. Illaudatum alias Othoni (apud Tacitum) Qui protendens manus, adorare vulgum, jacere oscula, & omnia serviliter pro dominatione.

73. In publico populi consilio, multa objecta ſæpè solvuntur tacendo, multa respondendo; immò multa non audiendo.

74. In gravioribus causis, aut quæſtionibus, tum objectis, si melioribus consiliis res

slecti non poterit; non quid respondeas, sed quemadmodum non respondeas, cogita.

75. Qui multa respicit, nihil agit, dum consilio, seu dum facto opus est. In consulando præsentim illi, qui merè in partem assentientium transeunt, aut qui merè contrariantur, probantur. Ambigui verò, seu neutrales, vel, ut vulgò ajunt, *Non totaliter resoluti*, neque apud populum, neque apud Principem parant sibi autoritatem, utriusque parti suspecti. Rectè dictum: *media via nec amicos parat, nec inimicos tollit*. Tum illud: *tremula manu vitrum capiendo, quod magis frangere quis cavit, frangit*. Meritò succedit Tacitus (Histor. III.) Vitellio, ejusque Producit, dum in hanc, illamque partem studiis distenditur, & expendit diversa, cautus nimium esse cupiens, proditor sui verius factus, quod inter *ancipitia deterrimum est, dum media sequitur, nec auras satiis, nec providit*. Eò collimat dictum apud Ecclesiastem Cap. XI. *Qui observat ventum, non seminat, & qui considerat nubes, nunquam merget*. Resolutus ideo sis facere serio, quod aggredieris: non tamen aggredieris, nisi factu licita; ne dum involvere vis, periculo involvaris. Licitis DEUS adest.

76. Apage cum amicis, qui se pè reconciliantur: aut cum domesticis, qui crebro deprecantur.

77. Majora negotia apud populum tibi tractanda assere; minutiora relinques minoribus. Quædam digito opus habent movenda, non brachio.

78. Etiam si omnia refutanda sint, aliquam tamen approbato: ne omnino contradictorius esse videaris; salvâ tamen virtutis famâ.

79. Primis injuriis nî resistas cum gravitate, & virtute; contemneris. Veterem qui fere contumeliam, invitat novam. At quomodo non procaciter, verùm prudenter resistendum? tu videás.

80. Passio plerumque in nobis dominatur, & zelum putamus. Dicendum, seu faciendum aliquid nobis usu venit; verbo invehimur velut correcturi, & exacerbamus potius. Sæpe detrahimus, sæpe diffamamus, sæpe irritamus materias, & personas, quod agere proximodestia, aut intra dissimulationem magis in rem fuerat. Veritas, omnisque modus agendi stylum subtilissimum referat, non cuneum, qui findit magis, quam penetrat. Cum nimis justi esse affectamus, in injustitiam impingimus. Sævitia quandoque est, dum punitionem putamus; nec est correctio, sed exacerbatio, aut alienatio amici morosa. Cùm rigidè, vel, ut ajunt, morosè ad pulvrisculum usque repetimus nostra, non sit, ut aliena cum nostris non involvamus: impertinentium veteris raptores, quam exactores justi. Sæpe deinde potentiam credimus, cùm inferre in-

juriam possumus: aut secūs accipere credimus, nisi inferamus: nec repulisse est, nisi alter injuriam patiatur. Quæ igitur minore damno, aut scandalō dissimulari possunt, dissimulanda prudenti viro suaserim, qui privatam, aut publicam pacem, quietem mentis, pacatam conscientiam habere cupit. Eò ferè collimat dictum: *à justitia recedendum nonnunquam in parvis, qui velit salvam eam in magnis.* Non enim sic erit injustitia, sed dissimulatio justa. Idem vult Spiritus Sanctus apud Ecclesiastem. *Noli esse iustus mulum, neque plus sapias, quām necesse est.*

81. Proximè sequitur, virtutis etiam zelum temperandum, idque amore in majus promovendæ: ut dum nimio ipsius, prout debemus, ducimur amore, tamen secundūm tempora, & personas, prout res agenda venit, suavius, cum vitij quadam dissimulatione, sensim animis hominum eam insinuemus, quod non est redere à virtute, sed eam provehere in majus. Scriptura docet alios hominum acerbius increpitos, alios per similitudines suaviter reductos. Sic CHRISTUS, dum bonum Patrem familias repræsentat, intemperantem zelum servorum arguit, & dissimulare docet. *Sinite, ne foris colligendo zizania, eradiceris simul cum eis & triticum.* Sic erratum à nostris in Moschovia, intempestivo, ne dicam insolenti religionis zelo. Cùm enim Demetrius Magnus Dux Moschorum, Polonam

virginem in uxorem duxisset, occasione Catholicæ Principis aliqui Polonorum jactanter ad invidiam usque Moschorum schismatis, ritum Catholicum dum promovendum contendunt; Demetrium Ducem, novamque ruptam in exitium præcipitârunt, Poloniâmque cruento implicârunt bello. Sed magis profana nobis serviant in exemplum. Severi mores Galbae Cæsaris, licet recti, sed non pro tempore adhibiti, exitio fuerunt, quibus impar ea etas erat. Cum fonte circa flagitatem militaris donativi magis animosè, quam in rem opportunè diceret: se militem legere, non emere; dum rigidus recti, priscique moris assertor affectat fieri, non assecuturus simul rem, sequere perdidit. Consultius alias facturus, si intra dissimulantem importunitati non nihil in tempus concessisset, & delinivisset humiori verbo flagitantes; sensim aliâ viâ cum tempore in melius reducturus. Neque à virtute Imperatoria sic recessisset, sed intra prudentiani regendi habuisset totum. Etiam in asserenda libertate circa observationem antiquarum legum, vel aliquid novum stabilienduni, temperato, & recollecto zelo opus; secundum res, tempora, aut personas agendo: ne dum reducere ad normam rigidè contendimus, potius malum, rèsque irriteremus. Quia in re summa perspicacitate, judicio valido, ac super omnia, experientiâ opus est. Nec possunt in eo valere, nisi sedata, defæcatâque in.

genia, quæ non, quid debeat fieri, vel prout aliquando factum est, sed quid nunc rectè possit, ex æquo pensant, & magis è particularibus causis, reisque propinquioribus, quam ab universalibus maximis (quæ in particulari fallere amant, & judicium consulentis non leviter arguunt: nam universalia multas exceptiones habent, & multas circumstantias requiret imitatione, ideoque sëpe nos fallit) concilia eruendo, aut quæ non habendi cupidine, aut spe inani, sed magis possibilitate certâ, benéque consultò res metiuntur, cùm ratio appetitu superior est. Aliquando enim suavitas agendi, aliquando rigor, aliquando utrumque simul, vel demum nihil agere, sed dissimulare in tempus, & ferre malum prodest: ne dum præco-citer unicum vitamus, multò majora, inimicò plura incurvantur, res irritando; ut hoc casu serviat dictum: *Malum bene positum ne mo-veas.*

82. Igneæ nonnulli, tum inquietæ mentis, dum sibi non otiani, sed agere complacent, dum quieta non sinunt quieta; aut nisi res turbent, & in aliena, quæ sëpe devorârunt, invehantur, se diem perdidisse, suaque arbitrantur, & pro injuria reputant; famam potentiae ex aliena injuria aucupantes. Ut igne Salamandra, sic nonnulli asperis, & discordiâ vivunt; quæ alij flagitia, hi remedia vocant; in id nati, ut nec ipsi quiescant, nec alios sinant.

83. Potius non videre te injuriam simula, quām dum vides, vindicare illam opus habeas: ne si agnitam molliter dissimulaveris, pejus contra te in posterum peccetur.

84. Si impetu in aliquid novum fertur populus, cui resistere non possis; satis penes virtutem habeas, si non assentias.

85. Quæri exinde potest; quid securius, & in rem magis opportunum: an præcipui unius, vel saltem aliquorum in Republica, an vulgi aucupari favorem? Non disquirendo hinc illinc, constat, qui totos vulgi favoribus se dedere, ab ipsomet vulgo proditos, oppressos. In cujus gratiam cùm omnia feceris, semper aliquid in majus vulgus requirit; vel ni sufficias, antea bene fecisse damno est. Quod verò majus; dum abutitur vulgus bonorum virtute, & operâ, semper eos casibus objectando, facit velut indiscreti equites, cùm bono equo læti, intemperanter utuntur, & nimio cursu fatigantes, non parcunt labori, nec aliud substituentes eum perdunt; quod in vitis Gracchorum apud Plutarchum observatum habeas. Ratio in promptu. Nam facilius paucorum genium noveris, paraverisque tibi favorem, facilius gratiam demerueris, aut iratos placaveris, facilius cum paucis egeris, suadendo, dissuadendo, orando facilius obtinueris, dum se citius pro paucitate expedire possunt decernendo. In multitudine secūs, communitas frontem non habet,

quæ non tam facile maledictis erubescit, dum dispersim ignominia in tot capita vadit: ad unius verò Principis personam, non divisim, tota infamia, ejusque posteros, directè spestat; eoque magis afficit. In populo deinde diversa sunt subjecta, inclinationes, affectus, studia, quibus impossibile, ex æquo ut satisfacias, dum pro diversitate ingeniorum suspicantur vana, aut secùs interpretantur, cùm non intelligunt rem, plures verò pro malignitate. Offenditur quidem Princeps veritate; sed magis offenditur, & simul furit populus. Unidum places, alterum ferè offendis. Nam in amores, & odium, æquè facile vulgus fertur: non ut studiosè velit, sed uno, alterovè impellente. Quod verò gravius; si in aliquid bonum fertur populus, non omnes (unus alium, circumspectantes) curam adhibent: jam si nocere cupiant, quisque pro se manum studiosè adhibet in ultionem; ad nocendum uniti, ad beneficiendum tepidi, & distracti. Ex eadem ratione forte *Machiavellus ingratiorem fieri populum censet, unicā Principis personā.* Dixerim itidem: præstare favorem aliquorum præcipuorum in Republica, sed quem non per flagitia, & obliqua demerearis, favoribus vulgi. Addo super hæc: si non altioris alicujus boni, aut virtutis intuitu, quæ sola sibi ex conscientia rectè facti præmium est, sed aucupandæ vulgi gratiæ, & popularitatis, rectum aliquid in publicum facias; falēris.

leris. Sæpius odium pro gratia redditur. Rem expertam ipse habeo, quam loquor. Si profana parvi sunt, en cape in rei documentum altiora, quia sacra. Nemini magis, quam operatori salutis Christo, fraudi fuit populi plausus, & gratia, hodie ut Regi, filio David, in urbis ingressu palmis & substratu vestium in pompam triumphi vias sternentis; mox intra dies aliquot, subita mutatione crucifigendum petentis. Sic ferè vulgus, cuius boni, aut præzi affectus nunquam modicis continentur.

86. Afflictis palam condole; sed tamen sine injuria afflagentis.

87. Honores non pete ipse. Oblatos specie recusantis accipe, non multo exultantis animi signo: nec etiam tristi, ut ingratus; sed graviter. Per amicos petiturus, non ore tuo, pro famâ modestiæ; tūm ut videaris, magis te posse officium gerere, quam nimis velle: quod venustatem actioni imponit, & dantem magis promptum reddit. Vis adhuc altius unicam artem disce: non quomodo ambienda quæras: sed quomodo sorte contentus non ambias ultra pacatus: plura sic utique, immò omnia, latus contemnere potes; & quasi ex alto animi despicer; non omnia verò destinata ambiendo adipisci, eoque de non habito tristis, & stans loco velut inferiore. Habet velut omnia, qui non ultra cupit, in animi mensura, non fortunæ. Sat satis habendorum modus.

88. Apertis horreis, leva pretia frugum.
 89. Nobiliores exules, tum à fortuna desertos excipe domo, & necessariis procura. Alij dividunt propria, & ditiores sunt: alij rapiunt non sua, & semper in egestate sunt. Inquit sapiens.

90. Pupillis honestatum familiarum sumptus educationis provide.

91. Si à populo voce opprimaris; modestiam objice cum gravitate, & reprehensione generosa, quām ut frustra acerbius contendas, unus à multis facile contemnendus: nec aliā tutiū viā furorem populi evades.

92. Miseris sis aditu facilis, & intentus querelis: licet subrusticē, & tædiosē conquerantur; nam loquax ut plurimum dolor est. Da bona verba, gravia tamen potius, quām mollia. Condole saltē, ni juvisse sufficis. Nemo utique verbo pauper est, quod æquè afflictis gratum, ac si juventur: aut secus novam injuriā fibi inferti putant, sitans toriē audiantur. Princeps igitur, aut quicunque sunt viri honesti, in omni vitā suā actione teneant rectē agendi præceptum: nihil sibi esse salubriū, & ad amorem populi parandum accommodatiū, quām humanioribus responsis etiam infimae fortis homines, ab se dimisissi; salvā tamen gravitate, ne obviā facilitate vilescat.

93. Inter militares de armis loquere; inter doctos de virtute, doctrina, libro, honestate:

te : personis rem & sermones accommodatur. *Hilares liberalius, suavitérque excipias: Severos, aut Morosos contractius, & brevibus tractabis ; cùm facile multi sermonis nauseam habeant.* *Ambitiosis honorem deferes reverentiū agendo , perinde, ac si eos multi facias.* *Cum modestis & sinceris simplicitatem dicti quæres ; nam facile dolum suspicantur, si verborum involucris , & ambagibus affectatis utaris.* *Malignos , Astutos , Lévesque , quoad potes, vitabis ; sed procul à nota vitantis , ne offensos habeas.* Universim vero, secretorum tuorum (loquendo) cautus eris. Insuper inter *Æquales* dignitatem ex pari tucare , ne posthabearis : non tamen semper ad numerum , & stoica gravitate ; ne arrogantiæ nomen parias. Inter *inferiores* faciliorem tui copiam præstabis , ut ameris : non nimius tamen aut effusus ; ne societatem inducas , sed propior gravitati. Erga *superiores* nonnihil submissius te geres : non tamen immemor tui ; verum ultra *venustam generositatem* : nec ut abjectus, aut adulator , tum deformi obsequio laborans.

94. *Meticulosorum ingenia* ingestō terrore , nec tamen sine condimento gratiæ , ad officium comodè rediges. *Generosos* secùs exacerbat terror, ut potius reddas obstinatores , aut alienes verius, dum eos sic parare cùpivisti : verum eos gratiâ , comitate , libera- liore convictu , que ad obsonij raritatem , non

non semper facili, aut effuso : magis que ad-
huc gravitate agendi generosa, quæ reveren-
tiam personarum ingerit, tibi obstrictos pares.
Verbo dicam : injuriæ generosum irritant ;
mollem, tum pusillanimem frangunt. Cum
mediis aut *indifferentibus*, præsertim vero
cum astutis, aut qui libenter insolescunt, ad-
hibebis simul utrumque. *Terrent nonnulli,*
ni pavet ante. Morosos denique, & intrusores
lautiore mensa, & aliquid pro tempore dan-
do tibi mercaberis. Rara tamen ingenia,
quæ non hoc ultimo telo expugnare fas sit.
Prout igitur hunc aut illum, ad tuum bene-
placitum habere vis : intropice naturam
prius, hominum enim animi æquè varij sunt,
ac vultus, ut agas, prout ad metum, vel ge-
nerositatem inclinat, vel participat simul de
utroque ; ut quemque suo affectu aggredia-
ris expugnandum, prout in aliquo hic, aut ille
magis prædominatur ; metusne, cupido glo-
riæ, amor privati commodi, publicum bo-
num, aut tenerior conscientia : objectando
dextre ad persuadendum pericula, ignomi-
niā, damna, jacturam publici; ingerendo
scrupulos, & offendam DEI, & quævis in con-
trarium : vel si faciant, omnia eventura in
parte meliore. Jam si omnino refractarij
sint recta sequendo, saltem in molliora quo-
quo modo deflectes, & concedes partem, ve-
luti Seneca & Burrho visum, ne utrumque NE-
RO per vincere, alterum concedere : vel certe
eve-

eveniet, præsertim si cum generosis res est, ut negligant, si aliquid modò in speciem generositatis sibi concedatur, nec planè impugnari se videant; aliàs nihil pervincere, servile punitantes. Sæpè reperio: *hominum animi sicut generosi equi, molli freno facilis reguntur.*

95. *Qui amat accipere, negat nihil.* Non in privatis modò, sed puta in publicis facile habentur omnia; præsertim apud eos, quibus accipere dulce est, dum sunt semper venales, & alienæ ministri potentiae; immò mensarum, placitorūmque affeclæ. Non ex vano inex-pugnabilem urbem, expugnandam facile credidit, in quam a sellum onustum auro introitum didicit. Et Jugurtha Romanum statim inclinari advertit, debitèque illusit: *O venalem Romam!* & maturè peritoram invénit, cùm reperit plerisque ex curulibus, qui accipere oblata non promptè recusarent; immò promptissimè caperent. Vendisibi negotium amavit, cùm venditores odisset; proditionem, non proditores amaturus. Viri ideo quicunque recti etiam licite oblata, intra verecundiam, propiusque nolentes acceptare debent, aut prorsus non acceptare, virtutis præmium in virtute quæsturi. Hoc enim genus vitij, mentitæ suavitatis condimento facile insinuat se hominum sensibus, & leviter modò tangentibus allinitur sine sensu. Facile qui accipit, facile dat sibi suaderi. *Pessimum veri affectus venenum, sua cuique utilitas.*

tas. Meritò pagina sacra rectos in populo viros, judices, ducésque dum laudat ; aut se-
cūs depravatis dum succenset : his appeten-
tiam munerum exprobrat ; in illis contem-
ptum oblatorum velut solam rectæ popularis
virtutis normam commendat. *Dixit Samuel*
ad universum Israel, 1. Regum Cap. XII. Lo-
quimini de me coram Domino , utrum de ma-
nu cuiusquam munus accepi ? contemnam il-
lad , restituāmque vobis. Et dixerunt : non
tulisti de manu nostra quidquam. Et Cap. VIII.
Non ambulaverunt filii Samuel in viis ejus , sed
declinaverunt post avaritiam : acceperunt
munera , & perverterunt judicium. Mirum
dictu , quod pervertat veritatem , bonum pu-
blicum , & pervertat judicium , qui properè
accipit munera. Talesque hodie videoas , in
quorum manibus iniquitates sunt : dextera eo-
rum repleta est muniberis Psalmo XXV. Po-
tiūs igitur : non accipies munera , quæ etiam
execant prudentes , & subvertunt verba justo-
rum. Exod. XXIII.

96. Nullius artem reprehende ; quod vel
maxime offendit.

97. Multa in absentem statuuntur , quæ in
præsentia non fierent. Cura , si tutè potes , ut
dicendis de te rebus , aut statuendis adsis præ-
sens cum authoritate tua , & amicorum ; ne
per absentiam conscientiæ facti arguatis , eâ-
que importuna meticolositate majorem inge-
ras.

ras audaciam æmulis validius contra te insurgendi, qui nisi tuā imbecillitate fortes.

98. Magnorum virorum dissidia concilia, & mediatorem te interpone, etiamsi non vocatus, si authoritate vales; sed procul ab importunitate, & sine alterius partis offensa. Fac talia pro publico bono, & amore proximi.

99. Dum punis, privatim puni; dum pacis, publicè parce.

100. Habebis aliquem bonæ existimationis virum, qui pro te agat, & loquatur in publico, quam tu ipse pro te. Major alienis dictis in aliena causa fides, laudando vera, seu excusando liberiùs falsò imposita, tum opinativa; & minor tibi dicenti invidia. Quæ pro sua causa dicuntur, magis ex necessitate propria, & pro animi passione, quam ex vero dici communiter creduntur.

101. Quæ tibi adversa acciderint, supprime, aut tege lætis; prospera latius divulga.

102. Sermones vulgi velut nesciens ignarusque feras; prohibiti enim plures erunt, quasi veri, si prohibeantur, & nocituri.

103. Securitati consule prius, antequam vindictæ; quosdam enim, haud tutò aggressariis, ut cavere ab iis magis opportunum sit, quam ut aliquid acerbius in eos statuatur.

104. Justitiam ama, & verax sis; quod magis fidem rebus tuis pares.

105. Nonnulli dexteritati, tum prudentiæ, virtutiique suæ in tantum fidunt, ut sponte se se

con-

conjicunt in occasiones periculosas; negotiatio intricata, difficilésque conatus supra vires aggrediantur; quasi in arbitrio sit, ex illis eluctari, tamenque deserere promptum, quām irritare incepta, tum velut supra humanos causus constitutis, tum non errandi potestatem sub imperio habentibus. Quod secus sit, dum tenemur potius à negotiis, quām tenemus illa. Non admittere verò occasionem, primus gradus est non errandi, dein posterior, non errare. Nè DEUS quidem, dum probos vult nos fieri, peti voluit, quām ne inducamur in tentationem: quāsi non peccaturi, si tentatio, id est, mali occasio, absit. Non igitur, quantum in nobis est, dubiis rebus nos volenter committamus; ne apprehendamus plus animo, vel manu, quām cui sufficere possumus retinendo, vel contra oblectantia constanter perseverando. Nec sibi blandiatur mens, ut præsumptuosa opinione nostri minus opinemur de virtute contrariæ partis, dum volvamus, ut evitemus occasiones eorum, immò ipsa mala. Facilius aliqua non recipiuntur, quām exēunt; immò excluduntur venientia, quām expelluntur, dum fuerint admissa. Qui admittit occasionem, admittit errorem.

106. Irasci, mala verba dare, ferire, nemini fidere, res quietas non simere, prohibitu agere, aut secus in speciem authoritatis desiderare, nomine magnifico segne otium velare, in alios agendum opus conjicere; superbire,

tum

tum insolescere potestatem regendi non-nulli falso putant, cum alias suavitas agendi, præviâ prudentiâ & cautione, rebus perficiendis totum possit. *Maxima flutina minimo sono labuntur.* Non tamen obest rebus, subirasci modicè intra gravitatem agendi; immò valde prodest, ut vivaciùs in executionem urgeantur. *Iram prudenter esse cotem fortitudinis, non ex vano dicimus.* In consilium verò rectè incipiendo-rum, sola prudentia cum deliberatione non affectata, jus semper habet. *Potestatem causis, quām aerioribus consiliis tutius haberi,* Tacitus ait.

107. Vitia hominum privatim, publicè. que nihil magis intendit, quām cum male fecisse, joci vicem habet, nec suspenso supercilio, sed excipitur cachinno. Exinde licentiosi, dum non timent DEUM, quod reliquum erat, excusâ hominum reverentiâ, & pudore, malefacere sibi complacent; vel dum in rectiores incurunt, qui rigidiore fronte, tum verbo factum excipient, indignantur. Moneri non-lunt, & paucorum rigorem & censuram injuriæ loco habent, dum plures joco intuitu talia transeunt, velut approbantes. Moderni seculi, immò novæ Politiae ea labes est. Rigidæ prisorum Germanorum virtutis, non immerito causam adnexuit Tacitus de morib. Germ. *Nemo illie vitia ridet, nec corrumperet, aut corrumpi seculum vocatur.*

108. Non levis est prudentia *moralis*, tum
politica: scire in suis domi, & civibus publicè
 quædam minora dissimulare, nec vetare; ne
 obtineas, ut pervingendo, quæ agnita vitari,
 nec coerceri possint, in pejora mala incurra-
 tur ex iusserum, & impunitatis contemptu, nisi
 aliquid fragilitati concedatur: velut profun-
 dissimè sparsim *Tacitus*, tum alijs. Nescio, an
 non tutiùs sit, quædam adulta & prævalida vi-
 tia admittere, quām illud assequi, ut palam
 fiant, quibus prohibendo pares jam non si-
 mus; dum vero prohibita semel impunè tran-
 scenderis, neque metus ultra, neque pudor est.
 Quædam tutiùs non prohibere, quām prohibi-
 ta leviter præterire; & solum non accusa-
 re, quām accusatum non punire; nam evul-
 gatus pudor non satietatem, ut multi rentur,
 sed incitamentum parit. *Coercitio plus damni*
in Republicam quandoque affert. Quām
indecorum verò attrectare, quod non obvi-
 neatur; si velis? *Quod nondum veritum est*, ri-
 meas, ne vetere. Tolerabilia sunt modica vi-
 tia, quām prohibitio, cui nemo paret. Mi-
 thridates continuo usu veneni, naturæ suæ redi-
 didit familiare toxicum, ut contra noxia in-
 duraretur: sic aliquæ malæ consuetudines,
 tum abusus consuetudine roborati non tam
 obsunt *Reipublicæ*, nam sæpe alterius virtutis
 interventu, velut ad æquilibrium pensantur, &
 cum tempore convenient, quām præceps cor-
 rectio; prout violenta medicina plus nocet

ægrotis, & vim naturæ infert, quām ipse mortibus, qui sensim utique conficit. Inter hysmem, & æstatem ver, aut autumnus inest; inter diem & noctem diluculum, naturā ipsā haud violenter, sed quasi per gradus in mutationem se transferente. Etiam virtuti horrot impunitur, si severius se intrudat, non suaviter insinuat. Cum tempore curandum, quod cum tempore invaluit. Repentina novitates sunt ranquam advenæ, & peregrini, quos admiratio ne plūs, minūs benevolentia prosequimur. Exinde novorum Politicorum axioma vix improbaverim: In seculis aliquanto corruptioribus, homines industrios & satagentes usui magis esse, quām pro rigore virtutis nimium zelos.

109. Ne decipiaris, mature cogita te deceptumiri. Sæpe dissidentia mater securitatis est; aut secūs, si in vanis nimium scrupulosus sis, sæpe causa inanis metūs; nocet rei, nocet parandis amicis. Dubitaverim præterea, an modica calliditas non sit in parte Politicæ prudentiæ, seu cautionis, pleno hoc obliquorum ingeniorum seculo; non ut circumvenias, sed ne circumveniaris, dum quemque pro suo ingenio scis metiri. Aliqui enim ita sunt incautè sinceri, si præsertim in blandilōquos, & astutos incurvant amicos, ut nihil sinistra intentione agi opinentur.

110. Sis Politicus, non tamen, ut te Catholicum esse obliviscaris.

111. In

III. In privatis publicisque negotiis cum paucis, vel cum populo, non semper idem tenor, modusque actionis servandus, dum rem habere probè cupis; verum secundum tempora, personas, immò cum iisdem personis, sed aliis occasionibus, rerumque circumstantiis, modum agendi variari necesse. Aliquando severitas juvat; aliquando eadem obest, sed prodest clementia, & suavitas. Aliquando munificè; aliquando parcìus aliquos habere oportet, & dandi facilitas obest. Aliquando tacere, & dissimulare; nonnunquam exprobrare palam, aut tacitò conductit. Aliquando properare, aut cuncta potentibus statim annuere; aliquando differre in tempus, negare, difficilem se præbere, & grave supercilium monstrare prodest: mollius, aut austrius, cum autoritate matura, vel submissius, familiariterque pro confidentia agendo. Nec CHRISTUS in sua œconomia semper eundem agendi modum servat; sed pro tempore variat. Peccatricem mulierem ad pedes suos provolutam promptè admittit, per amanter adspicit, *bonum opus operantem* laudat; eandem posteà, licet pœnitentem, & in melius correctam à sui amplexu arcet, severiusque habet: *Mulier, noli me tangere*, cùm utrumque intra peræqualem bonitatem ageret, illud intra summatam clementiam, hoc cum Majestate, non extra tamen gratiam, modo ratio & causa: verum intra eundem amorem; dum

dum simul arcet, simul solatur eandem, simulque honesto præficit officio. *Quid ploras?* quod queris? *Vade ad fratres meos, dic eis &c.* Joan. XX. Dixerim, qui se aliorum exemplis, sive que probatæ semel praxi totos alligant; nisi aliquid in præsens mutant agendo, addant, minuantve, graviter falluntur. Potuit iisdem de causis, cum iisdem personis severior modus prodesse, cum quibus alio loco, & occasione, nisi suavius agendo remittas de rigore, rem turbes; nec quod voluisti, asserquare. Ut eadem vestis, non cuilibet corpori & ætati: sic praxis & exempla, tum imitatione, rebus, & personis non quadratè serviunt, nisi pro tempore immutentur.

112. Animis constantia & ingenuitas juvat in adversis, superat invidiam, arcet mala; molitiae secùs accersit periculum. Cui vitam animi fortitudo, aut constantia non dabit, metus, aut fuga rariùs parabunt. Sic apud Tacit. accusati de amicitia Sejani, alij per molitiam excusando, eò majorem suspicionem sui cùm movissent, succumberentque in causâ; *Marcus Terentius* ingenuè, quod verum erat, solus fatendo, constanter superavit invidiam, & evasit objectorum poenam: prout ejus responsoriam, non sine gusto, & paranda doctrina legas apud Tacit. VI. Annal. Qui silentio tristis objecta recipit, non modestia est, sed tacita confessio; aut judicem tacitè arguit servitiae, quasi in maius defensione innocentia ir-

ritetur: qui autem negat, quod verè objec-
tum, seipsum accusat; non quod noluerit,
aut de malefacto doleat, sed quod latuisse tan-
tum expetiverit, præsidium malitiæ ab occul-
tis habiturus; immò metum prodit ex facti
conscientia & atrocitate, quod fateri veretur.
Neque extinguit materiam objectorum, sed
irritat accusatorum, æmulo: unque proter-
viam; tum ad inquirendum & comproban-
dum ingenia, ne frustra objecisse videantur.
Demùm acuit audaciam, ut contra timentem
gravius insurgant, inclinatum concitatius im-
pulsuri in ruinam. Qui secùs ingenuè fate-
tur, proprius pœnitentem est, dolet de objec-
to, quod spontè agnoscit, & corrigendum
videt. Dein fortis utique animi signum est,
intuitu virtutis sive vero, sive specioso, tum
pro ingenuitate, aliquid dicto, factoque ten-
tasse, non tamen malitiosè, vel ex dolo, qui
semper suspectior est, quam animi apertus can-
dor. Non superba tamen deberet esse facti
confessio, nec velut exprobratio, quæ magis
exacerbat; dum obstinationis in animo si-
gnum est, accusatorem & objecta velut con-
temnens. Sit potius intra vultus verecun-
dam amoenitatem, nec extra ingenuam mo-
destiam, quæ innocentia suæ, dum non tur-
batur, fidem faciat, ac de clementia, pruden-
tiaque discernentis multum sibi persuadeat;
aut, si omnino deprecandum sit, non faciat ta-
men aliquis, ut nimium abjectus, nec veste-

for.

sordidatus, aut squalidus, quod indignationem
sæpè magis, quam miserationem movet, ve-
rūm faciendum ex memoria ingenuitatis &
honesti. Sic, ut per varia casuum abeam,
apud Thuanum Joannes Fridericus Saxo-
niæ Dux vixit prælio à Carolo V. Cæsare, &
captivus, cùm pro nota rebellionis decretum
mortis, jussu Cæsaris adserri sibi videret, lusui
latrunculorum tunc fortè intentus, & velut in
aliena causa minimè turbatus, Ernestum Du-
cem Brunsvicensem secum colludentem, si-
mùlque sorti compatiētētē, constanter mo-
nuit, ut eo non obstante lusum continuaret,
suam innocentiam, Cæsarisque clementiam, ea
in parte sat pro se laboraturam subjungens.
Quā infacti animi constantiā Cæsarem flexit,
& periculum vitæ, licet non fortunæ, supera-
vit. Sic apud Franciscum Guiccardinum
(Histor. I.) Cùm Rex Galliæ Carolus VIII.
moto bello pro recuperanda Neapoli contra
Arragonios, in Italiam cum exercitu se in-
funderet, ac fortè per transēundum à Floren-
tinis pro societate armorum, & amicitiâ in ur-
bem receptus, contemptius eosdem haberet,
conditiones aliquas graviores extorsurus, illi
verò, potentiam Regis consternati circa con-
sensum tergiverſarentur; solus Petrus Capo-
nius, vir altioris animi agendi constantiārem,
animosque civium restituit, & Carolum ple-
na generositatis voce, tum facto terruit. Ver-
ba sunt Guiccardini (Hist. I.) Cùm ejus Col-

legæ coram Rege stetissent confernati, atque à
 Regio scriba compositionis cāpita iniquissima
 scripta recitarentur, Caponius rei indignitate
 vehementer permotus, libellos ē manibus scribæ
 abreptos, Rege spectante discerpit, & se abitu-
 rum proripiens voce concitata subjunxit:
 Quandoquidem tam iniqua postulantur, ve-
 stinas vos inflabitis tubas, nos compansas pulsabi-
 vimus nostras; bant obscure innuens, eas con-
 troversias motâ plebe, armis esse decernendas.
 Constat, tantâ fiduciâ verborum Caponij terro-
 rem Gallis injectum, secum reputantibus, tan-
 tam in eo homine constantiam, non sine fiducia
 alicujus paratæ potentiae, & subsidiorum esse.
 Quamobrem eo revocato Rex in equiora, nec
 absonta Florentinorum libertati deflectit. Sed
 cur vado per externa, cùm adhuc domi exem-
 pla propria, idque in meamet causa? Cùm
 per iniquitatem delatorum, recta plerumque
 civium vota in sequiorem sensum trahen-
 tium, liberiūs dictorum, ut fieri assolet circa
 libertatem, coram Rege accusarer, ipséque
 ad interiore cameram me vocato pro maje-
 state exprobraret: id, quod certè verum erat,
angustia mihi undique. Hinc mendacium
 servile peccatum, si vera negarem, & offensa
 DEI; illinc apertior offensa Principis, si fa-
 terer. Recollectâ repente mente, in partem
 utique posteriorem peccare malui: nec ta-
 men apud pium Principem peccavi, fronte ad
 amœnitatem, pro fiducia constantiæ, non

extra tamen modestiam composita, subjungens: *Si quæ à me dicta, non prosectorum à maioritate, aut inquieto ingenio, sed factum pro fiducia legis, tum æquitatis, cuius assertorem pro Catholicæ pietate, ipsum Principem esse scirem;* nec mihi alias jurato Senatori, nisi cum lege loquendum conveniret. Cùm igitur responsum acceptandum; aut aperta lex, tum æquitas impugnanda esset, quod nequaquam bonus Rex apud animum pervincere potuit (nam etiam juxta populi libertatem convenientissimum erat objecto) intra ingenuitatem responsi conquievit. Unde, uti per cætera gestorum alios; sic eo casu me quoque publicè, ac privatim æquioris animi bonus Rex habuit præconem. Cessare debui; verum non extra materiam, unicum adhuc constantis tum infracti animi exemplum apponere, Ferdinandi Arrogoni Neapolitani Regis. Cùm enim supra memorato Carolo VIII. Galliæ Rege, vetricibus armis Neapolitanam oram pervadente, ipsaque Neapoli urbe, & Prætorianis cohortibus in victoris nomine descendentibus, Ferdinandus regnum deserere cogeretur: nihil speci relictum, quam ut cum paucis intimorum relictâ Neapoli in Ænariz Insulæ arcem, Isclam nomine, secederet; verum eadem infensa fortuna secuta in Insulam Ferdinandum. Arcis enim Isclæ præfectorus eodem, quo reliqui Neapolitanorum, morbo perfidiæ agitatus, in victorem

Gallum propensior, descendenti fortè ex triste portas arcis occlusit. Fertur insperato perfidiæ spectaculo consternatum prius, dein recollecta mente & spiritu (à desperatis, & animi constantiâ consilio captato) paucis comitantibus , proximiùs portam arcis animosè successisse Ferdinandum, ut partim mandatis, partim exprobratione collatorum beneficiorum , & exinde turpis perfidiæ , partim vultūs majestate Præfectum flectere posset. Non plū tamen apud perfidum ea valuère , quām ut datā solūm conditione, arce receptum se Ferdinandum promitteret , si nemine comitante solus portam ingredeleretur. Acceptipit ille promptè conditionem, non ut dissimulans, & exinde tacitæ offendæ suspectior ; sed ut majestatis conscius. Moxque adaperata porta est. Tum verò in ipso portæ ingressu, non se Regem oblitus, eā confidentiâ , eoque vultu ac vigore animi , disticto gladio in Præfectum & custodem portæ impetum fecit , ut satellites , qui armati in statione aderant, committantis & imperantis simul Regis aspectu perterriti, exemplò portam aperuerint , reliquum comitatum recepturi. Quo casu manifestè apparuit, animi constantiæ , vel, ut Jovius ait lib. II. Histor. Regum oculis, in omni fortuna , quandam supra humanam inesse vim ; proditoribus autem degeneres esse animos ; præsertim , cùm in ipsa perfidia deprehenduntur.

POLITICO-MORALIUM.

I.

Conscios secretorum etiam delinquentes non habebis acerbius; ne irati prodant secreta, & res misceant.

2. Licet verum sit, nunquam conqueraris, quod male de te loquantur homines, aut enim, cum senserint te offendit, pejus loquuntur in acerbiorem vindictam, aut denudaberis coram audientibus de adversariis, cum non levi suspitione famæ. Potius bona indulgentia fortunæ dic: tibi satis amicorum esse. Bonam de te sentire omnes. Inmod: in prætentia tibi detrahentium, sinceritatem & candorem lauda, velut ignarus traductionis; ut consequaris, quod illi sinceri à te vocati esse justè velint, ne bonam de se opinionem amittant.

3. Cuique, sed præsertim in officio degenti, minima sui in obedientia severius observanda, ut minus serio imperata sint in executione: quod majoribus jussis non ignaviter attendatur,

4. Si quid in aliqua gravi materia difficile propositum, quod non statim intelligas; scripto consignari jube, aut prudentem ministrum delige, qui rem inquirat tibi sufficienter relaturus.

5. Nimiam magnorum comitatem, suspectam habe. Nunquam te illi credes totum.

Non enim mutuo bono faciunt, verum suo; quatenus operâ tuâ velut instrumento utantur: seposituri in partem, dum cogitatum perfecerint.

6. Nonnunquam prudenter de gravitate, & de jure demittere, necessum putabis, quatenus assequaris, quod voluisti: alloquendo prior, salutando, visitando, adeundo minores, familiariis in parte colloquendo, convictum eorum non aspernendo, nonnulla dissimulando. Sed hæc modicè adhibebis; velut obsonia rarioris favoris, non ut lautitia profusionis.

7. Privatum otium, & exercitia tui cubiculari, sint gravia.

8. Spectacula generosè edita, ut sunt ferarum nobilium certamina, hastiludia, in opinionem serviunt authoris. Velut in Laurentio Medico observatum reliquit Paulus Jovius, qui in populo, tum apud exterios estimacionem sibi paravit, magnanimitate expensarum, in honestos circum se clientes, in eleemosynas, & obsecratorum prompta subsidia, in equestres ludos edendos, in apparatus conviviorum, in colendos literarum Professores, in conquirenda, quæ rara alicubi videbantur: quibus ille (verba sunt Jovij) ac præsertim munificentia auspiciis, longius famam suam extendit, quam quisquam alius equalis, vel militarium armorum fulgore proficeret. Et vitam Magni Consalvi apud eundem legas;

quo-

quomodo in aula primū creverit, dein apud milites expensarum apparatu valuerit, omniū animos in se rapiendo splendore pretiosæ togæ, armorum, & convictūs.

9. Aliquid in tuis, aut te ipso mutaturus, non uno ictu præcide; sed lentâ operâ, & quasi aliud agendo. Novitas enim, & *insperata sedulitas* parit suspicionem.

10. Patrij, & antiqui moris, ac eorum, quæ populo placent, doce te esse amatorem, & imitatorem.

11. Non properè damna, sed lentè, & saepius dolens. Propiùs libenter damnat, qui citò. Immò pœnam infliges malis, non ex crudelitate & sævitia puniendi, sed ex æquitate discreta, corrigendo, non tollendo. Insigne senatūs consultum in gratiam damnatorum factum Romæ: *Ne decreta Patrum ante diem decimum in erarium deferreniur, quo Senatui libertas ad pœnitendum esset, & rigor interiectu temporis mitigaretur, idque vitæ spatium damnatis ut prorogaretur.* (Tacitus 3. Annal.) Hoc olim sanctè in ethnica Roma. Catholica nunc pietas, quid ni plus requirat? Ante dies quindecim in delinquentes ne decernatur, non inutilis mora est: decretaque, ut procrastinentur. Justa primo affectu, immò ab ratione, saepè nobis videntur, quæ posterior dies arguat; si iterum decimoque inquiras, hæc, illáve, falsa imposita, opinativa, repetita in trutinam vocando. Præ-

stat nocentium pœnam differre, quām (absit
præcipitanter) innocentem per errorem dam-
nare. In quem errorem ipse vix non impegi-
decernendo.

I 2. Nunquam servilis sententiæ author sis,
& fautor.

I 3. Qui orgere neglit, habere non vult.
Non incipiendō; sed perseverando res ha-
bentur. Eò propè collimat Tacitus: *Multa
ausis aliqua parte fortunam affore.*

I 4. Serā experientiâ compertum habeo:
eos, qui prudentiâ dictorum, & consilio va-
lent; raro utiles factis, & exsequendo; dum
satis habent ad rem bene gerendam aptè con-
suluisse. A multarum rerum consideratione
respectibus laborant. Neque periculum su-
munt agendi, aut, dum aliquid obstat factō,
agere dedignantur, quasi impugnare verita-
tem irati, cuiusdam, si dicere licet, *omnipo-*
tentiæ modo, totum habere volentes, non ur-
gendo, non instando. Aut denique sit occul-
to naturæ arcano, cùm aliis rectè consilendi,
aliis rectè agendi, urgendiisque modum dedit;
ne fors aliquis supra humana attollatur, sed
memor sit, humana necessariò aliquid ex im-
perfecto habere. Hos quidem censeo con-
sulendo utiles, verū ad exsequendum corda-
tiores alios, qui non verbis dictisque, sed ma-
gis loquuntur factis & rebus, adhibere oportet:
seu, ut vulgus ait, subcholeticos, astivos,
non respectivos, quibus si aliquid obsteret, non
ter-

terreri, sed impedita amovere, iterumque cor-
nari studeant; non cedere ipsi rebus, sed con-
cedi sibi debere rati. Et Apostolus eandem
urgendi necessitatem suggerit. Nec tentare
modò leviter, quod ex necessitate recti, ha-
bendum intendimus, sed instando animosè
(non tamen extra prudentiam) perseverare
docet. *In ista opportunitate, argue, increpa, obse-
cra, in omni patientia & DOCTRINA.* Au-
dacia, & activitas, tum constantia, sunt rectæ
executioni ferè parallelæ. Multi virtutem
incipiendi, tari admodum finiendi, aut persi-
ciendi habent.

15. Nemo fidenter rem gerere potest, qui
non se majorem credit eo, aut saltem parem,
cum quo res intercedit. Qui se inscriorem
habet: timidè aggreditur. Ideoque parùm
ad rem proficit, in tractatu privato, seu in pu-
blico, circa materias præsertim bellicas, togas-
tas, ac vel maximè in materia legationum, &
commissionum cum exteris,

16. Publicam semper utilitatem, & religio-
nem obtende. Ne publico usui, utilitatem
privatam anteponere videâre.

27. Etiam non vestitos, comiter alloqua-
ris, & responde; procul tamen à levitate, &
projecta facilitate.

18. Non velis videri jocularis, & dicax.

17. Imbecilliores ad tuam opem (sed ex
justo) confugientes, non desertos patiaris. Fi-
dam enim operam præstant. Vide tamen,

ne eo sub prætextu, flagitio pollutis, liberum apud te asylum permittas; & ex eo falsam protegendi potentiam præsumas, quæ tunc solum vera & gloria est, dum virtuti, non vitio patrocinatur.

20. Pro Divinis maximè, & bono zelo certabis.

21. Mutatus sententiam, dic utilitati publicæ te studere, non vulgi opinioni.

22. Non sapias ex ore tuo tantum, sed boni consilij, & dictorum, quod etiam ab alio provenit, sis amicus & fautor: quod est generosi animi, & virtuosæ mentis signum.

23. Qui super alienis prolati questiunculis ludunt, verborum deprehensoris curiosi, nec acquiescunt rectè dictis, semper aliquid requirendo; aut rem non intelligunt, aut sunt leviculi, aut maligni, aut contentiosi & garruli, aut genio præsumptuosi, aut suprà vulgi ingenium judicio valent, aut demum sunt lugillatores stupidi. Si igitur quietus animo esse cupis: fuge talium colloquia, & convictum. Dum enim non finiunt, sed irritant materias, exacerbant personas.

24. In adversis & desperatis, subsidium ab audacia pete.

25. Consanguinitas magnorum cedit in estimationem, ideo per te, aut tuos, eam quereres.

26. Non timeris secreta populi, item amicorum. Dandum aliquid libertati sentiendi, & agendi.

27. Fa-

27. Facta arguantur; dicta impunè sunt. Nevè convivalium fabularum disteria in crimine vocentur.

28. Parvi errores non dissimulandi: nam magnarum causa sunt. *A venialibus facile iter ad mortalia.*

29. Uno tempore multa ne suscpias agenda. Non enim perficies, & arguēris incepti.

30. Non cogita, quomodo effugias mala, sed quomodo stes fortis, & immotus contrā. Crescunt, si fugias; minuentur, dum subsistestis. Possibilius verò ea ferre, & contemnere, quam vitare.

31. Defectus aut vitia corporis, tum fortunæ, immò jacturas omnes prudenter tege. Nam lēta pariunt reputationem, tristia contemptum.

32. Monstra aliquo per virtutem facto tuam potentiam, immò & prudentiam, ut innotescas; vel si potentiam monstrare non potes, saltem impotentiam, defectusque occultare studebis, occasionses, quæ detegant, vitaturus; ut bonam opinionem retineas, veteri monito: *Quod non possumus, nolle videamur.*

33. Probatoria eorum sunt ingenia circa res privatim publicéque gerendas, qui, cùm omnia præstare non possint, media bona exsequuntur. Illi verò, licet aliàs optimi cives, minimè probantur, quibus si non successerint prima; media non arripiendo per immoder-

rationem animi deditantur, rebus, sibi que
ipsis irati. Fac tu potius, non quod optimum
velis; sed quod melius in defectu mediorum
possis, accommodando te ad tempus; mores,
occasiones prout se offerant, arripe, nam opti-
mas occasiones exspectando, non assequeris;
possibles vero omittes nihil præstaturus, &
pro otioso habendus. Musicorum artem imitari
præstat. Cum sublimes notas numerosè can-
tu assequi non possunt, octavâ aut quintâ uti-
que voce, vel tertiatâ imitantur tonum; mo-
dò ne à recto canentium choro & modulo de-
flectant, nevè concentum turbent. Judiciosi
ergò viri quæque oblata casu, flectere ad con-
silium nōrunt. Verū in consiliis capiendis
illud plerumque nos decipit, quia non quid pos-
sit, sed quid fieri debeat, aut necesse habemus,
facile eventurum credimus: & respicimus
consulendo, quod contrà est; nam potius quid
possit fieri, non quid debeat, prius cogitandum.

34. Alienā invidiā diffamare ipsi student,
qui detrahentium dicta recensent. Apagē
cum talibus præcautoribus amicis.

35. Quod tibi servit in estimationem, po-
tius per te fiat, quam ut alteri faciendum per-
mittas in Republica: uti facere pacem, na-
tiones componere, magnas legationes obire,
gravia responsa dare, & alia.

36. Imperaturus aliquid novum aut diffi-
cile factu, ab iis exequendum incipe, quibus
majorem tui observantiam inesse credis, at-
que

que metum; ne si ab audaculis primò & contumacioribus exequendum velis; atque illi primis imperatis per temeritatem resistant, etiam modestioribus pertinaciam reluctandi ingerant. Jam secus, quod à modestioribus incepum, ad se perveniente ordine (ut jam non novum) exsequuntur, etiam illis, qui fecerunt, in executionem instantibus; ne hi posteriores obsequio videantur.

37. Nulli te facias nimis sodalem. Gau-
debis minus, sed minus dolebis. Immò tur-
bam hominum (quoad salvâ gratiâ potes) vitabis; quia præsens, aut necessè imiteris alios, aut oderis: utrumque autem devitandum est, ne vel similis maliſias, quia multi sunt; nevè inimicus multis, quia tui diſſimi-
les sunt. Verùm hoc supra humana ascen-
dentiſ mentis, & est animi DEO se præparan-
tis.

38. Cùm omnia possimus, sola credamus licere nobis laudanda.

39. Diu secretus delibera; ne pudori sit, frustrà tentasse. Citò verò deliberatum fac; ne præveniaris.

40. Licet aliqui recti sint cives, & pro Re-
publica zelosi; plerumque pro impatienti-
tore, & immoderatione animi, curando aut exprobrando plus nocent Reipublicæ, quàm ut proficiant. Potius, opinione saltē, vi-
deantur sibi boni cives, quàm ut vitia expro-
brando concios errorum reddas, ut scienter

peccent, cùm assuefacti retrahi non possint; vel dum periculorum remedium ipsa pericula rentur; & periculosius putant in incepto, quàm in peracto deprehendi. Re&tè quidam in Catone, optimo aliàs cive moderationem desideravit; & Cicero de eodem: *Cato animo optimo utens, ac summa fide, nocet tamen interdum Republicae; dicit enim, tanquam in Platonis Politia, non tanquam in Romuli Curiâ sententiam.* Si igitur in ea Republica vivatur, quæ depravata sit; inutiliter ad quæque attendere scrupulosus velis nihil effecturus, quam ut inutili angore conficiaris, nullo fructu in publicum. Ab aliis, si potes, defletendum, alia ferenda, alia non videnda. Potius curabis, ut quoquo modo temperes mala & errores, quàm ut toto corpore te illis opponas, nunquam suffecturus. Noli igitur Catonisare, verùm sèpiùs remittes de rigore, immò & de potestatis majestate, dissimulationique studebis: quod non est infamare auctoritatem regendi, sed & prudentem, simûlque bonum parentem, & filios; non herum & subditos regendo cogitare.

41. Nascentis seditionis, tum audacix, Patientia & Modestia magis est irritamentum, quàm remedium: secùs dum adoleverit, cauta & mollia remedij locò magis succedunt.

42. Provide matûrè; ne populus rerum necessiarum, ac vel maximè annonæ penuria gravetur.

43. Pe-

43. Periculosos conatus, quos non potes
avertere agendo, potentia, imperio, manu,
vel solvere ratione; eludes comodissime
tempore, differendo, de die in diem trahen-
do, moras necundo, impedimenta studiosè
obtrudendo; ut interim impetus agendi quo-
quo modo sistatur, vis hebetetur, ardor des-
nat, qui nisi initio intenditur, alias minus po-
tentis. Non sis igitur aeger mora, spei impatiens,
periculi quam morae patientior: ingratum ba-
bens quod tutum, sed ex temeritate spern ca-
piens. Velut argutè quibusdam succensuit
Tacitus.

44. Sistacitus. Facias potius, quam lo-
quaris.

45. Sta semper verbo; ne fidem factorum
dictorumque in posterum amittas.

46. In componendis privatim publiceque
rebus, dum media non valent extrema profi-
ciunt; sed tamen non extra metas virtutis.

47. Initia officij seu Magistratū à magnis
rebus tractandis incipe, quo magnam exspe-
ctionem factorum facias, sed, quæ in te sunt
perficiendo; ne arguaris.

48. Viles plerumque, qui nimium, nec
cum gravitate civiles; Et viles, qui nimium
faciles.

49. Monstra te à nullo dependere.

50. Ludicris rebus, & leviusculis non oc-
cuperis; ne amittas autoritatem.

51. Interdum secedas, & secretus sis ; hoc enim parit exspectationem, quid pariat tuum secretum.

52. Cum nullo velis te, ut ajunt, indomesticare. *Nimia familiaritas parit contemptum.* Potius fac omnia, velut primum inchoaturus : ex eo gravitatem retinebis.

53. Non sis præcipitans, aut valde lentus agendo ; illud levitatis, hoc est ignavie.

54. Quod facis, fac semper exquisitissime. *Mages malè tentata nocent, quām nihil gesta.*

55. Non opineris, sed scias.

56. Magna incepta incipe à divino sacrificio ; benedictionem DEI, & in vulgus apparatus majorem inceptorum habiturus.

57. Non multa fac, sed magna & notabilia.

58. Tunc veram tibi inesse potentiam credes, si quæ à te ipso fulta erit, non ab alio.

59. Potentia tuetur autoritatem ; ideo quærenda in munita domo, & milite.

60. Potentia rectius beneficio ostentatur, quæ maleficio. Beneficia Regis manus, flagitium coloni unius præstare potest.

61. Virorum literatorum, & afflitorum, tam domi, quæ ab externo, per literas, aut quovis alio modo notitiam quære. Interdum modicis munusculis per occasionem eos devincies ; quatenus nomen tuum celebrent.

62. Non solum ad mores tuos advertas, sed etiam tuorum ; ut honesti sint, gravitatem

tem redoleant, non fastigi; immò per omnia modestiam.

63. Malè de te loquentes, immò pessimè tibi volentes, vinces humanitate, & affabilitate velut nescius traductionis potius, quām ut te omnino avertas.

64. Non in civitate, sed propè civitatem manebis; ut omnibus partim conveniendi tui necessitas sit; partim ut commodiùs honesto utaris secessu sine censore, dum velis.

65. Sine ostentatione monstra, quæ in laudem tibi serviant. Aptè observatum reliquit Historicus in illo Romanorum: *Mutianus*, quæ dixerat feceratque, arte quadam ostensor; quæ venustatem rebus non demunt, sed potius parant, si aptè accommodentur, familiariter fidenterque, sine ostentatione affectata, agentibus. Secus faciunt personæ theatrales & mutuatæ, quæ cùm rectum aliquid in præsens egerint, exiunt deinde scenam, citò ad naturam reddituræ. Ostentatio igitur modica pro tempore, si fortè vitium sit in *Ethicis*, non certè in *Politicis*; nam famæ parandæ & authoritati conducit, si cum venustate fiat. Postquam aliquis familiariter velut per incuriam ostentaverit, quod in sui laudem servit; deinde in jocos, & nonnullas ergà seipsum censuras arte declinet: nam recte modestiæ titulum affectando nimium per omnia, laudatique neglectini intermittendo,

majore damno occultamus, quod in aestimationem nostri servit cum non modica famæ parandæ jactura. Nec semper succedit (apud eos præsertim, quibus per exteriora viros metiri, & aestimare mos est, velut Samsonis olim in capitis capillo vires; his effusiore in barba authoritatem magnorum requirentibus) quod Julio Agricolæ apud Tacitum notabilis celebritate & frequentia occurrentium esset, vitato amicorum officio, noctu in urbem venit; cultu modicus, sermone facilis, uno aut altero clientum comitatus, adeò ut plerumque quibus magnos viros per ambitionem aestimare mos est, viso aspectoque illo quererent famam, pauci interpretarentur. Et Otho parandæ militari auræ ante signa pedestre, incomptus famaque dissimilis. Verum convenientissime hic ponatur, quod Gramondus (Histor. Gall. lib. 1.) ait. *Principi Suessonio à plerisque pro nævo data sui aestimatio. At levis hic nævus viro Principi; qui, si dotibus animi valet, cur diffiteatur naturæ donum?* Principibus conscientia virtutis propria nunquam vitio vertitur; quippe raro in res magnas via est, per sui despectum. Multum interest Principem inter & privatum; ille ad famam omnia dirigit. Quod virium buie, sæpe illi virtus; quod homini privato superbia, Principi magnanimitas est.

66. Legationis splendore paratur reputatio apud exterios: magis tamen legatio ponderatur à prudentia viri.

67. Im-

67. Impertinentes tuas actiones amputabis, ut seriis magis attendatur.

68. Novarum machinarum bellicarum, & aliarum structurarum adinventio parit estimationem.

69. Non congregiaris cum eo sapientius, quem majorem re credis; ne authoritas tua ex comparatione vilescat.

70. Academiarum fundationes, aut quod publico servit usui, servit estimationi.

71. Ecclesiae proceres tibi devinctos habete; nulla enim re potentiū capiuntur aut habentur homines, quam religione. Provocabis verò amicitiam jura & ordinem tuerendo, cum iis conversando, eleemosynam largiendo. Incepturus verò magnum aliquid in Republica, cura primò, Episcopum aliquem è potentioribus partium habeas fautorem.

72. Eos nonnunquam negligentius curari oportet, qui tuā curā subsistunt; seu sint filii, seu clientes: domestici, seu milites; dum enim ad tuam curam respiciunt, negligentes sibi redduntur, & amittunt industriam. Necessarium igitur majori ex parte, suae curae ut relinquantur, discantque sibi in parte provide-re, & acuant industriam; alienae curae non tantum se committentes, quin plūs à sua opera exspectent.

73. Nulla munera aut officia ignaro te distribuantur; ne alteri, sed tibi beneficium debeat.

74. Aliquis vir bonus nobis diligendus pro exemplari virtutis, & ante oculos habendus imitando.

75. Principi viro honestius puta offendisse, quam odisse; hoc mollis ac in seipsum sacerdantis animi; illud utique fortioris altiorisque mentis indicium; malle sibi ex alio, quam de se injuriam vindicare. Cave tamen vindictam.

76. Aut rem non tentare oportet, aut si tentas, omnibus viribus, quod instituisti, consernis perficere; nam bis ad eundem lapidem offendendi pericolosum, & contemptui obnoxium reddit, dum argueris impotentiae, & inconsiderate incepisti: nisi alias in cursu operis advertas, te non rectum opus cepisse; tunc vero desistere, utile & gliosum tibi putabis.

77. Excelsi animi est, nunquam in acerbitates verborum deflectere. Factis se vindicabit vir fortis pro virtute, non verbis.

78. Ad retinendam autoritatem valet, si habeas penes te viros aestimatos, doctrina & rerum gerendarum dexteritate valentes, & qui in vulgo grati.

79. Nihil impossibile pete, aut impera. Neque impossibilis, (exequendo) legis auctor sis, cum impossibilitas factum excludat. Posse non satisfieri legi docet, ut primum lex, dein author legis contemnatur. Falluntur ideo, qui parvis delictis maximas pœnas statuunt, aut prohibent fieri, quod difficillime

vitari, aut jubent, quod impossibile fieri potest; nisi in exsequenda lege in tantum sint cum rigore scrupulosi puniendo, atque in ferenda lege suere urgendo: nam si unius poenam intermisericordia, reliqui intermitti sperabunt, aut pro multitudine delinquentium & consensu immunitatem obtinebunt. Possibilita. lia ideò & tolerabilia petenda, veranda, jubenda, omni in tractatu, œconomico, bellico, togato. Facilior consensus in obsequium, penes possibilitem.

80. Nemo perfectam habere potest autoritatem in Republica, nisi qui togata simul & bellica consilia probè tractat, in curia & in castris, suarum partium aliquos habiturus; ab altero urgendo, & modicè territando potens: quarum duarum rerum maximus in Republica respectus, etiam si aliquis non terreat. Verum; quia pro potentia potest, vim necessitatis suadendo audienti adferit.

81. *Ingenia universalia, rara gentes, rara patiunt secula.* Rari ideò sunt, quos suscipiat orbis; aut si sunt: pro magnis habet. Nam multum in gentibus possunt; uti habuit Alcibiadem & alios Græcia; Scipionem, Pompejum, Julium Cæsarem Roma; jam aetate posteriori Hispania Magnum Consalvum; Polonia Joannem Tarnouskium & Ioannem Zamoyskium, itidem magnos, vel certè, si togâ bellique facta penderes, verè Consalvo maiores (sed prout nostra septentrionalia,

ab oculis altioris Europæ, etiam à scientiarum
admiratione remota, præsertim cùm nostros
scriptores, pro negligentia aut pro modestia,
talia orbi propalare ad posteritatis admiratio-
nem piget) dicendo facundos, simûlque agen-
do promptos & potentes, privatim bonos fa-
cilitatum œconomos, togâ & sago per omnia
rerum momenta (*incipiendo & finiendo*) ex-
peditos, nec levi ex respectu de sententia mo-
biles, publica privatis anteponentes, suorum
æque, ac aliorum rectè consularum non super-
bos sectatores, amicitias parare scientes, domi
& foris in omni apparatu & convictu magni-
ficos, sententiâ in toga graves, simul præteri-
ta, instantia, futura, consilio pensantes, fortes
in bello Duees, acquirendo & retinendo, aut
cunctando vincere, aut dum ex re oportuit,
committere prælia promptos, per statarias pu-
gnas, velitationes, campo & expugnandis ex
arte urbibus expeditos, ad commoda ex ho-
stium erroribus capienda vigilantes, militaris
disciplinæ severos exactores; externorum so-
cietas parare gnaros, gravitatem in omni
actione servare scientes, & simul (ut ait ille)
comitate & a loquacis officiis provocantes, patriæ
morum & institutorum tenaces. Quod ve-
rò summum & maximum: actione non insol-
lentes, sed cives pacatos, non aspernantes
æqualitatis, justos, pios, zelosos Divinorum
cultores, simul & propugnatores, denūm
(*Velle jidicam verbis*) viros in tantum lau-
dan-

dandos, in quantum virtus intelligi potest, qui in vita sua nisi laudandum aut fecerunt, aut dixerunt, aut senserunt. Quisquis alias te magnum venditas, si tibi unicum horum deest, extra universale ingenium, & extra magnorum famam positus, aliqua in parte virtutis politicæ poteris esse perfectus; sed non universim agendo: magnus unius partis in virtute, non omnium.

82. Nonnulla sunt ingenia, quæ non nisi in magnis negotiis se explicare possunt, & potenter agunt. In parvis, dum contemnunt, vel angustos limites agendi habent, velut victa, & nihil valentia impingunt, implicantur; ut sœpè, cum magna fecerint alias, in parvis arguantur. Nam æmulantur naturam magnorum navigiorum, quæ super altum mare triumphant, & fluctus contemnunt; in portu, aut in lacunis, velut nihil profura, hærent, ut à parvis etiam Myoparonibus præternavigantibus illudantur, illudendi ipsi, nisi essent in parvo, alias agere impotentes. Immò communiter fit, ut parva negotia magnis ingenii plus difficultatis adferant, confundendo verius sua parvitatem, quam ut supra vires sint: dum sunt similia tensis ferarum retibus, quæ tigrides, leonésque capiunt, non quia ligant, sed quia implicant, & molliter involvunt, impediendo verius, quam vinciendo. Addam adhuc: Judieiosos viros brevi-loquio plerumque, & modestiâ gaudere, ut

audaculis, sciolisque, dum in consulendo, multa loquacitate obstrepunt affectati, & suffurata apud vulgus, Principemque autoritate substruuntur, cedere quodammodo, velut inferiores aut insciij videantur. Nam sunt decernendo, seu afferendo, vel censendo, quam disquirenda aptiores, & pondus rei pensant, non sonum, ratiocinationum superfluum sunt nauseatores, nec in mediis dubiorum hæcere amant, cum recti judicij indulgentia, sine flexuosis, finuosisque indaginibus, scopum ipsum rerum promptè, probèque vident; vel ut clarius dicam: magis positivo, & prædico, quam scholastico, aut speculativo sensu, abundantes.

83. Nec illa ingenia omittenda, quæ tūm nisi potenter, zelosè, aut secùs levi passu rem aggrediuntur, & agunt, prout irritantur vel non, aut prout privatus respectus illis adest. Alia tentant modò leviter, dein negligunt, dum evenit, velut ursis, quibus nisi exagitatis, maxima vis adest. Exinde sic agere, non est ex virtute, sed magis pro impetu, pro aspectu, & pro animi passione; prout in nobis hæc, aut illa irritatur, & invalescit. Talia ingenia commodissimè maligna vocaveris, aut privatipeta, aut passionata, aut communiore titulo, affectata.

84. Misce: ut partim quæras amicitiam, partim tua quæratur; ut acquirere eam, non emendicare, aut profusa submissione, vel cu-

rā emereari videāre. Ingrediaris potius, non
irruas in amicitiam affectatē.

85. Si tibi amicus aut cliens in uno non satisfecit, aut ad palatum non accessit, potius similes occasiones vita, non verò statim per omnia desere, aut abjice. In rem enim aliam poterit esse utilis. Nam perfectæ virtutis hominem, quo in orbe quæras, aut invenias? Ad rem meam Divus scriptor: *Non indignabundus feras aliorum defectus, quia & tu multa habes, quæ ab aliis oportet tolerari. Si non potes talem te facere, qualem vis, quomodo poteris alium habere ad tuum beneplacitum?* Libenter habemus alios perfectos, & tamen proprios non emendamus defectus. Volumus quod alij strictè corrigantur, ipsi tamen corrigi nolumus. Displicet larga aliorum licentia, nobis tamen nolumus negari, quod perimus. Alios restringi per statuta volumus, & ipsi nullatenus patimur cohiberi. Omnia potius omnibus parces, tibi nihil.

86. Neminem lauda, aut vitupera absensem. Pejora enim illi de te narrabuntur. Immò non fac in præsentia. Laudatum enim superbum reddes, vituperatum, aut reprehensem, per rigorem amittes amicum; cùm te censorem magis agnoscer, quàm familiarem.

87. Sed tamen vituperatum defende magis, quàm ut affentiaris; de se quisque exspectaturus, quod facit de alio in præsentia.

88. Alloquendo , quarendo , consilium petendo latus sis, nec quasi sedulus ; ne omnia tribuisse amico videare, & contemnaris, quasi nihil per te valiturus. Potius quandoque in tempus sepone, non tamen diu neglige in premium amicitiae.

89. Reprehendendum amicum privatim admone honeste ; sapienter, quasi nescius dissimula, pro amicitiae libertate.

90. Partim locum superiorem da, partim tibi cape. Pare te teneas, non inferiorem, aut supra.

91. Jocos vita, qui levitatem pariunt : sed tamen affabilitate fovet amicitia. Falluntur, qui sub nomine affabilitatis, licentiosis dictiis, *æquivocationibus morosis*, cum verborum affectatis argutiis, facetorum, jucundorumque famam parare sibi cupiunt. Potius scurrarum, cavillatorumque titulum merentur, deumque offendunt. Utendum erit jocis, sed qui non perpetui sint, verum per incuriam velut attracti, condimenta sermonis & obsonia, non perpetuus ad nauseam pastus ; ne vice solatij, fastidium pariant, præsertim dum in jocando, aliqua pars odio digna habetur. Jocus sit sine scommate, sine alterius damno, sine dolore, sine levitate, secus non jocus erit, verum exacerbatio contentioque studiosa.

92. Si offensus sis, reprehende, aut parum re averte. Post objice sponte occasionem ami-

amicitiæ , & facilitatem , aut per alium insinua ; ne difficultate reconciliandi avertas amicum , & amicitiam suffoces .

93. Familiaribus , aut intimis alicujus , per te , aut tuos innotesce . Da bona verba caram de eo , quem amicum credis .

94. Juva omnimode afflictum amicum , ut bene illi tecum esse videatur .

95. Plures amicos quare . Doce te plures habere posse , dum velis . Neque tibi satis sit , uni alligari .

96. Cura : ut majus pretium in amicis sit tuae amicitiae , quam in te amici : & monstra , dum potes , juvando , consulendo , plus illi tecum interesse , quam tibi cum illo .

97. Non admitte superbam censuram amici , ne superiorem agnoscas . Etiam ipse noli censurare . Nimius rigor suffocat : libertas sentiendi , faciendique foveat amicitiam .

98. Potius apertum inimicum malis , quam dissimulanter amicum : ab eo providere potes , ab hoc vix caveas ; sed hoc inter pares . Verè dictum : *Arma aperta patam vites , frangit & dolus occulta , eoque inevitabilia .* Malis tamen utique alteri esse dissimulanter amicus , quam aperte hostis . Specie amicitiae multis superior esse potes , & injurias illatas , honesto praetextu , atque occasione coercere , sed intrametas virtutis . Aperta hostilitas similem ab adverso provocat , plerumque studio præveniendi periculosum .

99. Cave; ne in quenquam conferas beneficium, quod cum alterius injuria coniunctum. Non enim taliter mereberis de illius amicitia, quam hujus provocabis in te odium.

100. Nunquam (quoad tutè & prudenter poteris) contemptum tui donabis, etiam amicissimo. Statim responde. Vanum ea in parte *discretionis nomen*. Levior jactura amicitiae, quam existimationis: illa amissa reparatur, haec nunquam. Sed tamen fac, modice reprehendendo injuriam illatam, non vero acerbius vindicando.

101 Non vero ad quamlibet injuriam amici emovere aris, quæ per inanimadvententiam illata. Eo casu illatam quasi non intelligere debes. Scio quidem moderationem istam animi non omnibus esse probatam, qui præser-tim putant, nullam injuriam sine sensu transmittendam, metu; ne si veterem *injuriam feras, invites novam*. Verum tales, cum reddere formidabiles se cupiunt, hoc simul efficiunt, ut nemo cum illis habere commercium velit. Cum enim labi prona gens, mortales simus, & subinde affectu, seu incogitantiâ abripiamur; quisque metu offendæ istos odij tam properos, tenacesque fugiet, seu bestias fero-ces, solitudini relinquens suæ. Sed tamen injurias per petulantiam, insultandoque factas, exemplò cum fiunt, coercendas puto; non ultioris studio, sed castigando: ut in posse-rum modestius in te, & in alios se gerant, neque

que in te ipsum postea eò facilius peccetur;
quasi ex facili omnia toleraturum.

102. Nunquam amico, aut inimico (quod loco magni consilij habe) aliquid de te acerbius dictum, factumque exprobra; sed quasi nescias.'

103. In evitandis mutuis injuriis, aut retorquendis acerbitatibus imitè prudentes digladiatores: qui concurrendo, non semper oppositu armorum adversum ictum retundere opus habent; sed aptè corpus suum in partem declinando, aut humiliando, aut contrahendo, vulneri subtrahunt, & vitant; ut illud suæ fortitudini, sic hoc non de decori, sed arti tribuendo. Tu quoque haud prudenter facies, si cuique acerbitali autoritatem opponere, & in periculum dare velis. Potius te ab injuria recipienda declinabis, aut receptam velut nesciens, aut cedendo fortunæ, medius inter dissimulanten humiliter feres, condonando fragilitati, aut antiquæ amicitiæ, aut inanimadventientiæ, aut temporis, aut occasio- ni, immò tibi; ne dum retundere vis, nec tam possis, eò majus vilipendium in posterum patiaris. Nonnullorum verò sociorum est natura, quos velut duros silices molli subjecto pulvillo comminus, & in rem, prout velis, aptes, duriusque exceptos haud contundas: sic illos facilius nonnunquam humanitate, quam oppositu austerae gravitatis devincias; prout alterutrum succedit, in rem dextre ac-

commodatus. Aptissimè in rem sparsina
Seneca. Aut poterior te, aut impotentior
læsit? si imbecillior? parce illi; si potentior?
tibi. Prudentiori cedamus, stultiori remittamus.
Amicus est? fecit, quod non voluit; inimicus?
fecit, quod debuit. Multos absoluimus,
si cœperimus ante judicare, quām ira-
sci. Nonnulli seipso volentes inquietant, dum
interpretatione quedam eò perducunt, ut vi-
deantur esse injuriæ, cùm non sint. Immò
quosdam, dum vana conceitaverint, irascendo
perseverant, & causas offensarum sponte à lon-
gè petunt, immò imponunt, ne videantur cœ-
pisse sine causa. Multæ nos injuriæ transeunt,
ex quibus plerasque non accepit, qui nescit.
Non vis esse iracundus? non sis curiosus.

104. Meliorem scias esse surreptorem ad-
ministrum, modò prudentem, dextrumque
agendo; quām inertem, licet aliàs fidelem.
Potiora ut auferat, ruborem utique ille ha-
bet; hic totum pessumdat per inertiam. Rem
certam dico ab experientia.

105. Præniis retinetur amicitia. Verūm
præmia bis sunt dulcia: dum promittuntur, &
cùm dantur. Promitte tu priùs, poste à in-
terjecto tempore dare poteris. Bene ait ille:
*Diu desiderata dulcius obtinentur; ciid
data vilescunt.*

106. Pueris, fæminisve questus; viris
actio convenit, aut saltem dissimulatio.

107. Prout ingenium nostrum in hanc, aut illam, recti pravique partem naturaliter inclinat; haec, aut illa exempla, tum consilia promptius sequimur, aut fugimus. Ut lupum auribus tenere, tum aquæ characteres imprimi contendas: sic quosdam in hoc, illudque inducere contra genium naturalem frustra emitteris. Flectuntur in tempus, sed non transferuntur, nec franguntur: dum velut in scena, mutuatam pro tempore personam diu sustinere non possunt, citò ad naturam reddituri. Hinc illud: vulpem pilum mutare, non mores. Consilia magnanimitatis generosæque mentis conatus si meticolosis suggestas; promptius illi, dum timent, exempla dissimulationis in speciem cautorum, & modestiæ amplectuntur. Parcis, tenacibusque munificientiam, utiles erogationes, splendidos pro authoritate apparatus, svadere frustra studes: sed rationes turpis parsimoniae sub velamine inutilis prodigalitatis, & decoctionis bonorum, promptius illi sequuntur. Deinde trucibus ingenii clementiam, humanioraque quid proponis frustra? cum illi in severitatem nimiam, importunumque rigorem, sub imagine justitiae, & correctionis malorum, proniores, Lenta, cautique dein temerariis suggestes parvo effectu: dum in argumentum audacie, constantisque animi incantè, præcipitanter, inconsideratè periculis se committunt, male cœptis persistunt, errant, non provident. Av-

ris, quæstuoisque ingeniosis, recti, honestisque legem, ut ad famam præcipua rerum dirigant, non persuadebis: cùm sub velo civilis accepti, licitorum, tūm necessitatis in illi citos quæstus devolvuntur; cùm decipiunt ipsis, non deceptos se tunc ajunt, astutiam ad injuriam virtutis prudentiam agendi, & cautionem vocantes. Demùm prout natura hominum in hanc, illamque virtutem, aut vitia prior est; facilius, aut secus difficulter, inducimur, & suademur. Vide notationes meas Politicas punto XII.

108. Circumspæcti, cautique viri per omnia magnis rebus gerendis valent: nam lenita, & provida summæ rei proficiunt. Verum negotiis minoribus aptiores, qui nimia consideratione non laborant; quæ sèpiùs obest. Aliqua enim impetu, & sorte promptius habentur; nec, si hoc, illudve curiosè circumspicias, quod in rem est, assequere. Dubitatio de eventu ex nimia consideratione plurimque animum involvere amat opinione periculi, & diffidere facit. Illud modò considerandum; ne quod intendis, contra rationem sit, contra famam recti, & contra conscientiam.

109. Dandæ consolationis, tūm compendorum animorum non melior ratio, quam fatéri justum patientis, sive animi, aut fortunæ, sive corporis dolorem: dein adhibere dextræ lenimenta; ex casu humanaorum, &

in-

instabilitate fortunæ, quæ eodem passu vadere nescit, esse causas doloris; nec deesse remedium, tūm solatiū. Animi dolorem interpretatione quandoque majorem reddi, corporis morbos, tūm fortunæ casus augeri longa imaginatione, aut nonnunquam sola opinione, certum est. Verū ad melius consilium, præsertim verò ad *Divina*, & nostri justam pro demerito pœnam sèpè revocandus animus. Qui secùs componendis acerbitatibus, aut doloribus remedium putant; negare justam causam doloris, falluntur: nam sic rectè pugnant in affe&atum patientis, velut mollitiei, aut judicij eum arguendo. Nec ideo sanant morbum, verū contraveniendo in majus irritant animum. Potius ingenuè fatendum, *justam doloris, tūm offendere subesse causam*; sed modum habendum. Atque sic est rectè condoluisse, simûlque probum se amicum profiteri velle, dum eadem lance dolores; qua ille ipse, qui dolet, nec leviter, contemptusque, pensans. Concedemus nonnihil ægritudini animi, & præconceptæ opinioni, ut juvissi infirmitatem dolentis compatiendo, non impugnâste studiosè, inimicò condemnare, *dum non pro dolentis parte loquimur*, videamur. Laudo peritiam, aut argutiam medici cuiusdam Poloni. Cùm in ægrum nobilem incidisset diutino capitis dolore agitatum, cōque insana imaginatione proiectum, ut sonum campanæ, dein campanam in cerebro sibi

enatam obfirmatus animo asseveraret : ne-
gantibus possibilitatem morbi aliis medico-
rum, & ægrum insanæ arguentibus, corporis
simul, & animi dolorem auxerunt. Verum
ille argutior, reliquis abire jussis, velut me-
dendi inertiam exprobraturus, indignabun-
dus novitati morbi longa oratione condoluit,
promptitudinem curandi simul offerens. In-
terim æger, assentiri medico, prehensare sa-
luti patronum, simul fideliter animum, & cor-
pus superaddita pingui satis curationis merce-
de offerre curandum. Exinde medicus op-
nioni patientis nonnihil indulgens, compara-
tâ subtilissimo artificio modicâ nolâ, vomito-
rias potiones ordinavit ; tûm vomentis ca-
put, in speciem conipatientis, sustentans in sup-
positam pelvim, nolam manu aptissimè occul-
tam cum sonitu cadere fecit, vomitu velut è
cerebro provocatam : ut imaginationis inso-
lentiam simul, & morbum à novæ artis com-
mento demeret ægrotanti. Sæpè dolemus, aut
offendimur ; quia offendi nos putamus.

110 In omni actione dubia malis in eam
partem peccare, quæ utique corribilis,
quam quæ corrigi neutiquam potest : aut sal-
tem in eam, quæ minus damni, dubique ha-
bet. Vetus dictum : *Inter duo mala minus
eligendum.*

111. Quæ non potes conservare, aut asse-
qui licitis artibus contentionis, litigij, fortio-
ris manus ; illa interpositis dextrè amicis, &
agen-

agendi authoritate adipisci conaberis, & mediationis, ac securæ, honestæque pacis artibus; deinde protractione, dissimulatione, meliore occasione, & morâ res sensim emolliendo perficies in melius: vel saltem adlaborabis, ut in majus nocendi tibi media, & potestatem alteri parti quoquomodo prior auferas, audax, cautus, & prudens. Artibus pacis, rem dum aggrederis, semper habes in potestate: ad artes rixarum, bellique pro commoditate, dum velis, recurras. Secùs in contentionis campum dum temerè te dederis, extra potestatem jam erit, sed nisi pro arbitrio fortunæ, pax, & quies, ut statuatur: æris profusio, periculaque, ut vitentur. Per omnia igitur prima sit tibi artium mediationis, quoad supersunt, pacis, id est, cura: rixa, partiumque collisio semper sint ultima, & ex summa necessitate. *Velut in militaribus meis, quæ propè diem fero, artes pacis, bellique fusiūs dabuntur.*

PARS QUARTA POLITICO-MORALIUM.

I.

Nunquam proba vires; & armorum exercitia etiam lacestitus non exerce. Videlaris tamen exercitatus, ad retinendam opinionem scitæ dexteritatis.

2. Non verbo contendere, aut disputare; sed, quod sentis, sine affectu narrare.

E 7

3. Cum

3. Cum iis non contendere, neque move si-
tem, quibus potentiam impar es.

4. Ciceronis precepto amicitiae, que non
placent, assuenda magis, quam discindenda.
Quasi dictum velit, ut lentem seponas amici-
tiam, & ab illa dissuescas potius, quam ut con-
temptim abjicias. Illo enim modo saltem
cessabit amicitia, hoc verò parabitur inimici-
tia ex contemptu sui, per precipitem aversionem.
Non statim igitur mutabis stylum ami-
citiae, ut solùm familiaritates sint sepositae, non
inimicitiae susceptae.

5. Si vera alicui loqueris ; dic neque te
pro conscientia dicere aliter, neque illum ali-
ter facere posse. Obtende péricula, nifiat:
malle te veritate, cum salute amici, displice-
re, quam placere assentatione cum periculo.
Libertatem interim sequendi (velit, nolite) propone.

6. Non statim petitis, aut intercessioni ami-
ci annue, etiam assensurus Deliberaturum
te ait; ne ille sibi totum te vendicet, & facil-
itate amittas autoritatem, aut dependentiam,
ut ajunt, agnoscas. Gratius item venit bene-
ficium à deliberante, quasi non à levitate pro-
fectum, sed à ratione.

7. Non unum amicum in consilium voca,
sed plures; ne uni tribuisse, & te credidisse
totum, quo superbum reddas, videare, Ali-
quando studio prateri.

8. Talia loquere coram amico, & cliente,
quæ divulgata pudorem, aut metum non in-
currant. Verè ait ille: *Ita amicum habeas,*
ut fieri inimicum putas.

9. Nunquam totalem tui fiduciam habeas,
sed verearis potius. In secunda fortuna ami-
cos parabis, eos in adversis pro subsidio habi-
turus.

10. Nunquam te aliter amico unicredes, ut
partem securitatis aliunde tibi non relinques.

11. Multis ex similitudine morum est ami-
citia; sed hanc circa honesta quæres.

12. Adversarij, aut hostis, diversa sunt no-
mina. *Adversarius* vitio nostro nobis adver-
satur; *hostis* suo. Ut adversarium vites, te
corrige; ut hostem amoveas, illum corrigi
oportet.

13. Pileo, & comitate multi parantur ami-
ci, & facilitate aditus. *Vili minor, qui pileo,*
& familiari verbo emitur. Mauritiū Auriaci
Principis dictum.

14. Facetiis abstine; quæ ubi multum ex
vero traxerint, acrem sui memoriam apud ami-
cum relinquunt. Sed tamen in sermone ni-
miū intensa verborum severitas, aut triste
supercilium vitandum, quod locò gravitatis,
nomen morositatis, aut superbiæ parit; nisi ci-
vili, honestaque comitate utaris.

15. Non omnium quandoque rerum scien-
tem te simula; agendo, otioso simillimus.

16. An-

16. Antequam aliquid promittas, cogita
impedimenta, quæ occurtere possint: an
difficile sit præstatu? an sine tui alteriusve fa-
stido fiat? ne post pœniteat promissi.

17. Non sis properans in delectu amico-
rum, nec statim, ac affectus dicit, intimum
pectus aperi. Luciferis cum affectu volenti.
Vide priùs; an virtuosus, an constans, an ta-
citurnus sit? an tuus, non tuæ fortunæ amicus?
Sunt quidam simulatae virtutis, quæ omni ma-
litia deterior, facie, non animo boni, habitu
& ore (Taciti utar verbis) ad exprimendam
imaginem honesti, exerciti. Cæterum animo
perfidiosi, & subdoli, avaritiam, & libidinem
occultantes, politicè, & ingeniosè nequam:
qui eò prodigaliūs amicitiam obligant, quò ma-
gès violant. Quærunt amicitiam, sed quam
ad suum commodum referant, quæ alias inter
bonos reciproca probatur; nihil debere se
aliis, sed ex superbia deberi sibi totum rati.
Colloquuntur familiariūs, sed venenatantur
exsugunt verborum. Conversantur, sed nisi
reprehendendū quid videant, cùm totum
damnare non possint, nævum studiosè quæ-
runt, aut per malitiam adstruunt; bonorum
fatorum cæci, aut obliviousimi, & detrahen-
di tantum memores: nunquam minus amici,
quam cùm amicitiam ostentant: sub specie
amicitiae quemque facile invadentes, & qui-
bus ipse, si resurgat, exemplar bonæ virtutis
Caro, non se tuto credat. Quidni tales fu-
gias?

gias? aut saltem probes prius, nisi sapient vena melle uncta; ut minore damno feras titulum solitarij, melancholici, vel, si familiaritatem vites, fastuosi, quam ut familiare, & intimum pectus aperire velis, procul tamen nota vitantis.

18. Aliorum exemplo metiaris amicum; si alteri sidus erat, si non decepit, si aliorum famam rete coram tractat: propè est, ut idem tecum sit.

19. Parum melancholici in amicitiam diligendi. Modica melancholia proprius constantiam est; effusa lætitia propè levitatem. Sed plerumque falso nomine melancholiani vincipamus, dum potius gravitas morum vocanda: aut sit licet illa, prudentibus tamen viris per honestas actiones pellere illam in potestate semper est; præsertim dum adhibentur in amœnitatem convictus. Amici & faceti convictu clientes, verba & sermocinationes in materia gravi seu circa privata, convivæ, musica, latrunculorum & chartarum lusus, histriones scenici, deambulatio nemorum, & hortorum, vectatio, balnea, navigatio, ve- natio, equitatio, hastiludia, jaculationes arcuum, & scloporum, tormentorum ad metam collimatio, res œconomica, architectura palatiorum, & fortalitorum, tum modicus secessus causà pietatis, vel prætextu expediendorum negotiorum publicorum, in quam rem serviant domorum abdita triclinia, & recessus,

de-

demum lectio librorum, præsertim verò históriæ, si ad Geographicas tabulas reducatur, tūm Geometria practica distrahunt otiosum tempus, nec leviter recreant animum. Insuper, idque maximum, temporis justa divisio (in singula negotia tam seria, quam quæ ad amicenitatem convictūs) fallit diem, & melan-choliā pellit.

20. Qui necessitate ad amicitiam tuam compulsi, ab aliis repulsi, aut à te commoda sperant; illi haud durabiles in amicitia. Vide ergo, ut sponte amici siant, non ab alio respectu. Sed tamē occasio nobis sèpè parat amicos.

21. Pares tibi in moribus quæres amicos, si sapis. Ex dissimilitudine morum non solum disjungitur amicitia, sed nova paratur of-fensa. Quî cum amico convenias; si tu me-lancholicus, ille hilaris: tu domesticus vel so-litarius, aut effectatâ gravitate stoicus, ille li-beralior publicam lucem amans: tu de libris, ille de equo, arcu, bello loquens: dum vere-tur quisque, ne multa ingrata, tristia, minús-que popularia, aut necesse ferenda in te, aut imitanda sint? Igitur penitiūs, & sine compla-centia naturam revolve priùs. Verè definit amicitiam ille: *ut sit mutua, ac benevolia, ani-morum sibi similiūm in bono consensio.* Ra-tos exinde videas in orbe veros amicos, licet multos habeant ad convictum sodales.

22. Si in familiaritatem incurvant honi-
nes audaculi , verbo, & joco impetuosi , ac
prope importunitatem ; ferè eandem faciem
indue, jocum joco solve (media tamen cuni
gravitate) & acceptam acerbitatem dissimu-
la, vitaturus posthac congressum : verū
procul à nota vitantis. Nulla enim re magis
in levitatem incurres: quām à talium familia-
ritate sociorum.

23. Si in Magistratu tibi posito morosi , aut
importuni allocutores occurrant querulando,
petendo, multa garriendo ; utique non acer-
bè loquentes excipies , sed modestè morosi-
tatem eludendo respondebis: rem esse tan-
ti momenti , quæ in aliud tempus differatur
commodiùs audienda, nostri partem interim
cæteris quoque audiendis deberi. Absit ve-
rò, ut aliquem effusis pollicitationibus trahas,
vel ludifices : modestè potius comitérque ex-
cusabis non facturus, quām ut mentiaris , eò
plùs odii, & levitatis postea paratus, quò ma-
gis placere voluisti inanum pollicitator ; un-
de simul impotentiam tuam prodes, dum præ-
stare promissa non poteris.

24. Graviores sæpè succrescent offendæ
post reconciliationem, si dissimulanter recon-
ciliaberis. Præstat quandoque amicitiam in
tempus differre, ut interim oannis materia of-
fensarum amooveatur.

25. Importuna excusatio , est accusatio
sui, vel alterius opportunitissima.

26. Nec

26. Nec intimo amicorum; immò neque uxori, secreta Reipublicæ revelanda.

27. Sint tibi certi dies, quibus cum domesticis clientibus liberiūs colloquaris. Nec asperneris quandoque hilariorem *media cum gravitate* convictum: nam illa tristis sui heri, perpetuāque observantia, alienat per modica domesticorum affectus, ut leviūs quandoque ducant non munerari, quām negligenterius præteriti; præsertim illi generosioris mentis, quos tenaciūs per humanitatem habeas, quām profusa liberalitate, in cætero superbus, pares. Non clientum modò, verūm & sanguine junctorum bonos ergà te parabis affectus, & arte quadam humanitatis retinēbis; médius tamen inter elatam gravitatem, intérque, ad obsonij raritatem, familiaritatem effusam: nam secùs, te oderint. Acerrima sunt proximorum odia, maximèque *inimici hominis, domestici ejus.* Math. Cap. X.

28. Mordaces alicujus, vel populi, sermones, non magnā vehementiā, sed ingeniosè refutare, vel potiūs per jocum, aut tacendo eludere debes.

29. Commissurus aliquid tractandum alicui; causam non refer, verūm seriò injunge, & posce operam; vel si refers rationem, non tuum privatum commodum sapiat, sed publicum, ac proindè exsequentis; quò libentiūs commissum exsequatur,

eorum, qui ad tuam opem, & liberalitatem respiciunt, quām qui beneficiis jam à te onerati. Ideo quocunque aggredieris opus, & socios perficiendae rei quāres; fac eos aliquid utilitatis exinde sperare.

31. Non semper secretus sis; sed aliquando popularis parandis amicis, sine quibus nihil præstatur. Non habeas verò amicos, qui non quāris, quāruntur, non quārunt. Immò quārunt popularem.

32. Mordebis neminem ore, calamo, vultu. Accusabis neminem, sed potius modicè laudabis quemque pro merito virtutis. Non sis velut ille apud Tacit. Optimum quemque iurgio lacefens, & respondenti reticens, ut pavidia ingenia solent.

33. Ea occulta vis linguae, & verbis inest, ut seu amando, seu offendendo, plūs in animis hominum posse verba, quām facta, re ipsa experiāre. Ideoque gravius maledictis, quām malefactis exacerbamur; & difficilius contumeliam perferimus, quām damnum. Maledicta dolorem, maledicta contemptum nostri ingerunt, qui altius ferit, quām dolor: nam in animum intimum pugnat, & in mentem; ille in corpus tantum, aut quod est circa. Tūm è converso, gratiora sunt generosis pectoribus bene dicta, quām bene data, ut ferē inter omnes aetiones, si amicos parare cupis, in verba prius, quām in facta; & linguae magis,

quām

quām manuum operationi (nam lingua altius,
quām gladius ferit) intentus esse debeas; seu
quid acerbi, seu quid grati auribus, & animis
hominum efferas; quæ est honesta ad capien-
dos hominum animos fallacia. Recte ait
quidam: lingua, modica pars corporis, navium
gubernaculo similis, in cuius parvulo motu
totius navigij regimen, immo salus, & interitus
vertitur. Minore utique impensa obveniet,
multa bene dixisse, quām multa dedisse. Ve-
rū si utrumque recte adhibeas, pluribus felix
eris amicis. Adde: acerbè facta vim inferunt,
atque ideo terrent simul offendendo, ut necessè
metum cujusdam venerationis, seu respectum
sui incutiant: acerbè dicta, dum inermiter
exacerbant verius, quām offendunt, odium,
non terrorem movent; ac proinde inermis
iræ contemptum, tūm indignationem apud au-
dientem pariunt, cum audacia majore in ul-
tionem. Sic Germanos olim terrebant Ro-
manorum arma, & officij admonebant simul.
Postquām verò sub Quintilio Varo, ab armis
ad inermem verborum conflictum, & litigio-
sa ventum jurgia, quasi ad reliquam injuriam
id summum adjiceretur; implacabiles ideo
facti, nec æstimatis amplius legionibus Roma-
nis, eas oppressere. Ait Florus lib. IV. Ger-
mani postquam tristes togas, & saeviora armis
jura viderunt; duce Arminio arma corri-
piunt, &c. Unius causarum patroni os futum,
recisa prius lingua, quam in manu tenens Bar-
ba.

barnus: tandem, inquit, *vipera*, *sibilare* desine.
 Ferdinando Arragonio Regi Neapolitano non
 majus argumentum fuit Neapolim recuperan-
 di, quām cūm accedente ad urbem victore
 Carolo VII. Galliæ Rege, publice valedictu-
 rus Neapolitanis, Gallorum partes aperte se-
 cutis, suavissima eos oratione allocutus est;
 ut ejus sermonis, ob idque æquioris animi me-
 moriā, postea desiderium in Neapolitanis ex-
 citaretur Ferdinandi revocandi Gallo relicto,
 à cuius Præfectis inhumanius tractabantur
 (*Franciscus Guicciardinus Histor.* lib. 1.)
 Sic præstat etiam erga nos mali affectis, quos
 punire, aut cohibere non potes, bona verba
 dare penes moderationem animi, quām pro-
 impetu asperius tractatos in majus exacerba-
 re, nullo in rem tuam commodo. Præterea
 in sermonibus non semper, ut Didaci Savedræ
 ad plenam loci doctrinam per diversa casuum,
 monitum includam, formulis alloquiorum or-
 ñariis, & generalibus responfis utendum;
 hæc enim cūm dantur omnibus, satisfaciunt ne-
 mini. Nec parvum afflit mærentem animum,
 si responderi sibi videat, quod nōrat jam ante,
 quodve prius etiam, quām proferretur, ad sup-
 plicis aures pervenerat. Nec semper audiat
 Princeps. Roget interdum: nam qui non sci-
 scitur, de re plenè cognoscere non potest. In-
 quirendum igitur, ut status causæ penitiū per-
 spiciatur. Justè succensitum olim Vitellio,
 qui brevi auditu quāmtis magna transibat,
 impar curis gravioribus,

34. Non minus prudentis est viri; scire quid dicat, quam quid taceat. Sæpe, importunè prolatò verbo, multa benè incepta in adversum ivere; præsertim si efficeratur, quod suam partem ab aliqua conjectura prodere, adversam verò præcavere, aut temeritatem provocare possit. Rectè *Aemilius Probus*: opportunè tacere non minoris est prudentiae, quam disserere loqui. Eorum præsertim, qui alto honoris gradu subsistunt, sunt *alata verba*. Amant facile in vulgus deferri; ut præstet opportuna quandoque tacere, quam obliquas *Cortesaneorum* interpretationes experiri.

35. Titulos inusitatos sperne: oblatos modicè excusa; nam sunt propè invidiam.

36. Indicaturus lites, nihil profer præter decretum; ne affectus pro altera parte collegi possit, quod erit extra invidiam. *Exuit personam judicis, quis quis amici induit.*

37. Si aliquid detrahunt tibi homines, erige potius animum, sciens æmulam magnorum esse invidiam; immò meliorem esse utique acerbum invidiam omni amica commiseratione. Sed vide, ut intra metas virtutis hæc habeas.

38. Contemne linguarum, calamorumque vulnera; & yinces. Nullum illa laedunt, nisi volentem. Verum is contemptus ex animi generositate, & conscientia propriæ virtutis, non ab ignaviâ proveniat; velut de Neronе Suetonius. Nihileum patientius, quam maledicta, & contumelias hominum tulisse: vel

scire
npor-
n ad.
quod
dere,
statem
robus:
ntiae,
o, qui
verba,
et op-
liquis
. .
olatos
n.
ræter
collis-
Exuit
s, eri-
orunt
acer-
tione,
beas.
rūm-
dunt,
x ani-
virtu-
e Ne-
quām
: vel
com-

contemptu omnis infamia, vel ne satendo do-
lorem, irritaret in pejus ingenia. Sic ferè in-
corrribiles dum sumus, objecta flagitia non
pudoris, sed joci locò habemus. Unicum
nonnullorum studium malè agere, dein factum
excusare. Impius cùm in profundum vene-
rit, contemnit. Lætanit, cùm male fecerint,
& exultant in rebus pessimis. Proverb.

39. Cedendum aliquando furori populi,
quàm obſtendum. Tacendo multa diluu-
tur.

40. Vide; ne alium statum, quàm popu-
lus tenet, & amat, spirare videāre. Ideoque
commodis populi studere te monstra; juvan-
do loquentes, in adversis compatiendo.

41. Etiam aliquando infra genus tuum te
abjice; nec mensam populi fuge & convi-
ctum. De Augusto Tacitus. Populare credi-
dit immisceri voluptatibus vulgi.

42. Liberalem te præbe. Rebus non po-
tes? nemo verbis pauper est. Nemo tristis
āte recedat: nulli tristem faciem, & rugo-
sam frontem monstra, etiam ex justo negatu-
rus.

43. Avaritia, & parcitas egregiè factis,
ac proinde bonæ famæ, obstant. Non ami-
citas civium parabis, non clientes habebis,
non servitium publicum pace, aut bello pro-
bè tractabis, quin aliquid erogare necessè
habeas: quod parcè erogantibus, quò gra-
vius sit, cò remotius à bona fama absunt; im-

mō re ipsa malam habent. Ferē eō collimat
dictum : *Qui parce seminat, parce & metet.*
Liberalitatis igitur in convictu, & *munificen-*
tia erga clientes, tūm amicos nomen, modō
tamē extra prodigalitatis naturam, egregius
quisque vir sibi patet honestē erogando ; in
argumentum obtainendi amoris primum, dein
habendā authoritatis inter cives. Sed libe-
ralitatē dum exercemus, ex rivo hauriamus
oportet, non ut fontem ipsum exsiccemus.
Qui per ramos carpunt arborem, & fructum,
sequenti ēstate renatos iterum colligunt ; qui
secūs ad radicē securim admovent, ipsam,
fructūmque nusquam redditum perdunt : sic
erogationes honestæ, proportionatæ, plané-
que inexhaustæ sint, quæ ex proventu, non
quæ ex alienatione fundorum, tūm originalis
boni, solā perdendi curā, apparantur, nam
aliās citō desinunt. Is igitur impensis dītū suf-
ficit, qui *ex ramo, dicere si licet, non ex trun-*
co vivere studet. Quæri exinde potest ; quæ-
re fiat, ut avari parentis successores plerūni-
que prodigales fiant : ut fuit Caligula post
Tiberium, Antonius Caracalla post Severum
Imperatorem, & alij passim ? Ratio in prom-
ptu. Dum paratam inveniunt gazam, & opu-
lentiam, ex aliena opera, per totum habent ;
ingenerari necesse est ex dudum præparato
nullam sui, & suorum in præsens curam(nam),
quæ non peperit sibi, quisque minus amat ;
cūm proprius labor magis pensetur, alienus

uti gratuitus, leviūs habeatur) sed potius ex remissione curarum corruptelam: ut sit primum malus usus gazze parentum, dein luxuria, tunc insolentia, exinde aliorum contemptus, postmodum veniat, modò sine vulnere egestas.

44. Audacissimum quemque è plebe beneficiis vince, tibique obstringe; dum senseris, quibus capiatur. Virtuosos tamen, & modestos in amicitia interiori p̄p̄ones. Hidum pro virtute agunt, rectum semper, constanter, & sincerè faciunt: illi s̄ sp̄ius insolescunt, & molestiam in amicitia faceant; nec debere se, sed deberi sibi totum volunt. Devincies tamen tibi illos, non ut profint, sed ne noceant. Immò prodesse poterunt pro tempore, si rectè utaris. Argutè in rem Vellejus Lib. II. Histor. Brutum amicum habere malleos, inimicum magis timeres Cassium: in altero major vis, in altero virtus.

45. Ab asperioribus verbis cave: verūm mollioribus utere, etiam non laudaturus, etiam reprehensurus.

46. Negatio mollibus vestita verbis, gravior est tristi, morosaque largitione.

47. Potius odia lenitate, humanitate ad mista vincuntur, quām mutui odij pertinaciā.

48. Iterata beneficia fortius stringunt: velut repetita vincula fortius innectunt. Ideò frequentia potius, quām magna confer; quod diutius dando sufficias. Nam verè homines

beneficiis passim utuntur, ceu floribus: tam diu gratis, quam diu recentibus. Marcescit eorum memoria, nisi sapientius dando renoveretur. Sapere verò dare non sufficies, si magna simul dederis. Deinde scias oportet, carorem esse cuique modicam recompensam pro virtute, & merito, magisque deberi gratiam exinde datori; quam quodvis magnum donum in obvios petitores effusum. Hoc enim accipiendi modo, non ad virtutem nostram, sed ad fortunam, liberalitatemque conferentis, honos refertur; illo priori utrumque simul pensatur, & munus, & quod majus est munere, virtutis nostræ estimatio: cuius esse quisque sibi conscient, & ab aliis pensari quam maximum cupit, vel secundus improbari graviter indolet. Immò, illo priori modo sapientius inconsiderata largitio, ne dicam effusa prodigandi facilitas, est mollis animi partus: hoc verò posteriore dantis prudentia, vera liberalitas, & meritorum illecebra vocatur.

49. Haud firmam amicitiam, aut diuturnam parati crede, quam dando retines; ni adhibeas cum reverentia tui autoritatem. Verè ait ille: *Qui magnitudine munerum, non morum constantiam amicos sibi parat; meretur magis, quam habet.* Cùm enim satis accepint, quantum opus habent, aut benefaciendo deficias exhaustus, vel saltem nisi avaræ expectationi magnitudine dandi sufficias; rejicient te, nec amplius curabunt. Fundamen-

mentum ergò parandæ , & retinendæ amici-
tiæ penè virtutem , & autoritatem morum
cum reverentia tui pones : beneficia verò , &
comitatem habebis velut pro condimento te-
naciùs retinendæ . Peccavit in eo Julius Cæ-
sar , cùm omnia potentibus amicis ex facili
concederet , quæ aliquando prudenter recusa-
ri poterant : unde plures amici eum conse-
runt , quàm inimici , quorum non expleverat
spes insatiabiles . Tanta enim nounnullorum
amicorum importunitas , ut quamvis multùm
acceperint ; injuriæ tamen locò habeant ,
plùs accipere potuisse , dum facilitate obtinen-
di assuescunt esse petaces . Idem in Galba re-
prehendit Tacitus , *Histor. I* Hiantes in ma-
gna fortuna amicorum cupiditates ipsa Galba
facilitas intendebat , cùm apud infirmum &
credulum minore metu , & majore præmio pe-
carentur . Ignis , ambitio , tùm avaritia , nun-
quam dicunt satis . Plùs apposueris ? plùs
semper inflammantur . Cave ideo assuefa-
cias amicos importunis petitionibus à facili-
tate concedendi . Potius nonnunquam pe-
tentibus humaniter recusa : non quòd præ-
stare nolis , sed in aliam occasionem differen-
do ; ut dissuecant importunitati , assuecant
repulsa , ruborem petitionis habituri . Nec
aliter istos Petaces vitabis . Potius *instar ge-*
nerosorum eorum , amicis alendis , non sagi-
nandis studebis : obesi non tam expediti , ve-
rùm segnes ad tuum libitum ferendo labori .

50. Inde enascitur prudens monitum: ne amicos, tūm domesticos clientes, quorum operā indiges, spe p̄mij in factum provokes, aut facere aliquid assuefacias. Potius negotium propone, & operam amicē require; ut pro necessitate officij factum aggreditur, exsoluturi de sua virtute exspectationem. Si verò aliqd daturus es; non in recompensam offer, sed ex beneplacito, adiectā post p̄stitum opus morā: quod enim in recompensam datum est, non obligat in futurum accipientem; sed solvit debito recompensandantem.

51. Non tantū de amicis & clientibus dictum esto, sed de stipendiariis militibus: ne prudens Dux assuefaciat milites recompensare. Potius officia militaris virtutis, & obsequij requirat, pœnam propositurus non facturis, quām p̄mium alacribus; quod offerendum tamen, sed ex insperato.

52. Qui rem bene habere vult, rei persicendæ sit diligens curator, & potius in negotio, quām post negotium malè facti operis severus exactor; cūm tamen res malè facta manet, nec revocari potest, prodeit quidem correctione in posterum, sed in præsens damnum habetur. Eò propè collimat Tacitus dum ait: *Prestat officiis, seu negotiis, non peccatores perficere, quām punire, cūm magna fecerint.* Prout certè rem non aliter probè assequēris, quām si aptos negotiis p̄ficias; non qui su-

pe-

periores, nevè qui sunt inferiores, sed qui officio proportionati, & velut è condicto pares. Illi primi officium commissum infra capacitem, dignitatēmque sui habebunt, illūdque negligent: nec offerenti gratiam debebunt, sed potius offendentur judicio parvi munera, velut contemptos se, ægrē ferentes. Inferiores, dum non sufficient muneri, rem agendam pessumadabunt; ut judicij arguaris, qui imparibus agenda contulisti, volens tui ipsius deceptor. Velut si Myoparoni piscatorio classis navarchum præficias; aut obvio remigi prægrandem quadritremem curandam si committas: hic per inertiam regendi eam perdet; ille munera vilitatem contemnet, infra dignitatem habiturus. Vel perinde supervacaneum fiet, ac si magno pedi parvum calceum inducere contendas; vel secùs toga virili vestire infantem, onerandum potius, quam ut ornetur, velis; in hoc turpi excessu, in eo peccatus defectu. Oportet igitur secundum genium cujusque, prout in artem agendi hanc, aut illam naturā inclinat, munera cuique committantur: non verò è contrario, togata viris bellicis, Provincialia maritimis, ludicra seriis, & gravibus, juridica, & forensia naturalibus. amœna tristibus, turbulentia pacatis, laboriosa delicatulis, obedire nisi & subesse aliis commodè scientibus, intricata non expeditis & hæsitantibus. Religiosa politieis regenda: deinde, repetitò dico, parva ingenii magnis,

magna parvis. Satis prudens in eo Tiberius, de quo Tacitus, VI. Annal. Poppaeus Sabinus à Tiberio maximis provinciis impositus, nullam ob eximiam artem, sed quod par negotiis, neque supra erat.

53. Quæ ratio non potest, sèpè tempus sanat. Noli anxius esse; verùm tempus in consilium voea, nonnulla difficiliora temporis, aut potius DEO sananda permisurus. Sic ille apud Historicum: *Consilium, cui impar erat, fato permisit.* Non tamen fac desperabundus. Sapè meliori fortunæ, locum fecit adversa.

54. Non qui res, sed magis qui tempora disponere scit, vel uti úmque; rem habet. Rectè autem disponit, qui bene dividit. Ego & tempus, contra duos Caroli V. Cæsaris dictum Solus scit agere qui tempore non necit uti.

55. Cave morosos, qui momenta rerum trahunt in offensam sui. Non aliud lucri extatuum convictu reportabis, nisi cum indignatione acerbitatem; dum sunt similes stomacho nauseabundo, qui etiam suavia male accipit, & fastidit.

56. Minores virtutes affectum vulgi movent ad amorem: excelsa virtus, non nisi magnorum moveret intellectum, ad pensandum, & estimationem. Hæc erga superiores necessariò usurpanda: sed cum minoribus, non nisi minorum virtutum usus; cùm enim hi altas

capere non possint, stupent verius eas, quam
amant. Prout igitur cum magnis, aut mino-
ribus res tibi; sic virtutem, utique omnium
haud neglector, hanc, aut illam studiosius ad-
hibebis, si sapis. *Vide Notationes meas Politi-
cas puncto XII.*

57. Semper cautus sis, & haud fide.

58. Cave inimicos laudantes: Nam quod
incautiū decipiāt, palam laudant.

59. Tuum secretum sit clausum, & nisi uni
alicui, aut tibi soli apertum. Sed cavendum,
ne silente lingua vultus, oculi, ac cæteri ge-
stus loquantur, ut quod maximè latere vis, in
lucem protrahatur.

60. Dicto vulgari; malum benè positum,
ne moveas; ne fiat pejus.

61. Affectus inimicos bonæ rationi qui
non regit; regitur. Neque te ira, néque ni-
mius amor ducat; sed mediocritate laboran-
dum, nisi velis errare. Qui minus ex affectu
habet, plūs habet ex ratione.

62. Qui amat nimis quietem, & secessum,
qui breviloquentiā gaudet ad usque affabilita-
tis, comitatisque defectum, qui Stoicum, &
grave supercilium gerit, morosus dictorum, fa-
ctorumque in alios censor, qui parcè erogare
cupid, qui facile dicto offenditur, nec scit, sal-
va tamen gravitate, & virtute, dissimulare mul-
ta; ille paucos amicos sibi parat, nec multū
in populo potest. Impossibile est, cùm ne-
mini te amicum dederis, dari tibi aliquem

Vellet; aut si vis habere, necessè remittendum aliquid ex rigore: quod virtuti non contrariabitur, sed eam adornabit. Sæpè virtutis legem falso putamus, cùm potius vivendi moralitas est.

63. Cauti, aut nimis quieti, dum esse non nulli volunt, otiosi sunt, quia aggrediendo tentur difficultibus, vel quia non ex voto res cadunt, vel quia sibi, quæ rectè fecisse conscijs sunt, à malevolis succenseri, indignè ferunt, vel quia sunt agendo nimis scrupulosi nec planè resoluti, & leves offensas metuunt: quod mollis, & ignavi verius, quàm quietem appetentis animi signum est. Fateor, nihil agentium facta non improbari. Non errant, dum nihil agunt otiosi, velut apud Tacitum Hordeonius Flaccus. Non compescere ruentes, non retinere dubios, non cohortari bonos ausus, sed pavidus, segnis, otiosus, & socordia innocentis; & Galba magis extra vitia, quàm cum virtutibus; in quo cum segnitia esset, sapientia vocabatur. Tales non habent inimicos, sed nec amicos quoque, dum negliguntur. Errare vero, cum nobis succenseri, aut offendit; uti hoc alienæ malignitatis, non autem nostri vitij: sic illud prorsus humanum est; cùm non qui minimè errat, sed qui promptè erratum corrigit, & à causa intra virtutem assurgit, prudens sit. Hominis actio; dum hominis est, aliena prorsus ab errore esse non potest. Divina errore vacua, tamen à malitiosis male intelli-

gun-

guntur. Modò illud in homine laudatur, dum non confundi, sed promptè se recollige. re intra magnanimitatem sui potest animus. Falluntur ideo, qui ab usu & tractatu rerum levibus terrentur: ut rectè succensuerit illis Justus Lipsius, Epist. 39. Cent. 2. Contemni à te humana gaudeo, que me quidem autbore pe- dibus etiam tere, sed ita, ut contemptus iste ab alto quodam animo sit. non qui ipsum se con- temnat. Hoc modestiam, aut sapientiam cen- ses, jacere? nihil agere? ad nullum vitæ genus collimare? ignavia est: magnorum etiam sa- pè ingeniorum pestis. Subit enim, ut ille in- quirit, inertiae ipsius quædam dulcedo, & invisa primò desidia postremò amat.

64. Pro ultimò in gratiam cujúsque pru- dentis, & virtuosi civis, adjiciendum putavi; ut si ad recta præcepta vitam, morésque com- ponat, & in altum agendarum rerum pro vir- tute contendat; fore, ut incurrat in mali- gnantium linguarum censuras, invidorum odia experturus, quæ plerūmque virtutem ex- ercere amant. Ne igitur acerbitate vir pru- dens confundatur; sed potiùs in partem me- lioris fortunæ trahat, certum argumentum magnitudinis habiturus, invideri sibi, quām ut invideat: modò rectæ virtutis conscientius sit. Continua observatione compertum: non posse magnorum catalogo inferri, nisi qui priùs asperam invidiæ viam decurrat. Cùm eam calcaverit, dum verè fortunæ altioris

EXC 102 105

gradus substrui sibi ab occulto fato speret. Non certe sermonum aerbitas invehitur in vilem colonum, qui sola ignobilitate, & inertiam securus, quem per omnia sors infima semotum ab hominum fama, & tutum ab invidia facit. Non invadit humilia tuguriola; verum altas petit domos, aut potius eos exercet viros, qui extra abjectorum fordes positi in conspicuo praeclaram agunt vitam. Verè dicitur: *enim magnorum esse invidiam.* Vel ut altius noster Tacitus: *Sinistra erga eminentes interpretatio: nec minus periculi ex bona fama, quam ex mala.* Si penitus introspicere licet intimum invidorum pectus; quidni videatur intus crudeliter laniatum, animus exesus, mens curis decocta; ut cum loquuntur, aut de te sibi vindicant, potius de seipsis graviores poenas sumant; non in te verbo, sed in se continuam magnitudinis tuae meditatione servituri. Illum tua generositas vexat, hunc in rebus gerendis gravitas arguit, aut morum pulchre composita venustas confundit, jani incipiendorum, & agendorum prudentia in contrarium nitenti emulationi obluctatur. Plerumque vero maligna fama in magnos, & officiis degentes surit, quos nobilitas, opes, honestos, aut aliqua insignis claritudo, rumoribus objicit. Quem ergo miserum, & infra genua sua abjectum, nec supra pro virtute assurgentem, videre mallent; superbum, & oblique virtutis clamant: non quasi tu vere sis, sed quia

quia illi animo ægri, nequam, malitiosi, majoris virtutis impatiens; ut eò ipso inferiores se agnoscant, dum invident. Ad rem meam sacer scriptor *invidiam, portatitem infernum vocavit:* ut quem invidum dixeris vivum potius martyrem voces, & in horas morientem; nihilque pejus in pœnam optes, quā in rectum facias, quod inimicus invidet. *Utinam invidi ubique oculos haberent, ut omnium felicitate torquerentur!* Torquent sanè qui que invidus, cùm alterius felicitas sui animi tyrannus est. Quod alterius fortunæ, gloriæ accessit, sibi demptum putat. Aliorum divitiæ, sua paupertas; aliorum affluentia, sua macies, sua famæ. Cùm magni esse non possint, nec cæteros malunt: in se nequam, in cæteros haud boni. Ergo ne conqueratur de invidis vir prudens. Gaudeat potius, nisi malit vocari miser: nec se altum stantem magis arbitretur, quād dum hoc malo jacet. Invidiæ similes meteorum ignibus fatuis, qui sicut sequentem fugiunt, fugientem sequuntur: sic illæ, nisi non continent, nec conscient propriæ virtutis. nocent. Gaudeat, inquam, magnum sibi inesse, quod invidorum oculos fodiat, mentem decoquat, animum compungat; sibi in triumphum, æmulo in confusionem. Senecæ super hæc verbis usurpus: *Male de me loquantur; faciunt, non quod mereor, sed quod solent.* *Male loquuntur?* bene nesciunt laqui:

Non judicio faciunt, verum morbo; non de
 me loquuntur, sed de se. Moverer, si de me
 Marcus Cato, si Lælius, si duo Scipiones loque-
 rentur; nunc malis displicere, laudari est. Non
 potest ullam autoritatē habere sententia, ubi,
 qui damnandus est, ipse damnat. Quibusdam
 canibus sic innatum est, ut non pro feritate, sed
 pro consuetudine larrent. Dicam ultra. Ma-
 lè de me loquuntur, sed ipsi otiosi alienos la-
 bores ē convivio securē prospectantes & quo pu-
 blica quies alius laborantibus molliter habet.
 Vel, quod alibi dixi, sēpē tibi repete: deside-
 rari ad majorem perfectionem virtutis, adver-
 sarium modestē tulisse, ac alia rectē fecisse.
 Non igitur bonum eum judica, quemcunque
 aliorum dictis, factisque obloquentem audie-
 ris. Vidēsne aquas per se sapidas, & dulces,
 qualem terram præterfluant, puram, amaram,
 sulfuream, salsam, lutulentam, ejus saporem
 purum, aut secūs amarum, sulfureum, salsum,
 lutulentum, & malè olentem sapere? Sic ju-
 dicia nonnullorū de rebus bona sunt, aut ma-
 la, prout animus, unde feruntur. Habent bo-
 næ apes, unde suum mel ab acri urtica deco-
 quant; araneis etiam rosa sui veneni materia:
 non quia rosa mala, sed quia nisi venenum
 querit aranea. Non igitur, quod sēpius sug-
 gero, conqueraris, non ferrum in ultionē po-
 sce, non exitium tibi obloquentibus meditère,
 si vir bonus es; quām ut eo stimulo in altum
 virtutis eritatis, plūs quām satis honestissimæ,
 &

& triumphalis vindictæ (si ea vindicta vocanda) dum tibi invidetur , habiturus . Unde , quod maximum in humanis , virtute superabis invidiam , quæ non nisi bonæ virtutis constan- tiâ superatur , vi nunquam , sed ut potius inci- tetur . Sed cùm omnia feceris , non semper eandem virtus in orbe habet æstimationem : in aliis eadem laudatur , in aliquibus non item . Ergonè hodie non sint viri , virtute , judicio , morum gravitate , agendique peritiâ Manliis , Scipionibus , Fabiis , cæteri que Romanorum , & Græcorum magnis nominibus pares ? Sunt omnino . Verum seculi vitium , non virtutis defectus , ut non videantur ; cùm in ea tem- pora non inciderint , quibus totum virtuti con- cedatur sine invidia , & locus , & æstimatio , & præmia , & agendi occasio : verùm potius illa hominum malignitate compressa jaceat , la- teatve . Quid enim inter malitiosos possis ? Si corrigas ? dum sunt mali passim , facile of- fendis multos , ideoque indignantur . Si age- re velis ? invident , nec ideo juvant ; immò studiosè faciendum præpediunt , tenebras vir- tuti aliorum inducere amantes ; ne compa- ratione ipsi prodantur , aut vilescant . Prisca ætas ingenua erat circa rectam simplicitatem , equum habens virtutis intuitum ; dum plures essent recti , quàm in devia vitiorum abeuntes . Neque ideo superbia obstitit , quò minus du- etuni consiliorum meliorum sequerentur . Fa- cilè exinde se erigebat virtus in majus ; cùm seu

seū ageres, pensaretur: seu adjutoribus & instrumentis agendi opus haberes, præstò adfert inter bonos rectum volentes, aut quod velis, facere scientes. Facilius erat Scipioni vigente militari virtute Romana magnum Ducem pro Romanis agere, Annibalem vincere, Carthaginisque deprimere fastum, & Africani nomen pro se mereri; cùm tot haberet in exercitu scientes ordinum ductores, bello iussorum apta exequendo instrumenta, quām si aliàs posterioribus sèculis labente disciplina, inter rudes cohortium administrös armis agendum aliquid venisset. Porcio Catoni censoriam exercere erat promptius, & reducere ad normam recti omnia in urbe, in qua nondum per omnia adoleverat flagitium, & agendi licentia: quām ejus pronepoti Catoni Uticensi, cùm ejus ætate prævaleret licentia, & ex opibus immensis fastus, tūm insolentium turba cresceret. Nullibi igitur minūs possunt recta ingenia, quām si inter eos venerint, qui scioli, præsumptuosi, & insolentes, tūm rudes, tūm imperiti, tūm pertinaces. Exinde causa proxima est: in populari Republica concordiam vigere non posse, dum quisque præsumit audaculus, sciolusve; nec alium sequi vult, aut primatum concedit meliori: verū sibi asserit insolenter, rem in diversa trahens. Fœcunditatem ingeniorum non nulli tunc vocant, cùm potius agendi insolentia invalescat. Ad concordiam verò necesse omni-

omnino, ut uni, duobusque concedatur, qui ex
 virtute praeant rectum acturi, ceteri sine i-
 pulo, & murmure sequantur; immo juvent
 confidenter uniti, nec distrahant rem abeu-
 tes in diversa. Dumi enim singuli praetere
 volunt, universi confunduntur. Sed haec obiter.
 Quantum vero ad famam, & estimationem
 Principum virtutis, evenit illis, velut quidam
 recte annotavit: Tame si unus aliquis Prin-
 ceps iisdem bonis artibus Rem publicam modera-
 tur, quam alius gloriosissime eam moderatus est:
 aque tamen acceptus fuerus non sit, nec parens
 habiturus laudem; nisi subditorum utriusque
 quoque naturas aquae probas esse contigerit. Ad-
 adam amplius. Nihil magis vulgus, quam or-
 dinem odit; mavultque malos dominos, mo-
 do sine ordine, & in licentia, quam bonos ex-
 periri, modò sint extra ordinem, ad normam
 que legis & virtutis, tum per omnia modestiae
 ne componantur. Exinde secus malis Do-
 minis in subditos ars sola illecebrarum est per
 obliqua; ut cum aliquorum fortunas emun-
 gant, in alios pro insolentia scaviant, univer-
 sorum libertatem per diversa aggrediantur;
 verbo tamen familiares sint, & suaviloquio la-
 borent, arte variâ lenociniorum fucum actio-
 ni inducere amantes: praesertim dum priva-
 ta vita, mutuas inter se insolentias, & scanda-
 la populo condonant; immo studiosè conni-
 vent in speciem licentiosæ libertatis, dum cui-
 que malum esse, & insolescere in alium, im-
 pu-

pune licet. Sic versutolorum, aut quoquo modo obliquorum amicitia inescantur magis aliqui, quam eorum, qui ad virtutis, legisque normam se recte componunt: dum illis prioritibus libertas speciosa, & amoenitas convictus inest; hi pro virtute, & modestia, tristiorum regulam vivendi, & morum quandam rigorem inducunt. Aestimantur proinde quidem, sed non amantur. Sic illecebræ mundi, quæ temporalia viris spiritualibus vocantur, plures sectatores habent; quia laetiora sunt aspectu, & ab exteriori sensu pensantur, licet exitu posthæc tristia; quam solidior virtus, cuius pretium & aestimatio altiori menti subjacet. Ex eodem fonte ad propositum ut redeam, boni domini, apud malos pejus audiunt, & non nisi amissos vulgus agnoscit, serisque dolet: econtra mali aestimantur, dum illis populi sunt assuefacti, moribus, epulis, venatu, facilitate, luxuriâ tunc exercitiis conformes. Sic Neronis vitia haud minus adamaverat populus, quam virtutes aliorum veneraretur; & in Vitellio, idem observavit Tacit. Audia populi, tunc exercitiis, raro cuiquam bonis artibus quaesita perinde affuere, quam huic per ignaviam. Quid mirum igitur, si ne Divina quidem vulgus probat? Moyses populum ex Aegypti servitute eductum, dum ordinatissime mollissimeque habet, dum manuæ de cœlo panibus, & delicata coturnice pascit, dum periculis insuper, in manu DEI potenti, promptissime ad-

est,

est, portans populum in sinu, sicut portare solet
 nivix infantulum; tamen murmuravit popu-
 lis contra Moysen, dicens: cur fecisti nos exi-
 re de Aegypto? utinam mortui essemus in ter-
 ra Aegypti! In mentem nobis veniunt cucu-
 meres, & pepones, & cepae, & alia. Causam rei
 scire placet & en cape. Moyses ad virtutis
 legem animos populi componebat; in Aegy-
 ptio in corpora serviebatur. Hominum vero
 proterviae, tristiorum esse modestiam virtutis,
 & correctivam legem, dum intimum animum
 petit, quam corporis exteriorem servitutem,
 clare patet. Aegyptus crassa carnium epula,
 & ignobiles delicias servilibus ingeniis obtru-
 debat; Moyses altiore escam suppeditabat,
 & asserebat, sed non sine regula, libertatem.
 Quorum non nisi ingenui, altiorisque mentis,
 homines sunt capaces; illa ingeniis absurdis
 & non intelligentibus, quæ sensu exteriore so-
 lùm res pensant, non placent. Præsentia
 minora dum intuentur, infascinati, futura ma-
 jora negligunt, simûlque obtrectant superiori-
 bus. Tamen universim, ut verum facias, in-
 vidia, sermones vulgi, & acerbior censura in-
 principes viros, aut quoquo modo estimatos,
 præsertim, qui admoneri per singulos ne-
 queunt, tum in quos nulla potestas est, non
 obest, sed necessaria plurimum est, idque
 communis boni causâ. Etsi enim immitid
 jactentur; prodest tamen, ne depraventur,
 qui boni sunt: immò ad altiora calcar habent,

velut præmoniti, dum intrò se. num verum sit, introspiciunt, & simul humanorum admōnentur. Sin vera est, in melius corrigit; vel saltem, ne pejores evadamus, acerbitate aut metu majoris ignominiae nos coēcet. Meritò constitutus est honor in opinione aliena; ut scilicet in metu simus: cūmque actiones nostræ ab aliorum dependeant iudicio, omnibus satisfacere studeamus. Etiam Libertatis in Republica signum est, obiectatio. In ea enim, quam tyrannis oppressam jam tenet, neutquam permittitur. Didac. Savedra Symb. XV.

65 Ultimum monitorum illud esse debuerat. Sed manu amoventi de tabula, enoccurrit dictum ore ab Ethnico, verè tamen Catholicopoliticum, tibi, alteri, mihique matrè sciendum. Qui notus nimirū vivit omnibus, ignotus moritur sibi. Vel quod rectius Divus scriptor. Qui vivit velut immemor DEI, moritur in fine tandem oblitus sui. Felix vivit, qui medios inter negotiosi seculi dies, & fortunæ blandimenta, furto sibi subducit horas: aut saltem extrema vitæ applicaturus DEO, explicat se sponte ab humanorum cūsis; rectius illas deserturus ipse, quām ut relinquatur invitus ab illis. Minimum est, quod restat vitæ seni decrepito. Barthol. Gramondus l. 2. Hist. Gall. Quique Reipublicæ & amicis planè inutilis est, annus unus & alter, quo vixitrum se sperat, mulūm aeternitati vallet. Momento paratur aeternitas felix aut in-

fortunata, qualem sibi quisque proeuerat. Non immerito Seneca illudit senibus humana nimis studiosè disponentibus, in multos velut annos vicitur. Nihil turpius est, quam senex vivere incipiens. Pulchrum imniò, dum vivimus senes; sed mortui mundo, viciunt tandem nobis, cum vivimus DEO.

A DEI nomine incepi hæc monita, in eodem finivi, qui mihi rerum Alpha & Omega; tuisque actionibus, utinam sit oportet; immo sit, necesse omnibus. Dum vero ad eum nostra plenè dirigentur; ut quid bonis opus, his aliorumque monitis? Secùs, quo magis à Divinorum cogitatione, & amore, quasi ab ultimario summoque bono recedimus, neque hæc, aut mille talia, satis ad cautionem, recte agendum sufficient in doctrinam. Etenim quo magis sumus erronei circa eligendum verum bonum: plus in passiones animi incurrimus: & variò illidimur, quam ut navari cautio possit. Turbamus inquieti alios; & turbamur vicissim ab illis. Scire enim, brevi compendiorem grandem te oportet.

Commotiones, seu Passiones animi oriri ex absentia, aut à praesentia boni, sive veri, sive opinativi. Per se autem verum, & perfectum bonum non est, nisi solus DEUS. Nam reliqua bona sunt ab hoc, vel propter hunc, id est, in hoc. Quæ autem extra hunc, sunt tantum non solida, finita, transitoria, aut opinativa, vel falsa bona: prout cujusque opinio

ex temporali sibi statuit, & ex appetitu falso. Immò, si penitiùs perpenderis, sunt verè ipsa mala. Ideoque post lapsum primi parentis, & post amissam originalem gratiam, velut possessionem DEI, id est, veri, summi, & ultimarij Boni, passiones animi non possunt non esse in homine; dum quiescere non potest, sed per hæc, aut illa vagatur, velut in via, querit, & invenit quodammodo; nec materialibus, (mentem enim habet immaterialē, animūmque) planè satiatur sed irritatur verius, dum est extra metam perfecti boni positus. Adipisci vero illud non potest, nisi pro sorte meritorum post emensam vitæ viam occupet in visione DFUM; qui uti infinitus est, solus vastam, & planè infinitam mentem hominis sufficientissimè implebit, & perfectissimè terminabit. Immò in hac vita, qui magis DEUM animitùs meditantur, minùs de illicitis animi passionibus habent; dum falsi, opinativi, nec proportionati hominis animo boni contemptores, & incurij, meditationem Divinitatis, quasi in possessionem veri Boni, maturè, & ante tempus incipiunt involare. Atque hinc est materia, & causa omnium Virtutum, nempe ex studio, qui est unicus finis humanæ voluntatis, & actionum, habendi veri, summi, & perfecti boni: econtra ex ejus absentia, tūm errore in eligendo, aut malitiosa inconstantia in querendo, est causa commotionum, & passionū animi; tūm ex non dominis passionibus causa, immò materia vitiorum.

D. O. M. A.

Quod
BONUM, FELIX, FAUSTUM,
FORTUNATUMQUE SIT

Huic Almae, ac Celeberrimae
UNIVERSITATI GRÆCENSI,
Senatui Philosophico, totique

Reipublicæ Christianæ.

Sub Amplissimo ac Admoxim Reverendo

P. SIGISMUNDO
PUSCH, è S. J.

AA. LL. & Phil. ac SS. Theol. Doctore,
Almae ac Celeberrimæ Universitatis
Græcensis Cancellario,

Anno à partu Virginis M. DCC. XXVII.

Mense Augusto, Die VI. Horâ VIII. Matuti-
nâ Actus Academicus Celebratus est.

In quo

Illusterrimi, Perillustres, Reverendi, Reli-
gioſi, Prænobiles, Nobiles, Eximii, & tam erug-
ditione, quam virtute conspicui DD.

AA. LL. & Philosophie

BACCALAUREI,

In Aula Academica Archiducalis Soc. JESU
Colleg. ad supremam Philos. Lauream con-
sequendam per Eundem Licentia donati;

DE INDE PROMOTORE

R. P. IGNATIO KAMPMILLER,
è Soc. JESU, AA. LL. & Phil. Doctore, ejus-
démque Professore Emerito, supremâ Doct.
Phil. Laureâ condecorati sunt.

NOMINA PROMOTORUM.

- Illusterrimus D. Franciscus Ferdinandus S. R. I. C. à Schrattenbach, Styrus Græcensis, *Defendet Universam.*
Rev. ac Rel. D. Theodoricus Kalchegger, Ord. S. Aug. Coll. Eccl ad D. Thomam in Vorau Can. Reg. *Defendit Universam.*
- D. Joannes Ernestus Stiffter, Nobilis Bohemus Prachaticensis, è Cæs. Ferdin. Alumnus, *Defendit Universam.*
- D. Georgius Sebastianus Spreng, Prænobilis Hung. Albæ. Reg. ex Archi. Duc. S. J. Conv. Coll. *Defendit Universam.*
- Rev. D. Joannes Bapt. Ivich, Civis Illyrianus Gallignanensis, Presbyter, *Defendit Universam.*
- D. Joannes Josephus Letshnig, Civis Carinthia Gueltenstein. è Cæs. Ferdin. Alumnus, *Defendit Universam.*
- Rev. D. Lucas Deuchich, Nobilis Dalmata Segnicensis, Presb. *Defendit Universam.*
- D. Mathias Petek, Civis Styrus Luetenbergensis, *Defendit Universam.*

D:

- D. Alexānder de Jaquier, Perillastris
Hungarus Essekinensis, ex Cæsar. Fer-
dinandæo, *Defendit Universam.*
3. D. Franciscus Xaverius Unruehe, Præ-
nobilis Austriacus Neostadiensis, *De-
fendit Universam.*
- D. Joannes Josephus Aschbacher, Civis
Tyrol. Achenthalensis è Cæs. Ferd.
Aluminus, *Defendit Universam.*
- D. Philippus Nerius Prugger, Nobilis Styrus
Kindbergensis, ex Archi-Duc. S. J. Conv.
Coll. *Defen. Univers.*
- D. Joannes Kren, Civis Styrus Kleinstöttenf.,
Defen. Univers.
- Rev. D. Joannes Mikez, Civis Styrus Saxen-
feldensis, ex Archi-Duc. S. J. Conv. Coll.
Aluminus Ernestiano. Gyriensis, *Def. Univ.*
- D. Michaël Josephus Corpitsch, Civis Ca-
rinthus Greinensis, ex Archi-Duc. S. J.
Conv. Coll.
- D. Joannes Bapt. Karrer, Civis Suevus Aur-
bacensis.
- D. Joannes Josephus Garzarolli, Prænob.
Carniolus Senosczenensis.
- D. Matthæus Leskovicz, Plebejus Carniolus
Hyper-Labacensis.
- D. Georgius Fridericus Niderpauer, Civis
Austriacus Viennensis.
- D. Georgius Gasser, Officialis Styrus Græc.
- D. Joannes Georgius Sigerist, Civis Suevus
Mengensis.
- R. D. Joannes Xaverius Langmayr, Prænob.
Styrus Græcensis. G D.

- D. Georgius Fez, Civis Egenfis è Sylva Bri-
gantina.
- R. D. Franciscus Xaverius Hettinger, Præno-
bilis Styrus Græcensis.
- Rev. D. Andreas Poli, Civis Styrus Fürsten-
feldensis.
- D. Tobias Salmbhoffer, Civis Styrus Frid-
bergensis.
- D. Joannes Michaël Pokornig, Officialis
Croata Creizenfis.
- * D. Valentinus Toffoleti, Civis Italus Gor-
tienfis.
- D. Cyprianus Wimberger, Civis Austriacus
Welsensis.
- D. Antonius Alteneder, Civis Styrus Wei-
zenfis.
- R. D. Franciscus Josephus Prigl, Civis Tyro-
lensis Epponenfis, Presbyter.
- Rev. D. Joannes Wasserpauer, Civis Styrus
Fischbachensis.
- R. D. Jacobus Rudolph, Civis Styrus Mure-
nensis.
- D. Josephus Adrinegg, Civis Styrus Weiten-
steinensis.
- D. Joannes Thomas Sorger, Civis Styrus
Trofejensis.
- D. Josephus Melchior, Civis Carinthus Ga-
mundensis.
- D. Joannes Pilgramb, Civis Carinthus Velt-
kirchenfis.
- D. Franciscus Ignatius Pauer, Officialis Sty-
rus Weyerensis.

D. Joann,

- Bri-
eno.
sten-
Frid-
ialis
Gori-
acus
Wei-
yro-
yruS
Mute
iten-
yruS
Ga-
Velt-
Sty.
Dara,
- D. Joannes Jacobus Raniger, Civis Aust. Pas-
saviensis.
D. Josephus Antonius Wolff, Nobilis Styrus
Auseensis.
R. D. Primus Plosnig, Civis Styrus Mahrn-
bergensis.
* D. Joannes Pichlmayr, Civis Styrus Græ-
censis.
D. Mathias Possinger, Civis Styrus Hochen-
eggenensis.
D. Elias Ignatius Trost, Civis Carniolus Vi-
pacensis.

Extra Ordinem.

- Rev. ac Rel. D. Alphonsus Tinn, Sacri &
Exempti Ord. Cist. Cel. & Antiquiss. Mo-
naст. B. V. M. de Runa Professus, SS.
Theologiæ in 2dum annum Aud.
Rev. ac Rel. D. Andreas Mändl, Sacri &
Exempti Ord. Cist. Cel. & Antiquiss. Mo-
naст. B. V. M. de Runa Professus, SS. Theo-
logiæ in 2dum annum Aud.
D. Joannes Georgius Kraskoviz, Civis Car-
niolus Labac. SS. Theologiæ in 2dum an-
num Aud.
R. D. Ignatius And. Gerdacovich, Liburnus
Flumin. SS. Theol. in 1.mum annum Aud.
R. D. Petrus Paulus Gowaz, Carniolus La-
bancensis, SS. Theologiæ in 1.mum annum
Aud.
R. D. Ignatius Vitus Franul, Nobilis de
Weissenthurn, Lib. Flum. SS. Th. in pri-
mum

mum annum Aud. ex Archi-Duc: S. J.
Conv. Coll.

R. D. Ferdinandus Leeb, Theologæ moralis
in 2dum annum auditor, Presbyter.

*Problemata in actu deci-
denda.*

- I. Utrum arima, an literæ
ad Nobilitatis splendo-
rem plus conferant?
- II. Utrum animo ingenuo
paupertas, an servitus
gravior accidat?

O. A. M. D. G.



UNIVERSITATIS
CRACOVENSIS

S. J.

orialis


ci-

ræ

O-

io

us



Biblioteka Jagiellońska



stdr0024845

